




5.5.399

5 R. 5.399.

1871  
21. July 1871.

15.



# INSTITUTIONES ARITHMETICÆ

CUM APPENDICE  
DE NATURA, ATQUE USU  
LOGARITHMORUM

AUCTORE

PAULINO A S. JOSEPHO LUCENSI  
Cler. Reg. Scholarum Piarum & in Archigymn.  
Romano Eloquentiæ Professore.



ROMÆ MDCCXLIII.

---

TYPIS JOANNIS ZEMPEL PROPE MONTEM JORDANUM  
PRÆSIDIUM FACULTATIS

# COMPTON

THE COMPTON COMPANY

100 N. W. 10th Ave., New York, N. Y.

Phone BR 1-1111

Telex 210000

1951

1952

1953

1954

1955

1956

1957

1958

1959

1960

1961

1962

1963

1964

1965

1966

1967

1968



DEO OPT. MAX.

*Scientiarum Parenti  
ac Domino,*

*Qui Unus & Trinus  
Omnia disposuit*

*In mensura & numero  
& pondere,*

*Opellæ hujus auctor*

*Hanc, se, suaque omnia*

D. D. D.

THE  
JOURNAL OF THE  
ROYAL ANTHROPOLOGICAL INSTITUTE  
OF GREAT BRITAIN AND IRELAND  
VOLUME 34  
PART 1  
1904  
LONDON  
PUBLISHED BY THE  
Royal Society of Great Britain  
1, BEDFORD SQUARE, W.C.1





## A D L E C T O R E M.



AUCI sunt, qui de ARITHMETICA recte judicent. Ea ple-  
risque vilescit, quod negotia-  
torum, aut eorum, qui ac-  
cepti expensique tabulas con-  
ficiunt, artem esse putent. At longe aliter de  
illa viri sapientes judicarunt. Plato quidem in  
Epinomide affirmat, sine Arithmetica neque ul-  
lam scientiam; neque ipsam hominum societa-  
tem posse consistere. Aristotiles autem existi-  
mabat, tam proprium esse hominis numerare,  
quam ratiocinari. Quid vero D. Augustinus,  
qui frequentissime suis in libris, præsertim ve-  
ro

ro de Doctrina Christiana , præclare de Arithmetica loquitur , multisque exemplis ostendit , ob numerorum inscitiam , plurima in sacris literis ignorari ? In eadem prorsus sententia fuerunt D. Hieronymus , ut ex lib. 2. contra Jovinianum , aliisque ex locis palam est ; tum D. Gregorius Nazianzenus , qui D. Basilium præceptorem suum summis laudibus celebrat , quod is numerorum scientia ad sacræ Scripturæ intelligentiam , aliasque disciplinas sibi viam munivisset . Illud certe negari non potest , ab iis , qui Arithmeticæ studia contemnunt , Geometriæ quoque , ac veræ Physicæ studia , hoc est disciplinarum omnium succum , & sanguinem , contemni omnino oportere : cum fieri non possit , ut hæc , quæ mirabili quodam ordine ac numerorum proportionem inter se cohærent , sine scientia numerorum intelligi valeant . Quis enim sine calculis comprehendat motus quantitatem ac leges , quadrata temporum , triplicatas corporum similibus rationes , resistendi vires , sonorum velocitates , liquidorum æquilibria , ac sexcenta alia , quibus non intellectis , naturalem omnem scientiam eum latere necesse est ? Itaque non immerito Plato in lib. 7. de Repub. Arithmeticam

. vocat

vocat vestibulum scientiarum, quod scilicet numerorum tractatione speculationibus difficilioribus animus assuescit, & ad reliquos scientiæ factus excipiendo mirum in modum præparatur. Imo ex ipsa numerandi vi faustum ad ceteras disciplinas progressum auguratur. *Homines*, inquit, *natura Arithmetici ad omnes doctrinas acuti videntur*. Hinc est, quod multi in omni memoria viri doctissimi in ordinandis, illustrandisque Arithmetice elementis desudarunt, quod eorum utilitatem, summamque necessitatem probe nossent. Ex præclaris eorum inventis ego triginta & amplius ab hinc annis ea decerpsi in usum studiosæ Juventutis Collegii Nazareni, quæ magis ad Juvenum ingenium apta, & ad Mathematicos studia necessaria esse judicavi. Semper enim illis viginti & uno annis, quibus nobiles ejusdem Collegii adolescentes in Mathematicis disciplinis institui, Arithmetice studium præmisi, cujus ope tum *II.*, tum *V.* & *VI.* Elementorum Euclidis propositiones facile ab illis percipi experientia comperi, contra vero Arithmetica destitutos in ipsis diu, multoque labore versari. Cum autem decursu temporis in ea scripta per manus tradita multa menda, ut fieri solet, irrepsissent, multoque

toque labore ac tempore in illis transcribendis opus esset, res non inutilis visa est; illa typis emittere; eaque occasione adjecta est de natura atque usu Logarithmorum Appendix, quam pariter in gratiam eorum adolescentium jam pridem adornaveram; tum etiam nonnulla alia, quæ ad quæstiones aliquot Arithmeticæ practicæ pertinent, quæ sane in vita civili haud semel occurrunt. Ad praxes autem Arithmeticas, quæ præcepti brevitate, & exemplorum copia satis claræ esse videntur, accedunt quoque demonstrationes, quales in hujus scientiæ tyrones conveniunt, quibus nimirum Euclides adhuc ignotus: cujus nihilominus unam, vel alteram propositionem citare, aut supponere, opportunum visum est. Profecto meras praxes afferre, rem valde tritam, & vulgarem putavi: demonstrationes autem adhibere ex Euclidis elementis VII., VIII., & IX., vel etiam ab Analyseos speciosæ penu depromptas, quod alii fecerunt, juventuti nostræ rem immaturam. An vero in medio constitierim, sapientum esto judicium.

## JOSEPH AB ANGELO CUSTODE

*Cler. Reg. Pauperum Matris Dei Scholar. Piar.*

PRÆPOSITUS GENERALIS.

**C**UM librum, cui titulus INSTITUTIONES ARITHMETICÆ CUM APPENDICE DE NATURA, ATQUE USU LOGARITHMORUM, a P. Paulino a S. Joseph Assistente nostro Generali duo ex nostris, quibus commissum fuit, recognoverint, atque approbaverint; ut typis mandetur, si iis, ad quos spectat, ita videbitur, facultatem in Domino concedimus. Romæ in Ædibus nostris Scholarum Piarum apud S. Pantaleonem, die 29. Aprilis an. 1743.

Joseph ab Angelo Custode  
Præp. Generalis.

Laurentius a S. Hyacintho Secret.

IMPRIMATUR.

Si videbitur Reverendissimo Patri Magistro Sacri  
Palatii Apostolici.

*F. M. de Rubeis Archiep. Tarf. Vicefg.*

b

AP-

## A P P R O B A T I O.

**L**ibrum, cui titulus INSTITUTIONES ARITHMETICÆ CUM APPENDICE DE NATURA, ATQUE USU LOGARITHMORUM ab Adm. R. P. Paulino<sup>a</sup> S. Josepho Cler. Reg. Scholarum Piarum Assistente Generali concinnatum, de mandato Rm̃i P. Sacri Palatii Apostolici Magistri, diligenter legi. In eo nihil inveni bonis moribus, sive Catholicæ Religioni repugnans, verum in instituendis Tyronibus in valde necessaria numerorum facultate brevem, dilucidam, & concinnam methodum observavi. Ideo dignissimum utilissimumque puto, ut typis ad cujuscunque commodum consignetur. Romæ v. Kal. Januarii MDCCXLIII.

*Franciscus Xaverius Brunetti.*

AP-

# A P P R O B A T I O

**J**ubente Rmo Sac. Palatii Magistro, legi diligenter librum, cui titulus INSTITUTIONES ARITHMETICÆ CUM APPENDICE DE NATURA, ATQUE USU LOGARITHMORUM: in eoque non solum nihil reperi sanz Fidei bonisve moribus adversum, sed universam Arithmeticam breviter, & perspicue expositam. Quare Institutiones illas publici juris dignissimas censeo. In quorum fidem &c. Datum Romæ in Conventu SS. Trinitatis die 9. Maij an. 1743.

*Fr. Franciscus Jacquier ex Minim. Familia  
Soc. Institut. Bononien., & bonarum ar-  
tium Academ. Lugdunen.*

## I M P R I M A T U R

Fr. Aloysius Nicolaus Ridolfi Sac. Pal. Apost.  
Mag. Ord. Prædicatorum.

# I N D E X

## CAPITUM, ET PROPOSITIONUM.

Definitiones. pag. 1.

### CAPUT I.

#### *De Calculo Integrorum.*

Prop. I.	Dati numeri valorem exprimere.	p. 3.
Prop. II.	De additione Integrorum.	p. 6.
Prop. III.	Additionem examinare.	p. 9.
Prop. IV.	De Subtractione Integrorum.	p. 11.
Prop. V.	De Multiplicatione Integrorum.	p. 14.
Prop. VI.	De Divisione Integrorum.	p. 19.
Prop. VII.	De Divisione Integrorum per numeros divisoris multiplices.	p. 27.

### CAPUT II.

#### *De Calculo Denominatorum.*

Prop. I.	De additione numerorum denominatorum.	p. 30.
Prop. II.	De subtractione numerorum denominatorum.	p. 33.
Prop. III.	De multiplicatione numerorum denominatorum.	p. 35.
Prop. IV.	De divisione numerorum denominatorum.	p. 37.



## CAPUT III.

*De Calculo Fractionum.*

Definitiones . . . . .	p. 39.
Axiomata . . . . .	p. 41.
Prop. I. Datis duobus numeris, maximam eorum communem mensuram invenire . . . . .	p. 42.
Prop. II. Fractiones ad minimos terminos reducere . . . . .	p. 44.
Prop. III. Fractiones ad idem nomen reducere . . . . .	p. 44.
Prop. IV. Fractionem ad aliam dati nominis, & ejusdem valoris revocare . . . . .	p. 47.
Prop. V. Fractiones ad integra revocare . . . . .	p. 48.
Prop. VI. Numerum integrum in minorem dati nominis reducere . . . . .	p. 49.
Prop. VII. Fractionem fractionis ad simplicem fractionem reducere . . . . .	p. 50.
Prop. VIII. Fractiones addere . . . . .	p. 51.
Prop. IX. Fractiones subtrahere . . . . .	p. 51.
Prop. X. Fractiones multiplicare . . . . .	p. 52.
Prop. XI. Fractiones dividere . . . . .	p. 54.

## CAPUT IV.

*De Extractione Radicum.*

Prop. I. Ex dato numero radicem quadratam, seu secundam extrahere . . . . .	p. 57.
Prop. II. Radicem quadratam per approximationem inquirere . . . . .	p. 63.
Prop. III. Ex dato numero radicem cubicam extrahere . . . . .	p. 64.

## CAPUT V.

*De Regulis Arithmeticis.*

Definitiones.	p. 68.
Prop. I. De regula Proportionum.	p. 70.
Prop. II. De regula Proportionum Composita.	p. 73.
Prop. III. De regula Proportionum Inversa.	p. 74.
Prop. IV. Explicantur nonnulla pro regulis proportionum, compendia.	p. 77.
Prop. V. De regula Societatis.	p. 79.
Prop. VI. De regula Alligationis.	p. 82.
Prop. VII. De regula simplicis Positionis, seu falli.	p. 86.
Prop. VIII. De regula duplicis Positionis.	p. 88.
Prop. IX. Aurificis furtum in corona Hieronis Regis detegere.	p. 93.
Prop. X. Datis duobus numeris tertium proportionalem invenire.	p. 95.
Prop. XI. Inter duos numeros datos medium proportionalem invenire.	p. 96.
Prop. XII. Inter duos numeros datos duos medios proportionales invenire.	p. 97.
Prop. XIII. Quæstiones aliquot practicæ expediuntur.	p. 98.

## CAPUT VI.

*De Progressionibus Arithmeticis, & Geometricis, earumque regulis.*

Lemmata.	p. 103.
Prop. I. Datis minimo ac maximo progressionis Arithmeticæ terminis, & terminorum numero, invenire summam.	p. 104.
Prop. II. Datis terminis maximo & minimo, necnon & numero terminorum, differentiam invenire.	p. 106.
Prop.	

- Prop. III. Minimo termino, differentia, & numero terminorum datis, invenire maximum. p. 106.  
 Prop. IV. Minimo & maximo, necnon & differentia datis, numerum terminorum invenire. p. 107.

### *De Progressionibus Geometricis.*

- Prop. V. Datis minimo & maximo progressionis Geometricæ terminis, ac denominatore, summam terminorum invenire. p. 110.  
 Prop. VI. Datis aliquot progressionis Geometricæ terminis, quemcumque alium, etiam mediis non cognitis, invenire. p. 112.  
 Prop. VII. Afferuntur nonnullæ progressionis Geometricæ questiones. p. 113.  
 Prop. VIII. Ex dato rerum numero combinationes omnes invenire. p. 116.  
 Prop. IX. Ex dato rerum numero permutationes omnes possibiles invenire. p. 117.  
 Prop. X. Proponuntur aliqua permutationum problemata. p. 119.  
 Prop. XI. Datis tribus numeris Arithmetice proportionalibus tres numeros Harmonice proportionales invenire. p. 120.  
 Prop. XII. Datis duobus numeris, tertium Harmonice proportionalem invenire. p. 121.  
 Prop. XIII. Si numerus datus dividatur per numeros Arithmetice proportionales, quotientes erunt in Harmonica proportionione. p. 121.

## A P P E N D I X

### *De Logarithmis, eorumque natura atque usu.*

- Lemmata. p. 123.  
 Prop. I. De natura Log morum eorumque inventione. p. 124.  
 Prop. II. Si Log-mus unitatis sit 0, erit Log-mus facti æqualis aggregato ex Log mis factorum. p. 126.  
 Prop.


- Prop. III. Si Log-mus unitatis est o, differentia Log-morum duorum numerorum æquatur Log-mo quoti eorundem humerorum. p. 127.
- Prop. IV. Numeri cujuscunque Log-mum invenire. p. 128.
- Prop. V. Multiplicare duos numeros, qui minores sint quam 10000. p. 132.
- Prop. VI. Numerum integrum minorem, quam 10000 per alium dividere. p. 132.
- Prop. VII. Datis tribus numeris, quartum proportionalem invenire. p. 133.
- Prop. VIII. Invenire Log-mum pro numeris majoribus, quam in Canone continentur, sed numerum 10,000,000 non excedentibus. p. 133.
- Prop. IX. Datæ fractionis Log-mum invenire. p. 136.
- Prop. X. Dato Log-mo, qui in tabulis accurate non existit, invenire numerum ei respondentem. p. 138.
- Prop. XI. Dato Log-mo defectivo, numerum ei respondentem invenire. p. 139.
- Prop. XII. Dato Log-mo excedente Log-mum 4.0000000, numerum ei congruum invenire. p. 140.
- Prop. XIII. Dati cujuscunque sinus Log-mum invenire. p. 142.
- Prop. XIV. Invenire Log-mum Tangentium, & Secantium dati arcus. p. 143.
- Probl. I. Dati numeri quadratum, vel cubum per Log-mos invenire. p. 147.
- Probl. II. Inter duos numeros datos invenire quocunque medios proportionales. p. 148.
- Probl. III. Quæstiones aliquot Arithmeticæ per Log-mos expediuntur. p. 150.
- Probl. IV. Data tormenti bellici elevatione, distantiam ictus invenire, & e converso. p. 155.
- Probl. V. Alitudinem Poli tempore æquinoctiorum invenire. p. 156.
- Probl. VI. In linea meridiana Zodiaci signa describere. p. 158.



# INSTITUTIONES ARITHMETICÆ.

---

## DEFINITIONES.

I.  *RITHMETICA* est scientia numerorum, ejus partes sunt quatuor: *Additio*, *Subtractio*, *Multiplicatio*, & *Divisio*.

II. *Unitas* est denominatio, per quam aliqua res dicitur una.

III. *Numerus* est unitatum multitudo, proinde unitas non est numerus, sed numeri principium, sicuti punctum est principium lineæ.

IV. *Numeri simplices* sunt unitates infra decadem 1, 2, 3, 4, 5, 6, 7, 8, 9. His additur cyphra 0, quæ per se nihil significat, sed numeris addita valorem auget decuplum, ut 10, 20, 30 &c.

V. *Numeri compositi* sunt numeri majores denario, incluso ipso denario, scilicet 10, 11, 12, 13, 14 &c.

A

VI.

VI. *Numerus numeri multiplex* dicitur, cum minor metitur majorem, hoc est cum minor aliquoties sumptus majori æqualis fit; seu cum major minorem aliquoties præcise continet. Sic 12 dicitur multiplex numeri 2, quia 2 sexies sumptus æqualis fit ipsi 12; seu quia 12 sexies præcise continet 2.

VII. *Pars aliquota* numeri est, quæ numerum metitur, *pars aliquanta*, quæ non metitur. Sic 2, 3, 4, dicuntur pars aliquota numeri 12; at vero 5 pars aliquanta ipsius, quia aliquoties sumpta vel ipsum excedit, vel ab eo deficit.

VIII. *Numeri inter se primi sunt*, quos nulla communis mensura, præter unitatem, metitur; ut 5 & 9, 7 & 12, 10 & 13, & alii infiniti.

IX. *Proportio numerorum* est habitudo, seu ratio quædam unius numeri ad alterum, secundum quod unus alterius est multiplex, vel pars, seu partes; sic 4 ad 2 dicitur habere rationem dupli; 9 ad 3 rationem tripli. Contra vero 2 ad 4 rationem partis, seu semissis, 3 ad 9 rationem tertiæ partis &c.

X. *Numeri homogenei* sunt illi, quorum unitates eandem rem significant.

XI. *Numeri heterogenei*, seu *denominati* sunt, qui variis nominibus denominantur, hoc est res diversas significant, ut dies, horas, minuta.


XII. *Numeri alii sunt integri*, alii *fractiones*, qui nempe continent aliquot partes alterius numeri, seu unitatis, de quibus in Cap. III.

## CAPUT I.

*De Calculo Integrorum.*

## PROPOSITIO I.

*Dati numeri valorem exprimere.*

- I.  IT exprimendus numerus datus *A*. Dividatur in periodos, secernendo virgula ternas quascunque figuras, incipiendo a dextera; divisus erit numerus *A* in tres periodos, seu centurias. Harum quælibet continet unitates, decades, & centenas: sed prima dextrorsum, continet unitates, decades, & centenas simpliciter; secunda vero continet unitates, decades, & centenas millium: tertia demum unitates, decades, & centenas millionum.

*A* 394,875,462.

Exprimitur incipiendo sinistrorsum, & progrediendo versus dexteram sic: tercenti nonaginta quatuor miliones, octingenta septuaginta quinque millia, quadringenta sexaginta duo. Similiter numerus *B* divisus, ut superius dictum est, dicit centum viginti quatuor miliones, & duo millia.

*B* 124,002,000.*A* 2

De-

Demum numerus  $C$  exprimit *milliones 100.*

$$C \ 100,000,000.$$

II. Pro numeris prolixioribus exprimendis ita procedes. 1. Datus numerus eodem modo per virgulas distribuitur in membra, ut superius factum est. 2. Super notam primam dextrorsum ponatur una cyphra 0, intermissisque quinque figuris, supra notam septimo loco positam ponatur unitas 1. Item post quinque iterum, notas scribatur 2, atque ita deinceps, relictis semper quinque notis, scribatur 3, 4, 5 &c. Quodlibet membrum continet sex notas, (præter primum ad sinistram, quod aliquando continere potest 2, 3, 4, aut 5 notas) Exprimendæ sunt igitur simul sex illæ notæ; prolataque integra periodo, toties repetenda est vox hæc *millio*, quot sunt unitates, quæ continentur supra primam notam talis periodi. Virgulæ autem appositæ millia significant, ut exemplis sequentibus  $D$ , &  $E$  facile intelligitur.

$$D \ 5^2, 329, 189^1, 602, 800^0$$

Quinquaginta duo *milliones millionum*, tercentum viginti novem *millia millionum*, centum octoginta novem *milliones*, sexcenta duo *millia*, octingenta.

$$E \ 45, 928^3, 634, 426^2, 350, 872^1, 385, 173^0$$

Quadraginta quinque *millia millionum millionum millionum*, nongenti viginti octo *milliones millionum*,  
millio-



millionum, sexcenta triginta quatuor millia millionum  
millionum; quadringenti viginti sex miliones millio-  
num, tercenti quinquaginta millia millionum, octin-  
genti septuaginta duo miliones, trecenta octoginta  
quinque ac centum septuaginta tres.

SCHOL. I. *Si cui molestum sit iterare toties vocem illam  
millionum, utatur hoc cōpendio: Ubi pronuntianda est  
vox millionum bis, dicat bimillionum: ubi ter, dicat  
trimillionum: ubi quater, quadrimillionum &c. adeo-  
que superius exemplum efferrī potest sic: quadraginta  
quinque millia trimillionum, nongenti viginti unum mil-  
liones bimillionum &c.*

SCHOL. II. *Præter valorem simplicem, quem singula  
notæ Arithmetica habent proprium, alium insuper ha-  
bent ratione loci, quem occupant: qui valor precedit in  
proportionē subdecupla. Itaque nota primo loco, a dextris  
incipiendo, postea significat unitates, secundo loco posita  
significat tot decades, quot unitates habet; tertio loco tat,  
centenas, quarto loco millia, quinto loco dena millia,  
sexto loco centena millia &c. Id tyrones bene intelligant  
necesse est. Ecce exemplum.*

1	3	4	6	5	9	2	duo . . . . .
					9	0	nonaginta . . . . .
				5	0	0	quingenta . . . . .
			6	0	0	0	sex millia . . . . .
		4	0	0	0	0	quadraginta millia . . . . .
	3	0	0	0	0	0	trecenta millia . . . . .
1	0	0	0	0	0	0	decies centena millia , seu millio .

1 3 4 6 5 9 2.

PRO-

## P R O P O S I T I O . II.

*De Additione. Integrorum.*

I. **A**dditio est plurimorum numerorum in unam summam collectio. Numeti addendi vocantur *dati*; numerus, qui ex additione conflatur, dicitur *summa*, seu *aggregatum*. Additio procedit a dextra in sinistram. En praxis pro homogeneis.

1. Scribantur numeri ordinatim ita ut unitates unitatibus, decades decadibus, centena centenis invicem sibi respondeant.

2. Ducta linea, numeros sub eadem columna positos in unum collige; & si novem non excedant, sub-scribe quotquot sunt.

3. Si numerus collectus excedit novem, ita ut unam, vel plures decades contineat, subscribe id, quod remanet supra decades, & adde sequentis columnæ numeris tot unitates, quot fuerunt decades.

*Sit exemplum*, quæritur quot anni elapsi sint ab orbe condito usque ad annum 1742. completum. Ex Petavii computo tom. 2. lib. 13. de Doctrina Temporum numerantur,

	D	C	B	A
Ab Adamo ad finem diluvii anni,	1	6	5	6.
A fine diluvii ad Christum,	2	3	2	7.
A Christo ad annum 1742.	1	7	4	2.

---

Summa 5 7 2 5.

Nam

Nam primo unitates 2, 7, 6 in columna *A* faciunt 15, quæ continent decadem 1, & remanent 5. Scribo itaque 5 infra lineam, & reservo 1 pro sequenti columna *B*, nempe unam decadem.

Similiter decades 4, 2, 5 in columna *B* faciunt 11. addita priori unitate, sunt 12. Scribo 2 infra lineam, & retineo unitatem, quæ centenarium dicit, addendam numeris columnæ *C*.

Centena 7, 3, 6 columnæ *C* cum præcedenti unitate faciunt 17. Scribo igitur 7, & retineo unitatem, quæ mille importat, pro sequenti columna *D*.

Demum millia 1, 2, 1 columnæ *D* cum præcedenti 1 faciunt 5, quæ scribo infra lineam, & habetur summa quæsitæ 5725.

*Sit aliud exemplum.* Addendæ sunt in unam summam plures accepti, vel expensû summæ *A*, *B*, *C*.

<i>A</i> 104	<i>B</i> 7245	<i>C</i> 235
741	3280	7348
892	834	9532
1380	1273	780

Sum. 3117    Sum. 12632    Sum. 17895

Peracta operatione, habetur summa *E* 3117; ubi patet, cyphras 0 in additione nihil addere, nam 0, 2, 1, 4, faciunt 7.

II. Præter usitatum additionis explicatæ modum, est alter, in quo operatio procedit a sinistra versus dexteram, & nullus in eo numerus mente retinetur, sed tota summa statim infra lineam describitur. Addendi sint numeri *A*, *B*, *C*.

*F G*

	F	G	H	I
A	1	9	6	6
B	7	3	4	5
C	9	2	8	9
<hr/>				
D	1	7	4	8 0
E		1	1	2
<hr/>				
X	1	8	6	0 0

1. Incipiens a sinistra, quæ hic *millia* significat, dico 9 cum 7 faciunt 16, & 16 cum 1 faciunt 17, quem totum scribo sub ipsâ columna millium *F*.

2. Colligo centena secundæ columnæ *G*, quæ faciunt 14: pono 4 immediate sub linea, sed 1 sub præcedenti columnâ *F*, nempe infra 7. Eodem modo notantur decades 18 sub columnâ *H*, & unitates 20 sub columnâ *I*.

3. Ducta linea, altera fit-additio ordinum *D* & *E*, & habetur summa quæsitâ *X*.

*Demonstr.* Additionis ratio manifesta est ex *Axiom. 9. lib. 1. Eucl.* nempe totum aequale esse omnibus suis partibus simul sumptis. Tot enim sunt unitates, decades, centena, ac millia in summa reperta *X*, quot unitates, decades, centena, ac millia existunt in summis singulis datis *A*, *B*, *C*. Nam si colligantur unitates sub columnâ primâ *I*, efficiunt 20, hoc est decades 2, proinde ponitur 0, & reservantur 2 illæ decades ad propriam sedem decadum *H*. Similiter decades collectæ sub columnâ *H* sunt 18, quæ additis duabus prio-

prioribus, faciunt 20, hoc est centena 2, adeoque ponitur 0, & reservantur 2 ad sequentem seriem. Sub columna tertia *G* sunt 14 centena, quibus si addantur 2 præcedentia, sunt 16. Ponitur itaque 6, & reservatur 1 mille. Demum millia columnæ quartæ *F* sunt 17, quæ cum præcedenti 1 sunt 18 millia. Patet igitur tot unitates, decades, centena, ac millia in summa *X* contineri, quot omnino continentur in numeris datis *A*, *B*, *C*. Quod totum patet ad oculum, scilicet

	<i>FGHI</i>	
<i>A</i>	1966	
<i>B</i>	7345	
<i>C</i>	9289	
<hr/>		
<i>Unitates</i>	20	20
<i>Decades</i>	18.	180
<i>Centena</i>	14..	1400
<i>Millena</i>	17...	17000
<hr/>		
	<i>X</i> 18600	<i>X</i> 18600

### PROPOSITIO III.

*Additionem examinare.*

**M**ultiplici ratione fieri potest examen.

1. Eandem additionem repete, sed ordine mutato, ut si prius ab imo sursum processeris, deinde a summo deorsum descendas: nam si utraque summa inventa eadem fuerit, probabile est, nullum errorem irrepsisse.

*B*

2. *A*

2. A numeris addendis abiicitur 9 quoties potest; nulla habita ratione ordinis, aut loci, & residuum notatur in angulo crucis. Abiectisque deinde 9 ex summa *A*, ponitur residuum in altero angulo; quæ residua si fuerint æqualia, recte operatus es, quod patet sequenti exemplo:

$$\begin{array}{r}
 4824 \\
 5721 \\
 3402 \\
 \hline
 A13947
 \end{array}
 \quad
 \begin{array}{c}
 9 \\
 6 \mid 6
 \end{array}$$

Hoc examen male audit ut fallax, nam si pro summa *A* alia longe major ponatur 19347, iisdem numeris ordine mutato constans, aut si eidem summæ *A* addas quotcumque volueris cyphas 0, semper remanet, abiectis novenariis, idem residuum 6. Ceterum ob summam ejus facilitatem non est rejiciendum.

3. Fit abijciendo omnes numeros septenarios e qualibet summa particulari *A*, *B*, *C*, & ponendo seorsim residuum ut in *E*. Abiectisque deinde ex utraque summa *M*, & *N* septenariis, si residua in angulo crucis posita æqualia sint, res bene processit.

Sed nota discrimen inter hoc, & superius examen. Numerus novenarius abiicitur per additionem numeri ad numerum, ex. gr. ut abijciam 9 ex 134, sufficit addere simul 4 cum 3, & 1, & habetur statim novenarii residuum 8. At si abijcere velis 7 ex eodem 134, procedendum est per decades, abijciendo primum 7 ex 13, unde remanet 6, deinde ex 64, & residuum est 1.

*A* 3

A	3	4	5	6	E	5
B	7	2	0	1		5
C	3	4	5	8		0
<hr/>						
M	1	4	1	1	S	N 10

	7
3	
<hr/>	
	3

Ratio hujus, & præcedentis examinis desumitur ex *Axiom. 3. lib. 1. Eucl.* Si ab æqualibus demas æqualia, residua sunt æqualia.

## PROPOSITIO IV.

### *De Subtractione Integrorum.*

**S**ubtractio est inventio excessus, quo numerus major superat minorem. En praxis.

1. Collocetur numerus minor sub majori, a quo debet subtrahi, ita ut unitates unitatibus, decades decadibus, centena centenis respondeant, ut de additione dictum est *Prop. 2.*

2. Ducta linea, & dextrorsum incipiendo auferantur unitates ab unitatibus, decades ex decadibus &c. & id, quod remanet, scribatur infra lineam.

3. Si quis numerus inferior subduci non potest a superiori, quia illo major est, intelligatur addita numero ipsi superiori decas, factaque subtractione, ponatur residuum infra lineam: sed deinde numerus superior, qui sequitur, unitate minuitur, vel (idem enim est) subsequens numerus inferior augetur unitate.

4. Demum si numerus inferior sit superiori numero

B 2

æqua-

æqualis, ponitur infra lineam 0; vel linea —, si id contingat in fine operationis.

*Sit exemplum.* Debet quis alteri aureorum summam *A*, non habet nisi aureorum summam *B* solvendam, quærit quantum de ære alieno supersit.

$$\begin{array}{r} A \quad 1 \ 9 \ 2 \ 5 \\ B \quad 1 \ 3 \ 8 \ 2 \end{array}$$

---


$$C \quad - \ 5 \ 4 \ 3$$

Primo aufer 2 ex 5, remanent 3, quæ scribe infra lineam. Deinde 8 subduci non potest ex 2, intellige decadem additam ipsi 2, fiet 12, ex quo aufer 8 remanent 4, scribenda infra lineam. At subsequens numerus superior 9, minuitur unitate, vel inferior 3 unitate augetur, proinde subductis 4 ex 9, residuum est 5, quod scribe infra lineam. Demum auferendo 1 ex 1 nihil remanet, scribe lineam. Debebit igitur adhuc aureos 543, cum talis sit excessus numeri majoris *A* supra minorem *B*.

Similiter subduci debet numerus *N* ex numero *M*, quæritur excessus, seu residuum *X*.

$$\begin{array}{r} M \ 6 \ 2 \ 0 \ 0 \ 1 \ 0 \ 0 \ 2 \ 7 \\ N \ 3 \ 1 \ 9 \ 5 \ 7 \ 6 \ 8 \ 4 \end{array}$$

---


$$X \ 5 \ 8 \ 8 \ 0 \ 5 \ 2 \ 3 \ 4 \ 3$$

Aufer 4 ex 7, residuum est 3. Item 8 ex 12, residuum est 4. Pariter 7 ex 10, residuum est 3. Similiter 8 ex 10, residuum est 2, tum 6 ex 11, residuum est 5, & 10 ex 10, residuum est 0 &c. Exa-



*Examen subtractionis* generatim fit addendo residuum  $X$  numero minori subtracto  $N$ . Nam si erratum non sit, restituitur major numerus  $M$ , ut patet.

Examen fieri quoque potest per abjectionem novenarii. Nam abjecto novenario ex  $A$ , quantum abijci potest, residuum est 8. Deinde abjecto novenario ex numeris  $B$  &  $C$ , æqualibus ipsi  $A$ , residuum pariter est 8.

$$\begin{array}{r} A \quad 6 \quad 4 \quad 3 \quad 4 \\ B \quad \quad 5 \quad 2 \quad 1 \\ \hline C \quad 5 \quad 9 \quad 1 \quad 3 \end{array}$$

$$\begin{array}{r} 9 \\ 8 \mid \\ \hline 8 \end{array}$$

*Demonstr.* Subtractionis per se patet. Nam ex *Defin.* Subtractio est inventio excessus, quo numerus major superat minorem, proinde excessus una cum minori numero adæquat majorem; adeoque tot unitates, decades, & centena debent esse in  $B$ , &  $C$  simul, quot sunt in  $A$ . Sed subducendo 1 ex 4, ponitur residuum 3. Sunt ergo tot unitates in  $B$ , &  $C$  simul, quot sunt in  $A$ , nempe 4. Similiter subducendo decades 2 ex decadibus 3, ponitur 1 in residuo. Igitur decades  $B$  &  $C$  æquales sunt decadibus in  $A$  contentis nempe 3, & sic deinceps. Est ergo æqualitas inter  $A$ , &  $B$  una cum  $C$ . Quod &c.



PRO.

## PROPOSITIO V.

*De Multiplicatione Integrorum.*

**M**ultiplicatio est ductus unius numeri in alium, ex quo alter toties augetur, quoties in altero unitas continetur.

Vel *Multiplicatio* numeri per numerum est inventio numeri, qui toties contineat numerum multiplicatum, vel multiplicantem, quot alter continet unitates. Ut numerus *A* 12 multiplicatus per *B* 3 producit numerum *C* 36, qui ter continet *A*, sicuti *B* ter continet unitatem. Hinc patet multiplicationem esse compendiosam additionem; idem enim est multiplicare *A* per *B*, ac toties addere ipsum *A*, quot sunt in *B* unitates.

Numeri *A* & *B* dicuntur *multiplicatores*, seu *factores*, numerus *C* *productum*, seu *factum*. Vulgo tamen qui minor est, & inferius scribitur, dicitur multiplicator, seu multiplicans, major autem multiplicandus appellatur. En praxis.

1. Si multiplicator unica figura constet (ut in primo sequenti exemplo) illa ducatur sigillatim in omnes multiplicandi figuras, initio facto a dextra versus sinistram; & quot productum continet decades, tot reserventur unitates sequenti producto adijciendæ, & scribatur infra lineam id, quod remanet.

2. Si multiplicator pluribus constet figuris, tunc singulæ seorsim ducantur in singulas numeri multiplicandi figuras, sed producta ita infra lineam scribantur, ut productum secundæ figuræ ponatur directe sub ipsa secun-

cunda figura, productum tertiæ figuræ sub tertia, & sic deinceps, cum hæc producta importent decades, centena &c.

3. Ducta linea, singula producta particularia in unam summam colligantur, ut habeatur integrum productum quæsitum.

*Sit exemplum 1.* Vendendi sunt agni *A* juliis 5 in singula capita, quæritur pretium *C*.

*A* 1 2 7 6. *multiplicandus.*  
                     5. *multiplicans.*

*C* 6 3 8 0. *productum.*

Primo 6 quinquies sumptus facit 30, pono 0, & sequenti producto addo tres unitates ob tres decades producti primi. Itaque 7 quinquies sumptus facit 35, addo 3 fiunt 38, scribo infra lineam 8, & reservo 3. Tum 2 quinquies sumptus facit 10, addo 3 fiunt 13, scribo infra lineam 3, & servo 1. Demum 1 quinquies sumptus facit 5, addo 1 præcedentem, & scribo 6.

*Exemplum 2.* Quæritur quot horas annus unus contineat, qui dies 365 continere supponitur.

*Dies* 3 6 5  
*Horæ* 2 4  


---

       1 4 6 0  
       7 3 0  


---

*Horæ* 8 7 6 0

*Exem-*

*Exemplum 3.* Aerarii præfectus exigit annuatim ab oppidis 824 aureos 102, quæritur aureorum summa.

$$\begin{array}{r}
 \text{Opp. } 824 \\
 \text{Aur. } 102 \\
 \hline
 1648 \\
 8240 \\
 \hline
 \text{Aur. } 84048
 \end{array}$$

**COROLL.** Hinc patet, quod si in multiplicatore occurrit cyphra 0, ponitur in producto cyphra (vel plures, si sint) deinde statim continuatur multiplicatio ceterorum numerorum, quod ex præcedenti exemplo manifestum est.

**SCHOL. I.** *Cyphrae initiales ante operationem refectantur; operatione autem peracta, producto adduntur quotquot sunt. Pariter si multiplicandus sit numerus per 10, vel 100, vel 1000 &c. satis est addere multiplicando ad dexteram tot cyphras, quot continentur in multiplicatore, sine ulla alia operatione, quia unitas non multiplicat. Utrumque patet exemplis A & B.*

$$\begin{array}{r}
 \text{A } 1360 \\
 \quad 200 \\
 \hline
 272000
 \end{array}
 \qquad
 \begin{array}{r}
 \text{B } 15724 \\
 \quad 1000 \\
 \hline
 15724000
 \end{array}$$

**SCHOL. II.** *Multiplicatio fit etiam per factores numeri multiplicantis, vel multiplicandi. Sic idem est multiplicare 30 per 24, ac 30 per 4 & 6. Item 30 per 12 & 2, vel per 8 & 3, qui omnes sunt factores ipsius 24.*

**SCHOL.**

SCHOL. III. *Multiplicatio facile perficitur ab iis, qui probe callent producta, quæ fiunt ex numeris simplicibus in numeros simplices, unde componitur Tabula, quæ ab inventore Pythagora vocatur Pythagorica. Usus illius est: si scire velis productum ex. gr. ex 3 in 8, quære 3 in columna AB, & 8 in fronte AC, invenies in communi concursu productum 24. Sic de ceteris. Ratio est, quia columna prima incipit ab unitate, & descendendo crescit usque ad 9. Secunda incipit a binario, tertia a ternario &c. semper usque ad 9 progredientes. Prima crescit sola unitate, secunda numero binario, tertia ternario &c. In exemplo allato numerus 8, qui crescit numero octonario, habet in tertia sede numerum 8 ter sumptum, scilicet 24. Idem numerus 8 habet in quinta sede 40, hoc est 8 quinquies sumptum, & sic de ceteris.*

A                      Tabula Pythagorica.                      C								
1	2	3	4	5	6	7	8	9
2	4	6	8	10	12	14	16	18
3	6	9	12	15	18	21	24	27
4	8	12	16	20	24	28	32	36
5	10	15	20	25	30	35	40	45
6	12	18	24	30	36	42	48	54
7	14	21	28	35	42	49	56	63
8	16	24	32	40	48	56	64	72
9	18	27	36	45	54	63	72	81

B

D

C

Mul-

*Multiplicationis examen* fieri potest per abjectionem novenarii, aut septenarii. Nam 1<sup>o</sup> abijcitur 9, vel 7 ex numero multiplicando *A*, & residuum ponitur in angulo crucis *M*. 2<sup>o</sup> Reijcitur 9, vel 7 ex multiplicante *B*, cujus residuum ponitur in angulo crucis *N*. 3<sup>o</sup> Multiplicantur inter se *M* & *N*, & ex producto abijcitur 9, vel 7, residuumque scribitur in angulo *R*. 4<sup>o</sup> Reijcitur 9, vel 7 ex producto *C*, habetur residuum, quod si æquale sit residuo priori *R*, res bene processit.

$$\begin{array}{r}
 A \ 3506 \\
 B \ 132 \\
 \hline
 D \ 7012 \\
 E \ 10518 \\
 F \ 3506 \\
 \hline
 C \ 462792
 \end{array}$$

$$\begin{array}{r}
 \phantom{M} 9 \\
 M \ 5 \overline{) 3} \ R \\
 N \ 6 \overline{) 3} \ T \\
 \\
 \phantom{M} 7 \\
 \phantom{M} 6 \overline{) 1} \\
 \phantom{M} 6 \overline{) 1}
 \end{array}$$

Fit etiam *examen per divisionem*. Nam si dividatur productum *C* per alterutrum factorem *A* vel *B*, prodibit in quotiente alter factorum *A*, vel *B*. Sed prius intelligendum, quid sit divisio; de qua in sequenti *Propos.*

*Demonstr.* Cum multiplicatio sit compendiosa additio, ut dictum est, multiplicatio numeri *A* per notam ultimam numeri *B*, nempe per 2, est addere ipsum numerum *A* bis, unde producitur *D* 7012; in quo tot sunt unitates, decades, ac centena, quot habentur in *A* bis sumpto. Similiter multiplicatio ejus-

ejusdem numeri  $A$  per secundam notam numeri  $B$ , nempe per 3, qui significat 30, est additio ipsius  $A$  sumpti trigiesies, unde productum  $E$  tot continet unitates, decades, centena &c. quot continentur in  $A$  trigiesies sumpto. Demum productum  $F$  habetur ex multiplicatione numeri  $A$  per 1, hoc est per 100; adeoque tot unitates, decades &c. continentur in  $F$ , quot continentur in  $A$ , si centies sumatur. Igitur tres numeri  $D$ ,  $E$ ,  $F$ , seu productum integrum  $C$ , tot continet unitates, decades &c. quot continentur in  $A$  centum trigiesies, & bis sumpto. Quod erat &c.

## PROPOSITIO VI.

### *De Divisione Integrorum.*

**D**ivisio est inventio numeri, qui toties unitatem contineat, quoties numerus dividendus continet divisorem. Numerus inventus dicitur *quotiens*, *quotus*, vel *exponens*; exponit enim per suas unitates, quoties divisor continetur in dividendo. Itaque dividendo numerum 12 per numerum 3, invenitur quotus, sive exponens 4, qui toties continet unitatem, quoties dividendus 12 continet divisorem 3.

I. Sit divisor numerus simplex 5, per quem dividendus est numerus datus 1580455. Ponatur divisor sinisterum seorsim post lineam, ut in  $M$ .

$$\begin{array}{r} \text{Divisor } M \ 5 \ ) \ 1580455. \text{ dividendus.} \\ \phantom{Divisor } \quad \quad \quad 316091. \text{ quotus.} \end{array}$$

C 2

Et

Et procedendo a sinistra in dexteram, vide quoties 5 continetur in 15, nempe ter, subscribe 3. Deinde vide quoties idem 5 continetur in subsequenti numero 8, continetur semel, & remanent 3. Scribe 1 sub ipso 8, tum adde decades tres sequenti figuræ dividendi, fiunt 30, quibus divisus per 5, habetur quotus 6, quem pone sub 0. Postea 4 dividi nequit per 5, utpote minor, pone igitur 0 in quoto, & adde quatuor decades subsequenti numero 5, fiunt 45, quæ dividantur per 5, erit quotus 9, quem subscribe. Demum dividendo 5 per 5, habetur quotus 1. Quotus igitur quæsitus est 316091. Hic dividendi modus vulgo dicitur: *partire a colonna*.

Fieri etiam potest hæc divisio præsidio tabulæ Pythagoricæ, de qua in *prac. Propos.* Nam numerus dividendus in media area reperitur; divisor vero in latere  $AB$ , & quotus in fronte  $AC$ . Sit dividendus numerus 40 per 5, reperto 40 in area, & divisore 5 in latere  $AB$ , invenitur in fronte  $AC$  quotus 8. Quod si dati numeri 40 divisor sit 8, invenietur in fronte quotus 5; & sic de aliis.

Sin autem numerus dividendus in area tabulæ præcise non reperitur, ut si dividendus sit 50 per 6; sumitur numerus proxime minor, cui directe respondet divisor 6 in latere existens, nempe 48, & in fronte occurrit 8, qui erit quotus quæsitus.

*Examen* hujusce divisionis fit multiplicando quotum per divisorem. Si erratum non sit, restituitur idem numerus, qui fuit divisus, ut patet.

II. Quod si divisor sit numerus compositus, pluribus constans figuris, alia via procedendum. Dividendus sit numerus datus  $A$  per numerum  $B$ .  $B$  45



$$\begin{array}{r}
 B \ 45 \ ) \ A \ 18673 \\
 \underline{180} \phantom{00} \\
 67 \phantom{00} \\
 \underline{45} \phantom{00} \\
 223 \phantom{00} \\
 \underline{180} \phantom{00} \\
 430 \phantom{00} \\
 \underline{405} \phantom{00} \\
 25
 \end{array}$$

1. Accipe ex dividendo  $A$  tot figuras finistrorsum, quot sunt in divisore  $B$ . Vel accipe tot figuras ex numero dato  $A$ , quot per divisorem  $B$  dividi possint; ut in hoc exemplo 186, easque secerne puncto. Erit 186 primum divisionis membrum.

2. Vide quoties divisor  $B$  contineatur in 186: quod quia primo intuitu dignoscere haud facile est, vide quoties prima divisoris figura 4 contineatur in 18; patet contineri quater, & remanent 2, quæ cum sequenti figura 6 faciunt 26, in quò secunda divisoris figura 5 pariter continetur quater (nihil autem refert, si pluries contineatur) totus ergo divisor 45 continetur quater in toto divisionis membro 186, proinde pone 4 in  $C$ .

3. Per quatum  $C$  multiplica totum divisorem  $B$  45, & productum 180 subscribe ipsi 186, a quo illud subtrahe per *Propos. iv.*, remanent 6.

4. Ad

4. Ad hoc residuum 67 junge dextrorsum subsequen-  
tem dividendi figuram 7, erit 67 secundum divisionis  
membrum; eademque omnino operatio instituenda est:  
quam breviter in gratiam tyronum prosequar, scilicet:

Quare quoties divisor 45 contineatur in 67, patet  
contineri semel, scribe ergo in C 1, per quem mul-  
tiplica totum divisorem B, & productum 45 subscribe  
ipsi 67, factaque subtractione, habetur residuum 22.

Ad hoc residuum 22 adjuuge sequentem dividendi  
figuram 3, fiet tertium divisionis membrum 223. Circa  
quod rursus eadem operatio repetenda est.

Proinde vide quoties divisor 45 continentur in 223:  
seu quoties prima figura 4 contineatur in 22, patet con-  
tineri quinquies, & remanent 2, quæ una cum sequen-  
ti figura 3 faciunt 23. Sed secunda divisoris figura 5  
non continetur quinquies in 23, proinde quotus ille 5  
minui debet unitate (vel etiam pluribus, si opus sit)  
& reponitur 4 in C, per quem multiplicato divisore B,  
habetur productum 180, quod subscribe ipsi 223, ab  
eoque subtrahe, remanent 43.

Junge demum ad 43 ultimam dividendi figuram 0,  
erit quartum divisionis membrum 430, quocirca ea-  
dem praxis facienda est. Vide igitur quoties 4 contineat-  
ur in 43, dic contineri tantum novies (nam nullus  
quotus ponitur in C major, quam 9) remanent 7, quæ  
cum cyphra faciunt 70, in quo pariter altera divisoris  
nota 5 continetur novies. Itaque multiplicando diviso-  
rem 45 per 9 habetur productum 405, quod subtrahen-  
dum est ab ipso 430, & residuum divisionis est 25. Quo-  
tus ergo quæsitus C est 4149, & remanent 25.

Co.

**COROLL.** Ex præcedenti exemplo tria sunt colligenda. 1. Si secunda, tertia, aut quarta divisoris nota toties contineri non possit in secunda, tertia, aut quarta nota dividendi, quoties prima ejusdem divisoris nota continetur in prima nota dividendi, tunc quotum una, vel pluribus unitatibus esse minuendum. 2. In quo nunquam reponi numerum majorem novenario, etiam si divisor pluries, quam novies contineatur in dividendo. 3. Integrum quotum tot figuris constare, quot sunt divisionis membra.

*Sit aliud exemplum.* Dividere oporteat numerum datum  $M$  per numerum  $N$ .

$$N \ 179) \quad M \ 73394475$$

$$716$$

$$R. 410025) \quad \begin{array}{r} -179 \\ 179 \end{array}$$

$$\begin{array}{r} 000447 \\ 358 \end{array}$$

$$\begin{array}{r} -895 \\ 895 \end{array}$$

$$000$$

1. Secerne puncto ex dividendo  $M$  tres figuras 733 quot sunt in divisore  $N$ , erit primum divisionis membrum 733. Jam prima divisoris nota continetur in prima dividendi nota septies, sed cum secunda, & tertia divi-

divisoris nota contineri non possint in secunda, & tertia nota dividendi pluries quam quater, minuitur 7. tribus unitatibus, & ponitur in  $R$  quotus 4.

2. Duc divisorem  $N$  in 4, & productum 716 subseribe ipsi 733, a quo subtrahendum est, remanet 17. Adde ex dividendo subsequenter figuram 9, faciunt 179, eritque secundum divisionis membrum, in quo patet, divisorem contineri semel, proinde pone in quoto 1, per quem multiplicando divisorem, habetur productum 179, subducendum ex ipso 179, adeoque remanet 0.

3. Divisor contineri non potest in duabus subsequentibus dividendi figuris 44, pone ergo in quoto totidem cyphas, & adde ad 44 aliam figuram ex dividendo, nempe 7, quæ faciunt 447, in quibus divisor continetur bis. Pone igitur in quoto 2, & cetera prosequere, ut supra. Erit quotus  $R$  410025 sine ullo residuo.

SCHOL. I. *Quod remanet post singulas subtractiones, nunquam potest esse æquale, aut majus divisore, alias fuit erratum. Assumptus enim fuit quotus justo minor. Contra vero si productum ex quoto in divisorem majus sit residuo divisionis, ex quo fieri debet subtractio, ita ut subtractio fieri non possit, signum est, quotum assumptum esse justo majorem, ac proinde esse minuendum. Utrumque casum tyrones diligenter advertant.*

SCHOL. II. *Si absoluta divisione, aliquid remanet, ut in primo exemplo contigit, residuum illud ponitur supra lineam, & sub eodem ponitur divisor, atque hinc oriuntur fractiones, de quibus in capite III.*

SCHOL.

SCHOL. III. *Qui sunt in hac dividendi praxi peritiores, producta ex singulis quotis in divisorem non subscribunt, sed illa memoria retinentes, statim subtrahunt ex membro divisionis, & notant residuum. Sic dividendo 305802 per 809, productum ex 3 in 9, subtractum ex 8, relinquit 1 &c.*

$$\begin{array}{r}
 305802 \\
 809 \overline{) 305802} \\
 \underline{378} \phantom{00} \\
 6310 \phantom{00} \\
 \underline{6472} \phantom{00} \\
 100 \phantom{00}
 \end{array}$$

SCHOL. IV. *Si divisor habeat in fine unam, vel plures cybras, ut 120, 300, 4000 &c. abscinduntur ab illo cybræ, totidemque figuræ a dividendo dextrorsum, deinde fit, ut moris est, divisio cum reliquis figuris; sed absoluta operatione, figuræ ex dividendo abscissæ ponuntur supra lineam, infra quam ponitur divisor integre sumptus cum cybris. Ut si dividendus sit 635 per 200. Abscindo duas cybras ex 200, & duas figuras dextrorsum ex dividendo 635; divisio deinde 6 per 2, habetur quotus  $3\frac{3}{100}$ . Quod si prima divisoris nota fuerit 1, & reliquæ omnes cybræ, ut 10, 100, 1000 &c. confecta erit divisio, si ad dexteram dividendi abscindas totidem figuras, quot sunt in divisore cybræ, nam unitas non dividit. Proinde dividendo 145690 per 10000, quotus erit  $14\frac{1690}{10000}$ ; dividendo per 1000, quotus erit  $145\frac{690}{1000}$  &c.*

SCHOL. V. *Est alius non inelegans dividendi modus, quem Itali vulgo vocant, partire per ripiego; qui tunc solum adhiberi potest, cum divisor potest resolvi in suos factores. Sit dividendus numerus 15460 per 45, quia divisor 45 resolvi potest in suos factores 5 & 9, ex quibus com-*

D

poni-

ponitur, divido primo per 5, quotus est 3092, divido deinde quotum 3092 per 9, oritur quotus quaesitus  $343 \frac{5}{9}$ . Similiter dividendus sit 13463 per 36, quia 36 componitur ex 4 & 9, divide per 4 numerum datum, quotus erit  $3365 \frac{3}{4}$ , hunc divide per 9, quotus erit  $373 \frac{8}{9}$ . Et ex duabus illis fractionibus fiat unica fractio, duc residuum 8 in divisorem 4, & producto adde residuum primum 3, fit 35. Duc deinde 4 in 9 fit 36, erit fractio  $\frac{35}{36}$ , unde  $373 \frac{35}{36}$  quotus quaesitus. Ratio hujus suo loco innotescet.

*Examen divisionis fit per multiplicationem.* Nam multiplicando divisorem per quotum, restituitur numerus dividendus, modo illi addatur, si quid ex divisione remansit.

Vel fit examen per abjectionem 9, vel 7. Nam reje-ctis primo 9, vel 7 tum ex divisore, tum ex quoto, res-  
dua 8 & 4 notantur in angulo crucis sinistro A & B, & du-  
cuntur inter se, deinde producti residuum 5, abjectis 9  
vel 7, ponitur in vertice ipsius crucis, cui quidem ad-  
ditur residuum divisionis factae, ablatisque ex hac sum-  
ma 9, vel 7, quod remanet, ut hic 0, ponitur in angulo  
crucis dextero C, cui æquale debet esse id, quod restat  
ex dividendo, abjectis pariter 9, vel 7, & notatur in E.  
Patet sequenti exemplo M.

$$\begin{array}{r}
 35 \\
 \underline{130}
 \end{array}
 \quad
 \begin{array}{r}
 M \ 4563 \\
 \quad 106 \\
 \quad \underline{-13}
 \end{array}
 \quad
 \begin{array}{r}
 5 \\
 A \ 8 \mid 0 \ C \\
 \hline
 B \ 4 \mid 0 \ E
 \end{array}
 \quad
 \begin{array}{r}
 0 \\
 0 \mid 6 \\
 \hline
 4 \mid 6
 \end{array}$$

*Demonstr.* Ex praxi a nobis tradita tot notis con-  
stare debet quotus, quot sunt membra divisionis,  
ut

ut in *Coroll. n. 3.* dictum est. Sed singulæ quoti notæ toties unitatem continent, quoties singula divisionis membra divisorem: nam in primo exemplo, in quo dividitur 186730 per 45, primum membrum divisionis 186 continet quater divisorem 45, sicuti prima quoti nota 4 continet unitatem. Siquidem ex regula tradita 45 ducitur in 4, & productum 180 (divisoris 45 quadruplum) subtrahitur ex membro divisionis 186. ergo patet, divisionis membrum 186 quater continere divisorem, sicuti quotus 4 totidem unitates continet, alias subtrahi non posset. Remanet quidem, facta subtractione, numerus senarius, sed hic sequenti figuræ 7 jungitur pro secundo divisionis membro, ut dictum est. Pari ratione idem ostenditur de singulis ipsius quoti notis; unde sequitur integrum quotum 4149 toties unitatem continere, quoties dividendum 186730 continet divisorem 45, adeo ut quotus 4149 æque multiplex sit unitatis, ac dividendum æque multiplex est divisoris, & superfluit 25.

## PROPOSITIO VII.

*De divisione integrorum per numeros  
divisoris multiplices.*

**M**ethodus dividendi numerum per numeros divisoris multiplices adhiberi potissimum potest, cum numerus dividendus est valde prolixus.

*Sit exemplum.* Ex doctrina Tychonis sol motu diurno horarum 24 peragit orbitam milliariorum Italico-

D 2

rum

rum 2140011712, quæritur quot milliarîa conficiat uno horæ minuto. Reducantur horæ 24 in minuta, multiplicando illas per 60, erit divisor, per quem dividi debet numerus milliariorum *A*, 1440, seu 144, (ablata ab ipso cyphra, & ex dividendo *A* ultimâ nota dextrorsum 2) qui ponatur ad dextram dividendi, ut in *B*, & notetur punctum sub tertia ipsius dividendi nota 4, cum divisor *B* semel contineatur in 214, ut in *præc. propos.* dictum est. Tum scribantur sub ipso divisore *B* singuli multiplices 288, 432, 576 &c. cum notis appolitis 1, 2, 3, 4 &c. ut in exemplo.

Quia vero divisor *B* continetur semel in 214, scribatur 1. in quoto *C*, subtractoque divisore ipso ex 214, remanent 70, additaque sequenti figura dividendi, fiunt 700. Tunc observetur qualis ex multiplicibus sub *B* existentibus sit proxime minor, quam 700, patet illum esse 576. Pone igitur in quoto notam illi appositam 4, & subtrahe ipsum 576 ex residuo 700, remanent 124, quibus addita figura sequenti, habetur 1240. Iterum jam observa, qualis multiplex sit proxime minor ipso 1240; reperitur 1152, cui apposita est nota 8, hanc pone in quoto *C*, & illum subtrahe ex residuo 1240, residuum est 88, & sic deinceps, donec exhauriantur omnes dividendi figuræ. Sic enim nullo fere labore invenitur quotus *C* 1486119, cum residuo  $\frac{352}{1440}$ , quod quartam fere milliarii partem importat, ut in *Cap. sequen.* explicabitur.

Sol igitur ex doctrina Tychonis unico horæ minuto conficit milliarîa Italica 1486119.

1486119)



C	A	B
1486119)	3140011712	1441
	144	2882
	<u>      </u>	4323
	-700	5764
	576	7205
	<u>      </u>	8646
	1240	10087
	1152	11528
	<u>      </u>	12969
	-881	
	864	
	<u>      </u>	
	-171	
	144	
	<u>      </u>	
	-277	
	144	
	<u>      </u>	
	1331	
	1296	
	<u>      </u>	
	-35	



CA-

## CAPUT II.

**R**egulæ vulgaris Arithmeticæ hætenus traditæ applicari jam debent numeris *denominatis*, hoc est numeris diversarum specierum. Quod quidem difficile non erit, si dignoscatur valor unius speciei respectu alterius; nimirum quot partes minoris speciei maiorem speciem constituent. Sic ut addantur, vel subtrahantur dies, horæ, ac minuta, necesse est scire minuta temporis 60 unam horam, horas autem 24 diem unum efficere. Idem de monetis, ponderibus, ac mensuris valet: quæ licet pro diversitate Provinciarum, imo & Urbium variæ sint, modus tamen eas calculandi est ubique proportionaliter idem; adeo ut si quis unius loci monetas, pondera ac mensuras addere, subtrahere, multiplicare, ac dividere noverit, ad alterius quoque regionis calculum easdem regulas applicare facile poterit.

## PROPOSITIO I.

*De Additione numerorum denominatorum.*

I. **E**xemplum sit de vulgari moneta Romana, quam componunt scuta, asses, & quadrantes; hoc est quadrantes 5 assem 1, & asses 100 scutum 1, quod decem denariis argenteis, seu juliis constat.

Disponantur species similes sub similibus; ac primo quidem loco dextrorsus species minimæ, tum ordine majores usque ad maximam; ut in hoc exemplo primo col-

collocentur quadrantes, secundo asses, tertio scuta;  
& si quæ species intermedia desit, vacuus ejus locus repleatur cyphra.

Tum addendo quadrantes 1, 4, 3, 0, fiunt 8, quibus continetur assis 1, & remanent 3, quæ scribe infra lineam. Adde deinde assen 1 ad sequentem seriem assium, nempe ad 5, 0, 8, 5 fiunt 19 asses. Scribe 9 infra lineam, & pro decade una adde 1 ad assium decades 1, 2, 9, 3, sunt decades 16, hoc est asses 160; reserva itaque decades 10, (centena nempe 1.) pro sequenti specie, & scribe infra lineam 6. Addantur denique unitates, decades, & centena scutorum eo modo quo factum est in *Propos. 2. Cap. 1.* cum sint numeri homogenei, prodibit summa scutorum 5 0 9 9, asses 69, quadr. 3.

*Scut. Ass. Quad.*

2 3 0. 3 5. 0.

5 7 2. 9 8. 3.

7 8 4. 2 0. 4.

3 5 1 2. 1 5. 1.

---

Summa 5 0 9 9. 6 9. 3.

II. Libra in Urbe constat unciis 12, uncia vero de Aariis 24. Addendæ sint ergo.

*Lib. Unc. Den.*

3 8. 1 0. 2 3.

7 0. 1 1. 1 6.

3 5 2. 0 5. 2 2.

---

Summa 4 6 2. 0 4. 1 3.

Ha-

Habentur libræ 462, unc. 4, den. 13. Nam denarii 22, 16, 23 additi faciunt 61, in quibus bis continetur 24, hoc est uncia 2, quæ sequenti columnæ addendæ sunt, & remanent denarii 13, quos scribe infra lineam. Similiter uncia 5, 11, 10 cum duabus præcedentibus faciunt 28, qui continet bis 12, nempe libras 2, sequenti columnæ addendas, & remanent uncia 4, quæ pariter scribuntur infra lineam. Demum additis libris 2 ad prædictam librarum columnam, continuatur additio, ut in *propof. 2. Cap. 1.* & habentur libræ 462, unc. 4, den. 13.

III. Addendi sunt pedes Parisienses, pollices, & lineæ. Pes autem Parisiensis in pollices 12, pollex vero in lineas 12 dividitur. Sint ergo.

Pedes.	Poll.	Lin.
128.	10.	9.
320.	11.	2.
572.	08.	7.
<hr/>		
Summa	1022.	06. 6.

Quod quidem manifestum est: nam 7, 2, 9 faciunt lineas 18, hoc est pollicem 1, qui reservatur sequenti columnæ addendus, & scribitur infra lineam residuum 6. Deinde pollices 8, 11, 10 cum 1 præcedenti, fiunt 30, qui bis continent 12, hoc est pedes 2 sequenti columnæ addendos, & scribitur infra lineam residuum 6. Demum additis pedibus 2 ad primam columnam sequentem, continuatur additio, ut in *propof. 2. Cap. 1.* cum sint numeri homogenei.

Exa-

*Examen* fieri potest sic : completa superioris exempli additione, duc lineam sub ordine numerorum *A*; atque iterum adde omnes numerorum ordines modo jam explicato, præter solum ordinem *A*, qui relinquitur : habebis alterum aggregatum *C*, quod deficit ab aggregato primo *B*, defectu numerorum ordinis *A*. Si ergo aggregato *C* addas numeros *A*, habebis aggregatum *D* æquale aggregato primo *B*; alias fuit erratum. Hoc examen usurpari quoque potest pro numeris homogeneis, ut patet.

	<i>Ped.</i>	<i>Poll.</i>	<i>Lin.</i>
<i>A</i>	128.	10.	9.
	320.	11.	2.
	572.	08.	7.
<i>B</i>	1022.	06.	6.
<i>C</i>	893.	07.	9.
<i>D</i>	1022.	06.	6.

## PROPOSITIO II.

*De Subtractione numerorum denominatorum.*

**D**isponantur species similes sub similibus, ut in præc. propos. dictum est, & numerus minor, seu subtrahendus, collocetur sub majori, a quo debet subtrahi.

Quoties inferior numerus a superiori subduci nequit,

E

quit,

quit, utpote illo major, toties numero superiori addatur unum integrum sequentis speciei, ut fiat major subtrahendo. Deinde numerus speciei, ex qua sumptum fuit illud integrum, unitate minuatür. Quod exemplis patebit.

I. Ex pecunia accepta *A* subtrahenda sit pecunia expensa *B*. Quia quadrantes 4 subtrahi nequeunt ex quadrantibus 3, sumo 1 ex assibus 28, hoc est quadrantes 5, qui cum 3 faciunt quadrantes 8, ex quibus subductis 4, remanent 4 infra lineam scribendi. Deinde minuendo unitate asses 28, vel augendo unitate (idem enim est) asses 36, ita ut prima figura 6 fiat 7, subducitur 7 a superiori numero 8, & scribitur infra lineam residuum 1. Rursus quia 3 subtrahi nequit ex 2, sumo 1 ex scutis, ut ad 2 addantur 10, ac fiat 12, ex quo subtractis 3, residuum, quod scribitur infra lineam, est 9. Minuitur deinde 8, vel augetur 7 unitate, & fit 0. Tum continuatur subtractio, ut in *propos.* 4. *Cap.* 1, & habetur residuum *C* scut. 140, ass. 91, quadr. 4.

	<i>Scut.</i>	<i>Ass.</i>	<i>Quadr.</i>
<i>A</i>	198	28	3
<i>B</i>	57	36	4
<hr/>			
<i>C</i>	140	91	4

II. Subtrahendus sit numerus *N* ex numero *M*, scilicet.

*Dies.*

*Dies. Horæ. Min.**M* 21. 14. 53.*N* 10. 13. 57.

---

*Q* 11. 00. 56.

---

---

*2* 1. 14. 53.

---

Cum minuta 57 subtrahi nequeant ex minutis 53, desumitur unum integrum ex sequenti specie, nempe hora 1, seu minuta 60, quæ addita minutis 53, faciunt min. 113, ex quibus subtractis 57, scribitur infra lineam residuum 56. Aucto deinde unitate numero 13 fit 14, adeoque facta subtractione, nullum est residuum, & scribitur 0. Demum subductis 10 ex 21 residuum est 11. Est ergo numerus quæsitus *Q* dies 11 min. 56.

Examen fit addendo residuum *Q* numero minori *N*, nam facta additione, ut in *propof. præc.* dictum est, restituitur major numerus *M*, si erratum non fuerit.

### PROPOSITIO III.

*De multiplicatione numerorum denominatorum.*

**P**Rimo reducantur omnes species ad minimam, ut si multiplicandæ sint libræ, solidi, ac denarii, reducantur omnes ad denarios. Deinde species reductæ multiplicentur, ut moris est, per *propof. 5 Cap. 1.* Productum, vero, reducitur ad maiorem speciem per divisionem.

E 2

Sic

I. *Sic exemplum*, Plancus expendit singulis diebus libras 5, solidos 15, denarios 8. Scire cupit, quantum toto anno, seu diebus 365 expendet. Cum denarii 12 solidum unum, solidi vero 20 libram constituent, duc libras 5 in 20, & producto adde 15, habebis solidos 115. Quos quidem duc in 12, & producto adde 8, habebis denarios 1388: qui multiplicandi sunt per dies 365, fitque per *propof. 5. Cap. 1* productum denariorum 506620. Hos divide per 12, habebis solidos 42218, & denarios 4; Utque solidi ad libras reducantur, divide illos per 20, erunt libræ 2110, & solidi 18. Itaque Plancus uno anno expendet lib. 2110, sol 18, den. 4. En totius reductionis typus.

$$\begin{array}{r}
 \begin{array}{r}
 \text{Lib.} \quad 20 \\
 \hline
 5 \\
 \hline
 100 \\
 \text{adde} \quad 15 \\
 \hline
 \text{Sol.} \quad 115 \\
 \hline
 12 \\
 \hline
 230 \\
 115 \\
 \hline
 1380 \\
 \text{adde} \quad 8 \\
 \hline
 \text{Den.} \quad 1388
 \end{array}
 \end{array}$$

II. *Sic exemplum*. Cum sol motu proprio conficiat singulis diebus minuta 59, & secunda 8, quæritur quantum progrediatur diebus 30. Reducantur minuta 59 ad se-



secunda; multiplicando illa per 60, & addendo 8 ad eorum productum fient, secunda 3548, quæ multiplicari debent per dies 30. Erit per *propof. 5. Cap. 1* productum 106440 secundorum. Hæc divide per 60, quotus dat minuta 1774, quæ quidem si iterum dividas per 60, habebis gradus 29, & min. 34, quos sol motu proprio percurrit in Eccliptica diebus 30.

*Examen multiplicationis fit per divisionem, de qua in sequenti propof.*

## PROPOSITIO IV.

*De divisione numerorum denominatorum.*

**T**Am divisoris, quam dividendi species reducantur ad minimam, ut factum est in *prac. Propof.* Tum fiat divisio per *Propof. 6. Cap. 1.*

I. Emit quis serici ulnas 60, pal. 6, unc. 10, expenditque scuta Romana 292, asses 10, quæritur quanti steterit ulna. Duc ulnas 60 in 8, ut fiant palmi; & adde producto 6, erunt palmi 486. Hos duc in 12, ut fiant uncia, additisque unciis 10, erunt uncia 5842. Reducantur pariter scuta ad asses, & addantur asses 10, fient asses 29210. Itaque dividantur per *prop. 6. Cap. 1* asses 29210 per 5842, quotus est 5; hoc est uncia quælibet valet assibus 5, proinde uncia 12, seu palmus, valet assibus 60, adeoque palmi 8, sive ulna, valet assibus 480, hoc est scut. 4, assibus 80.

II. Fingamus lunam distare ab aliqua fixa gr. 45, min. 30, sec. 25, quæritur quanto tempore stellam illam  
luna

luna aſequetur. Ex Tab. Alſonſinis luna motu ſuo diurno conficit gr. 13. min. 10, ſec. 35. Proinde dividendi ſunt gradus 45, min. 30, ſec. 25 per gradus 13, min. 10, ſec. 35, ut habeatur appuſſus lunæ ad fixam.

Primo duc gr. 45 in 60, & producto adde 30, ſient minuta 2730. Hæc duc rurfus in 60, & adde producto 25, habebis ſec. 163825, numerus ſcilicet dividendus. Eodem pacto invenietur diviſor, nempe min. ſec. 47435. Tum facta diviſione per *propoſ. 6. Cap. 1.* habetur quotus 3, hoc eſt dies 3, & remanent min ſec. 21520, quæ ſi multiplicaveris per 60, ſient min. tertia 1291200. Hæc autem diviſa per eundem diviſorem dant in quoto min. prima 27, & remanent min. tertia 10455, quæ ſi multiplicentur per 60, ſiunt min. quarta 627300; hæc autem per eundem diviſorem diviſa dant in quoto min. ſecunda 13. Luna igitur ad ſtellam perveniet diebus 3, min. 27, ſec. 13.

*Examen diviſionis fit per multiplicationem.* Nam ſi in exemplo primo multiplicaveris per *propoſ. præc.* ulnas 60, pal. 6, unc. 10 per ſcut. 4 aſs. 80, hoc eſt uncias 5842 per aſſes 480, fiet productum 2804160, quod diviſum primo per 12, deinde per 8, dabit in quoto ſcut. 292. 10. Similiter in ſecundo exemplo ducto diviſore 47435 in quotum 3, additoque ad productum reſiduo 21520, reſtituitur numerus, qui fuit diviſus 163825.

## CAPUT III.

## De Calculo Fractorum

## DEFINITIONES.

I. **N**umerus fractus, qui & fractio, vel minutia dicitur, est pars, seu partes alicujus numeri integri in plures æquales partes divisi. Ut si totum aliquid dividatur in tres partes æquales, & ex illis quispiam duas partes obtineat, dicetur habere duas tertias partes, scilicet  $\frac{2}{3}$ , quæ fractionem efficiunt.

Itaque ad numeros fractos exprimendos duo numeri requiruntur, alter qui scribitur supra lineam, & dicitur *Numerator*, quia numerat partes, quæ de illo toto diviso habentur; alter qui scribitur infra lineam, & dicitur *Denominator*, seu *Nominator*, quia nominat in quales partes illud totum fuerit divisum, nempe tertias, quartas, nonas &c. videlicet.

$$\frac{1}{2}, \frac{1}{3}, \frac{2}{7}, \frac{4}{9}, \frac{11}{20} \&c.$$

Quæ fractiones sic pronunciantur, *una dimidia, una tertia, duæ septimæ, quatuor nonæ, undecim vigesimæ* &c. intelligitur pars, seu partes.

Si numerator æqualis sit denominatori, minutia, æqualis est uni integro. Sic  $\frac{3}{3}$  æquivalent uni integro in tres partes æquales diviso. Adsunt enim omnes partes illius integri, adeoque  $\frac{3}{3}$  sunt 1. Item  $\frac{4}{4}$ ,  $\frac{6}{6}$ ,  $\frac{8}{8}$  &c. significant 1. Hinc patet, unitatem esse illud totum divisum in partes tertias, quintas, sextas &c.

Si

Si numerator fuerit denominatore major, tunc minutia erit plus quam unum integrum. Sic  $\frac{4}{3}$  plus sunt quam unum integrum in tres partes divisum, sed important 1, & insuper  $\frac{1}{3}$ . Similiter  $\frac{16}{7}$  significant tres integros, & adhuc  $\frac{2}{7}$ .

II. *Minutia minutiae* est pars alterius minutiae, ut si fractionis  $\frac{3}{4}$  sumatur dimidia pars, nempe  $\frac{1}{2}$ , erit hæc minutia minutiae, quæ a majori distingui solet per interpositam lineam. Sic  $\frac{1}{2} / \frac{3}{4}$  significat dimidium trium quartarum.

Compendii gratia utemur in posterum signis, quæ sequuntur.

= *Signum æqualitatis*. Sic  $a = b$  significat duas quantitates  $a$  &  $b$  esse æquales.

+ *Plus. Signum additionis*. Ut  $a + b$  significat summam duarum quantitatum  $a$ , &  $b$ . Sic  $3 + 5$  significat summam 8, & exprimitur  $3 + 5 = 8$ .

— *Minus. Signum subtractionis*. Ut  $a - b$  significat  $a$  minus  $b$ , hoc est a quantitate  $a$  subtractam esse quantitatem  $b$ . Sic  $5 - 3 = 2$ .

x *Signum multiplicationis*. Sic  $a \times b$  significat  $a$  multiplicatum in  $b$ , vel per  $b$ . Ut  $3 \times 5 = 15$ .

:: *Signum proportionum æqualium*. Sic  $a. b :: c. d$  denotat eandem esse proportionem inter  $a$  &  $b$ , quæ est inter  $c$  &  $d$ . Ut 2. 4 :: 3. 6. Item 1. 3 :: 9. 27 &c.

÷ *Signum proportionis continuæ*. Sic  $a \div b, b \div c$ , denotat  $a$  esse ad  $b$ , sicuti  $b$  ad  $c$ . Ut 2, 4, 8.

## A X I O M A T A.

I. **U**Nitas se habet ad fractionem, ut denominator ad numeratorem. Sic  $1. \frac{2}{3} :: 3.$  2. Unitas enim ex dictis est totum divisum, quod se habet ad partem, (quæ est fractio) ut fractionis denominator (qui est totum, quod fuit divisum) ad sui partem, nempe ad numeratorem.

II. Minutiæ, quarum denominatores habent ad suos numeratores eandem rationem, sunt inter se æquales, & valent omnino idem. Sic  $\frac{1}{2}, \frac{2}{4}, \frac{3}{6}, \frac{1}{10}, \frac{100}{1000}$  &c. sunt fractiones æquales, idemque significant. Quod ex primo *Axiom.*, tum etiam per se patet. Nam singulæ hæ fractiones unius integri medietatem important. Hinc fractorum valor non ex magnitudine numerorum, quibus exprimuntur, sed æstimari debet ex proportionem majorem, vel minorem, quam numerator habet ad suum denominatorem; proinde major est  $\frac{1}{2}$ , quam  $\frac{1}{10}$ , vel  $\frac{1}{100}$  &c.

III. Minutia, cujus tam numerator, quam denominator per eundem numerum multiplicantur, aut dividuntur, valorem non mutat. Sic multiplicando  $\frac{2}{3}$  per 5 oritur  $\frac{10}{15}$ , quæ idem valet ex 2. *Axiom.* Pariter dividendo  $\frac{10}{15}$  per 5 fit  $\frac{2}{3}$  ejusdem valoris cum  $\frac{10}{15}$ . Item divisum  $\frac{2}{3}$  per 3, fit  $\frac{2}{9}$ , quæ idem valet ex 2. *Axiom.*

SCHOL. Multum interest, ut tyrones hætenus dicta bene intelligant, priusquam ad fractorum regulas addiscendas procedant, alioquin difficilia illis, & valde obscura erunt, quæ sequuntur.

F

PRO-

## PROPOSITIO I.

*Datis duobus numeris, maximam eorum communem mensuram invenire.*

**M**ensura duorum numerorum communis dicitur numerus, qui illos exacte, & sine residuo dividit; seu numerus, qui aliquoties sumptus illos adæquat. Sic 3 dicitur mensura communis numerorum 12 & 21, quia alterum quater, alterum septies sumptus adæquat. Dicitur autem mensura maxima numerus, per quem solum duo numeri reducuntur ad numeros primos, seu minimos.

I. Dati sint duo numeri  $A$  &  $B$ , quorum mensura communis maxima quaeritur. Dividatur major  $A$  per minorem  $B$ , & neglecto quoto, notatur residuum  $C$ ; deinde  $B$  dividatur per residuum  $C$ , tum residuum  $C$  per residuum  $D$ , & sic deinceps, nulla habita exponentium ratione, donec tandem divisor occurrat  $F$ , qui præcedentem exacte dividat sine ullo residuo; hic erit maxima communis mensura quaesita.

*Exempl. 1.*

$A$	234
$B$	144
$C$	90
$D$	54
$E$	36
$F$	18
	0

*Exempl. 2.*

438
102
30
12
6
0

II. Quod

II. Quod si post omnem divisionem remanet 1, signum est, nullam reperiri posse communem mensuram inter numeros datos, eosque esse inter se primos.

Dati sint numeri  $M$  &  $N$ , divide majorem  $M$  per  $N$ , & neglecto quoto, nota residuum  $R$ , ac sic deinceps prosequere; occurrit demum 1, adeoque numeri dati  $M$  &  $N$  sunt inter se primi.

*Exempl. 1.*

$M$	134
$N$	49
$R$	36
$S$	13
	10
	3
	1

*Exempl. 2.*

269
147
122
25
22
3
1

*Demonstr.* per se manifesta est. Nam per continuam illam numeri minoris a majori subtractionem (divisio enim est compendiosa subtractio) devenitur tandem ad partem aliquotam, vel aliquantam numerorum datorum. In primo casu pars illa aliquota erit maxima communis mensura duorum numerorum; in secundo casu evidens est, nullum alium numerum, præter unitatem, metiri posse numeros datos, adeoque sunt inter se primi (*per defin. 8.*)

SCHOL. Nota quemlibet numerum se ipsum semel metiri, proinde dari potest mensura communis maxima inter duos numeros, quorum alter simplex sit, seu primus, & alter compositus. Sic 7 est maxima communis mensura inter 7 & 21. Nam utroque divisio per 7, habetur 1 & 3.

E 2

Item

Item 5 & 75 divisi per 5, faciunt 1 & 15, adeoque 5 est maxima communis mensura; & sic de aliis.

## PROPOSITIO II.

*Fractiones ad minimos terminos reducere.*

**F**ractio dicitur ad minimos terminos reduci, cum alia illi æqualis, nempe valoris ejusdem, minimis terminis expressa reperitur.

I. Data sit fractio  $\frac{160}{296}$  ad minimos terminos reducenda, quærat maxima communis mensura inter numeratorem, & denominatorem, per *Propos. præc.* invenietur 8. Per hunc divide tam 160, quam 296, fiet minutia ejusdem valoris, & minimis terminis expressa  $\frac{20}{37}$  per *Axiom. 3.*

II. Sit minutia data  $\frac{60}{96}$  reducenda ad minimos terminos. Inveniat maxima communis mensura inter 96, & 60, per *Propos. præc.* erit 12, per quem diviso utroque datæ fractionis termino, habetur nova fractio  $\frac{5}{8}$  minimis terminis expressa. Hæc praxis vulgo dicitur *schizare i rotti*.

*Demonstratio* patet ex 3. *Axiom.*

## PROPOSITIO III.

*Fractiones ad idem nomen reducere.*

**F**ractiones reducere ad idem nomen, est efficere, ut fractiones diversorum denominatorum eundem denominatorem acquirant, sed idem valeant, quod prius.

I. Sint



I. Sint duæ fractiones  $A$  &  $B$  ad commune nomen reducendæ. Duc inter se ad invicem denominatores  $5 \times 4$ , &  $4 \times 5$ , erit denominator communis 20. Pro numeratoribus inveniendis multiplica per crucem, seu decussatim, numeratorem unius minutia per denominatorem alterius, hoc est  $2 \times 4$ , &  $3 \times 5$ , erunt novi numeratores 8 & 15, qui directe collocandi sunt sub illa minutia, cujus numerator fuit multiplicatus, ut in sequentibus duobus exemplis apparet. Habentur ergo duæ novæ fractiones  $C$  &  $D$  ejusdem nominis, ut patet, & quidem valoris ejusdem per 3. *Axiom.*

Nam termini fractionis  $A$  multiplicantur per eundem numerum, hoc est per 4 denominatorem fractionis  $B$ ; unde oritur fractio  $C$  priori æqualis per *Axioma cit.* Similiter termini fractionis  $B$  multiplicantur per 5 denominatorem fractionis  $A$ , & oritur fractio  $D$  priori æqualis per idem *Axiom.* ergo fractiones  $C$  &  $D$  idem valent ac duæ priores.

$$\begin{array}{l} A \quad \frac{2}{5} \times \frac{4}{4} \quad B \quad \frac{1}{5} \times \frac{4}{4} \\ C \quad \frac{8}{20} \quad \frac{15}{20} \quad D \quad \frac{15}{20} \quad \frac{60}{90} \end{array}$$

II. Quod si reducendæ sint ad idem nomen plures quam duæ fractiones, ut  $A$ ,  $B$ ,  $C$  &c. duc omnes denominatores inter se  $3 \times 4 \times 5$  fiet  $F$  communis denominator 60, qui divisibilis est per singulos denominatores 3, 4, 5, ut patet.

Ad inveniendos itaque novos numeratores, divide communem denominatorem 60 per 3 denominatorem fractionis  $A$ , quotus est 20, tertia scilicet denominatoris

toris communis pars, quem duc in numeratorem 2, habebis 40 duas tertias partes ipsius 60, adeoque  $\frac{40}{60} = \frac{2}{3}$  per *Axioma* 2.

Similiter diviso 60 communi denominatore per denominatorem 4 fractionis *B*, habetur 15 quarta pars ipsius 60. Duc 15 in 3, habebis 45 tres quartas partes ejusdem 60, adeoque  $\frac{45}{60} = \frac{3}{4}$  per *Ax.* 2. Eadem ratione invenitur  $\frac{12}{60} = \frac{1}{5}$ . Proinde fractiones datæ *A, B, C*, æquales sunt fractionibus *M, N, R*; quod per se manifestum est.

$$\begin{array}{ccc} A & B & C \\ \frac{2}{3} & \times & \frac{3}{4} & \times & \frac{1}{5} = 60 F \end{array}$$

$$\begin{array}{ccc} M & N & R \\ \frac{40}{60} & \frac{45}{60} & \frac{12}{60} \end{array}$$

**COROLL.** Ex hac Propos. innotescit, utra duarum, vel plurium fractionum datarum sit major. Nam si reducantur ad idem nomen, ex majori numeratore apparet, quæ sit major. Sic in superiori exemplo fractio *B* est ceterarum maxima, quod indicat numerator fractionis *N*.

**SCHOL.** Cum denominator unius fractionis exacte dividit denominatorem alterius, tunc duæ illæ fractiones facile reducuntur ad idem nomen, multiplicando per illum quotum terminos fractionis illius, cujus denominator fuit divisor. Sint reducendæ ad idem nomen fractiones  $\frac{2}{3}$  &  $\frac{7}{15}$ , quia 3 dividit exacte 15, multiplica per quotum 5 terminos fractionis  $\frac{2}{3}$ , oritur  $\frac{10}{15}$  ejusdem nominis cum alia fractione. Quod est valde commodum in Calculis Algebraicis, ut in nostris Instit. Analyt. annotavimus.

PRO-

## PROPOSITIO IV.

*Fractiōem ad aliam dati nominis, & ejusdem  
valoris revocare.*

I. **D**Ata sit fractio  $\frac{2}{3}$ , quæ revocari debeat in aliam, cujus denominator datus sit 60. Duc numeratorem  $2 \times 60$ , & productum 120 divide per denominatorem 3, quotus 40 erit numerator minutiarum quæsitæ  $\frac{40}{60}$ , quæ quidem est ejusdem valoris cum minutia data per *Axioma* 2. nam  $3 : 2 :: 60 : 40$ . ut patet.

II. Quod si datæ fractionis denominator non exacte dividit productum, ut si  $\frac{2}{3}$  reduci debeant ad fractum, cujus denominator est 8, productum 16, quod oritur ex  $2 \times 8$ , non exacte dividitur per denominatorem 3, nam remanet 1: tunc ponatur quotus 5 supra denominatorem datum 8, eique jungatur fractio orta ex residuo, nempe  $\frac{1}{8}$ , quæ erit fractionis fractio; & facit hunc sensum, duæ tertiæ in octavas redactæ dant quinque octavas, & unam tertiam quinque octavarum, scilicet  $\frac{2}{3} = \frac{5}{8} + \frac{1}{3}$ . Quod autem  $\frac{2}{3}$  idem valeant ac  $\frac{5}{8} + \frac{1}{3}$ , patet ex 2. *Axiom.* Nam  $3 : 2 :: 8 : 5 + \frac{1}{3}$ . hoc est  $3 : 2 :: 24 : 16$ .

SCHOL. Hinc habetur ratio explorandi valorem minuziarum in partibus earum notioribus; ut si scire velis quid valeant  $\frac{2}{3}$  unius scuti Romani in julii, vel assibus. Quia 10 julii, aut asses 100 efficiunt scutum Romanum 1, duc numeratorem 3 in 10, aut in 100, & productum divide per denominatorem 5, erunt in primo casu  $\frac{6}{10}$ , in secundo  $\frac{60}{100}$ , hoc est julii sex, aut asses 60. Item dantur  $\frac{2}{3}$  unius

unius pedis, scire volo quot pollices hæc fractio importet. Quia pollices 12 pedem 1 efficiunt, duco  $3 \times 12$ , & productum 36 divido per 7, quotus dat 5, unde habentur  $\frac{5}{7}$  hoc est pollices 5, & remanet  $\frac{1}{7}$ . Quod si iterum supponas pollicem dividi in 12 lineas, facile erit explorare, quid importet una septima pars unius pollicis. Hæc praxis vulgo dicitur valutare i Rotti.

## PROPOSITIO V.

*Fractiões ad integra revocare.*

I. **C**UM numerator denominatore suo major est, fractio reducitur ad integra, dividendo numeratorem per denominatorem. Sic  $\frac{13}{3}$  divisæ per 3 dant integra 4. Item  $\frac{60}{12}$  divisæ per 12 dant 5 integra.

II. Quod si denominator non exacte dividit numeratorem, sit ex residuo minutia. Proinde  $\frac{17}{3}$  divisæ per 3 dant integra 5  $\frac{2}{3}$ . Similiter  $\frac{22}{7}$  divisæ per 7 dant 3  $\frac{1}{7}$ .

SCHOL. Hinc habetur praxis reducendi monetas, pondera, ac mensuras in alias speciei altioris. Sic asses 350 si dividantur per 100, reducuntur ad scuta Romana 3  $\frac{50}{100}$ , seu 3  $\frac{1}{2}$ . Pariter minuta 120 divisa per 60, dant horas 2. Patet divisores istos 100, & 60 esse denominatores minutarum, per quos earum numeratores dividuntur per hanc Propositionem.



PRO-

## PROPOSITIO VI.

*Numerum integrum in minutiam dati  
nominis reducere.*

**S**IT datus integer v. gr. 3 reducendus in fractum, cujus denominator sit 7. Multiplica integrum ipsum 3 per denominatorem datum 7, & producto subcribe ipsum denominatorem 7, erit fractio quaesita  $\frac{21}{7}$ . Similiter unitas reducenda sit in fractum, cujus denominator sit 5, erit  $\frac{1}{5} = 1$  ex dictis ad definit. 1. Cap. bujus.

SCHOL. I. Si integro cuilibet supponatur unitas, sit fractio; vel quasi fractio integro aequivalens, ut  $\frac{6}{1} = 6$ ,  $\frac{8}{1} = 8$  &c. quod pro multiplicatione, & divisione fractionum annotetur.

SCHOL. II. Hinc vero oritur praxis reducendi monetas, pondera, ac mensuras in alias inferioris speciei. Sint scuta Romana 55 reducenda ad asses, multiplica  $55 \times 100$ , habebis asses 5500. Item milliaria Romana 50 convertenda sint in passus, quia passus 1000 milliaria 1 efficiunt, duc  $50 \times 1000$ , fient passus 50000. Patet in his exemplis numeros illos 100, & 1000 esse denominatores datos, per quos multiplicantur numeri integri 55, & 50, ut fiant fractiones  $\frac{5500}{100}$ ,  $\frac{50000}{1000}$  juxta hanc Propos.



G

PRO-

## PROPOSITIO VII.

*Fractionem fractionis ad simplicem fractionem  
reducere.*

**D**UÆ, vel plures fractiones fractionum ad unam simplicem fractionem reducuntur hoc pacto. Multiplica singulos numeratores inter se, & singulos pariter denominatores inter se, duo producta minutiam efficiant æqualem omnibus illis minutiis minutiarum datis. Sit minutia minutiarum  $\frac{1}{4} ) \frac{2}{3}$  hoc est una quarta pars duarum tertiarum ad simplicem minutiam reducenda, duc inter se numeratores  $1 \times 2$ , & denominatores  $4 \times 3$ , erit nova quæsitæ minutia  $\frac{2}{12} = \frac{1}{6}$ . Similiter reducendæ sint ad simplicem minutiarum  $\frac{3}{4} ) \frac{2}{3}$   $\frac{2}{3}$ , multiplicatis inter se  $3 \times 2 \times 3$ , item  $4 \times 3 \times 5$ , habetur nova minutia omnibus illis æqualis  $\frac{18}{60} = \frac{3}{10}$  per *Prop. 2.* hujus.

*Demonstr.* sensibili aliquo exemplo res manifesta erit. Ponamus hanc ipsam minutiam minutiarum  $\frac{3}{4} ) \frac{2}{3}$   $\frac{2}{3}$  desumptam fuisse ex uno scuto Romano, quod decem juliis constat; dico hanc minutiam minutiarum continere  $\frac{3}{10}$  unius scuti, nempe tres julios. Nam  $\frac{3}{4}$  unius scuti continent sex julios, cum julii duo sint  $\frac{1}{2}$  unius scuti. At  $\frac{2}{3}$  sex juliorum sunt quatuor julii, ut patet, &  $\frac{3}{4}$  quatuor juliorum sunt tres julii. Ergo evidens est, minutiam minutiarum  $\frac{3}{4} ) \frac{2}{3}$   $\frac{2}{3}$  continere  $\frac{3}{10}$ , nempe tres julios.

Id facile illustrari potest dividendo lineam rectam in partes æquales tres, quatuor &c. Nam si quæratur dimi-

midium unius tertiæ partis ejusdem lineæ, patet illam esse partem sextam totius. Divisis enim bifariam singulis illis tertiis ejus lineæ partibus, erit tota linea divisa in sex partes æquales; proinde  $\frac{1}{2}$  unius tertiæ facit  $\frac{1}{6}$ . Quod erat &c.

Hæc regula apud vulgares Arithmeticos audit *inflazare i Rotti*.

## PROPOSITIO VIII.

### *Fractiones addere.*

I. **S**I fractiones addendæ sint ejusdem nominis, adde simul omnes numeratores, eorumque aggregato denominatorem subscribe. Sint addendæ  $\frac{1}{7}$ ,  $\frac{2}{7}$ ,  $\frac{1}{7}$ ,  $\frac{6}{7}$  additis numeratoribus  $1 + 2 + 1 + 6 = 14$ , fit fractionum summa  $\frac{14}{7} = 2$  per *Propos. 5.* hujus.

II. Si fractiones addendæ sint diversi nominis, reduc ad idem nomen per *Propos. 3.* & operare, ut dictum est.

III. Quod si addendi sunt integri cum fractis, adde seorsim integros, & seorsim fractos; ut si ad  $4\frac{2}{7}$  addendi sint  $3\frac{1}{7}$ , fiet summa  $7\frac{3}{7}$ . Res per se patet.

## PROPOSITIO IX.

### *Fractiones subtrahere.*

I. **S**I minutia sunt ejusdem nominis, minor earum ex majori subducitur, & residuo subscribitur communis denominator. Sic  $\frac{5}{7} - \frac{2}{7} = \frac{3}{7}$ . Item  $\frac{3}{8} - \frac{2}{8} = \frac{1}{8}$ .

G 2

II. Si

II. Si diversi sint nominis, reducantur ad idem nomen per *Propos.* 3., & operatio fit ut antea.

III. Si ab integris subtrahenda sit aliqua fractio, reducantur integra ad fractionem ejusdem nominis cum data fractione per *Propos.* 6., & cetera fiant, ut supra. Subtrahere oporteat  $\frac{2}{3}$  ex 4, reduc 4 ad tertias, erunt  $\frac{12}{3}$ . Deinde  $\frac{12}{3} - \frac{2}{3} = \frac{10}{3} = 3\frac{1}{3}$  per *Propos.* 5. Similiter subtrahenda sint  $2\frac{1}{4}$  ex  $5\frac{1}{2}$ , hoc est  $\frac{9}{4}$  ex  $\frac{11}{2}$ ; reduc ad idem nomen has duas fractiones per *Propos.* 3. erunt  $\frac{22}{4}$ , &  $\frac{9}{4}$ , adeoque  $\frac{22}{4} - \frac{9}{4} = \frac{13}{4} = 3\frac{1}{4}$ , per *Propos.* 5.

SCHOL. Ut minutia addi, vel subtrahi valeant, semper idem nomen habere debent, quod notetur.

## PROPOSITIO X.

*Fractiones multiplicare.*

I. **S**I multiplicanda est fractio per fractionem, duc inter se numeratores, itemque denominatores inter se, res erit confecta. Multiplicanda sit fractio  $\frac{2}{3} \times \frac{3}{5}$  ductis  $2 \times 3$ , &  $3 \times 5$ , habetur productum quæsitum  $\frac{6}{15}$ . Sic  $\frac{3}{4} \times \frac{1}{6} = \frac{3}{24} = \frac{1}{8}$  per *Propos.* 2.

II. Quod si multiplicandus sit integer per fractum, vel fractus per integrum, semper integro suppose unitatem, ut fiat quasi fractio; deinde operare ut supra. Sit multiplicanda  $\frac{2}{3} \times 7$ , supposita integro unitate, erit  $\frac{2}{3} \times \frac{7}{1}$ , proinde productum  $\frac{14}{3}$ .

III. Si vero alter multiplicantium sit integer cum fracto, reducatur totus ad fractum, multiplicando illum per denominatorem ejusdem fracti; ut si multiplicari oport-



oporteat  $2\frac{1}{7}$  per 6, fiat  $\frac{11}{7} \times 6$ ; erit productum  $\frac{66}{7}$ . Similiter si uterque multiplicator sit integer cum fracto, uterque reducitur ad fractum ejusdem nominis cum minutia sibi adhærente: ut sint multiplicanda  $3\frac{1}{7} \times 5\frac{1}{3}$ , reducantur ad fractos, erunt  $\frac{22}{7} \times \frac{16}{3} = \frac{352}{21} = 16\frac{16}{21}$  per *Propos. 5.*

*Demonstr.* Ex regula tradita multiplicare fractum *A* per fractum *B* est producere fractum *C*, qui toties contineatur in fracto *B*, quoties fractus *A* continetur in unitate. Nam sicuti fractus *C* continetur bis in fracto *B*, ita fractus *A* bis continetur in unitate, ut patet; ergo ex definitione multiplicationis fractus *C* est productum fracti *A* multiplicati per fractum *B*.

$$A \frac{1}{2} \times \frac{3}{7} B = \frac{3}{10} C$$

**COROLL.** Hinc patet ratio, quare in minutiis productum multiplicationis *C* sit minus, quam factores *A* & *B*. Nam cum unitas sit ad *A*, ut *B* ad *C* ex *defin.* multiplicationis per *Prop. 5. Cap. 1.*; & unitas major sit quam *A*, etiam *B* major erit quam *C*, proinde *C* minor.

**SCHOL. I.** *Multiplicatio fractionum fit etiam eleganter per divisionem, dividendo scilicet denominatorem unius per numeratorem alterius minutie (modo divisibiles sint sine residuo) sint enim multiplicanda  $\frac{2}{3} \times \frac{9}{10}$ , divide 9 per 3, & 10 per 2, fit  $\frac{3}{2}$  productum questum. Idem enim producitur, ac si more consueto multiplicentur. Nam,*  
 $\frac{2}{3} \times \frac{9}{10} = \frac{18}{30} = \frac{3}{2}$  per *Propos. 2.*

**SCHOL. II.** *Si integrum cum minutia ducendum sit in integrum, quod exacte divisibile sit per denominatorem minutie, ut si ducendum sit  $38\frac{2}{3} \times 18$ , practici primo*

*primo resolvunt integrum in fractum, fitque 116, deinde divisio 18 per denominatorem 3, habetur quotus 6, per quem multiplicant ipsum 116, & habetur productum quæsitum 696. Ratio per se patet.*

## P R O P O S I T I O   X I.

*Fractiones dividere.*

I. **S**I termini divisoris exacte dividant terminos dividendi, fractus, qui inde oritur, erit quotus. Ut si dividenda sit minutia  $\frac{4}{9}$  per  $\frac{2}{3}$ , divisus 4 per 2, & 9 per 3, quotus erit  $\frac{2}{3}$ . Similiter si denominator sit communis, satis erit dividere numeratorem per numeratorem; sic dividendo  $\frac{6}{7}$  per  $\frac{2}{7}$ , quotus erit  $\frac{3}{1}$ .

II. Quod si termini divisoris non exacte dividant terminos dividendi, invertit divisorem, ita ut denominator ponatur loco numeratoris, numerator vero loco denominatoris, deinde duc tam numeratores inter se, quam denominatores inter se, productum erit quotus quæsitus. Dividenda sit minutia  $\frac{2}{3}$  per  $\frac{1}{2}$ , inverso divisore, erit  $\frac{2}{1} \times \frac{2}{3} = \frac{4}{3}$  quotus quæsitus. Sic  $\frac{4}{7}$  divisa per  $\frac{2}{7}$ , inverso divisore, erit  $\frac{4}{2} \times \frac{4}{7} = \frac{20}{7}$  quotus.

III. Quoties occurrit fractus dividendus per integrum, satis est multiplicare denominatorem fracti per ipsum integrum. Sit dividendus  $\frac{1}{2}$  per 3, duc  $5 \times 2$ , quotus erit  $\frac{1}{10}$ . Item  $\frac{1}{2}$  divisus per 5, dat quotum  $\frac{1}{10}$ . Nam semper integro supponitur unitas.

IV. Cum divisor, aut dividendus, vel uterque est integer cum minutia, reducendus est integer ad minutiam

tiam sibi adjunctam, ut fiat unica minutia, & operatio instituenda est, ut supra. Sint dividenda  $24\frac{1}{7}$  per  $\frac{2}{3}$ , fient  $\frac{13}{7} \times \frac{3}{2} = \frac{39}{14} = 36\frac{3}{10}$  per Prop. 5. Similiter sint dividenda  $15\frac{1}{3}$  per  $12\frac{1}{2}$ , fiunt  $\frac{46}{3} \times \frac{2}{5} = \frac{92}{15} = 1\frac{17}{15}$ .

*Demonstr.* Dividere fractum  $A$  per fractum  $B$  est invenire quotum  $C$ , ad quem ita sit unitas, sicuti divisor  $B$  ad dividendum  $A$  ex divisionis definitione per Prop. 6. Cap. 1. Sed unitas est ad fractum  $C$ , ut divisor  $B$  ad dividendum  $A$ . Unitas enim est ad  $C$ , ut denominator 3 ad numeratorem 4 ex Axiom. 1. Fractus autem  $B$  est ad fractum  $A$ , ut 3 ad 4: nam redactis ad idem nomen  $A$  &  $B$  per Prop. 3. oriuntur fracti æquales  $M$  &  $N$ , qui ob communem denominatorem se habent ut 3 ad 4; ergo unitas est ad  $C$ , ut  $B$  ad  $A$ ; proinde  $C$  est quotus quaesitus. Quod &c.

$$\begin{array}{ccc} B & A & C \\ \frac{1}{2} & \frac{2}{3} & \frac{4}{3} \end{array}$$

$$\begin{array}{cc|c} M & N & \\ \frac{3}{2} & \frac{4}{2} & 1\frac{4}{3} :: 3 \cdot 4 \end{array}$$

COROLL. Hinc patet ratio, cur in divisione minutiarum quotus sit major numero ipso, qui dividitur; quod quidem accidit, cum divisor minor est unitate. Nam cum divisor sit ad dividendum, ut unitas ad quotum, erit permutando divisor ad unitatem, ut dividendus ad quotum, adeoque si divisor minor est unitate, etiam dividendus debet esse minor quoto.

SCHOL. I. Ubi occurrit integer magnus cum fracto dividendus per integrum, ut  $634\frac{2}{3}$  per 5, practici dividunt

dunt integrum per integrum, nempe 634 per 5, nulla habita ratione fractionis, ut invenient quotum 126. Tum si quid remanet (ut hic 4) illud reducant ad fractionem per Prop. 6., hoc est ad  $\frac{4}{5}$ , quam ad fractum  $\frac{2}{3}$  addunt; fitque summa  $\frac{14}{3}$  per Propos. 8., quæ quidem summa divisa per 5 dat quotum  $\frac{14}{15}$  per hanc Propos. n. 3. unde quotus quaesitus est  $126 \frac{14}{15}$ .

SCHOL. II. Effet hic agendum de fractionibus decimalibus, earumque calculo, quæ quidem in rebus præsertim Geometricis magno sunt usui. Sed nos de illis in nostris Institutionibus Analyticis satis luculenter egimus, neque actum agere volumus.

## C A P U T IV.

### De Extractione Radicum.

**S**I numerus quicunque ducatur in se ipsum, ut  $3 \times 3$ , producitur 9, qui dicitur numerus quadratus, propter analogiam, quam dicit ad quadratum Geometricum. Item si ducas  $4 \times 4$ , oritur 16 pariter quadratus. Illi vero numeri 3 & 4, ex quibus in se ductis planum illud, seu quadratum oritur, dicuntur *radix*, seu *latus* quadrati.

Si radix 3 multiplicet quadratum 9; vel 4 multiplicet 16, tunc producitur 27, vel 64, qui dicuntur *cubi*; quia repræsentant corpus æqualiter longum, latum, & profundum, quod a Geometris denominatur *cubus*,

*cubus*, & numeri illi 3, & 4 dicuntur *radix*, seu *latus* cuborum 27, & 64.

Quod si cubus ipse per suam radicem multiplicetur, ut  $27 \times 3$ , oritur *quadrato-quadratus* 81. Si iterum  $81 \times 3$ , oritur *quadrato-cubus*, & sic deinceps.

Hæc producta recentiores Mathematici vocant *dignitates*, seu *potestates*; ita ut dicatur ex priori exemplo,

3. *Radix*, seu potestas prima.

9. *Quadratum*, seu potestas secunda.

27. *Cubus*, seu potestas tertia.

81. *Quadrato-quadratum*, seu potestas quarta.

243. *Quadrato-cubus*, seu potestas quinta.

Extractio igitur radicis quadratæ, vel cubicæ &c. (seu secundæ, tertiæ, vel quartæ potestatis &c.) est inventio illius numeri, qui semel, bis, ter, vel pluries in se ductus, illam potestatem genuit, adeoque ab ipsa potestate denominatur radix secunda, tertia, quarta &c. Hoc problema ingentem usum habet in universa fere Mathesi, proinde expedit, ut tyrones in eo diligenter instruantur.

## PROPOSITIO I.

*Ex dato numero radicem quadratam, seu secundam extrahere.*

I. **S**I numerus datus centenarium non excedit, & sit quadratus, ejus radix habetur ex tabella inferius posita; ut si quærat<sup>r</sup>ur radix quadrati 64, ejus ra-  

H
dix

dix invenitur 8. Quod si numerus non sit quadratus, ut ex. gr. 50, sumenda est ex eadem tabella radix proxime minor, hoc est 7, quæ in se ducta producit 49, quadratum maximum contentum in dato numero 50.

<i>Radices</i>	1	2	3	4	5	6	7	8	9	10
<i>Quadrati</i>	1	4	9	16	25	36	49	64	81	100
<i>Cubi</i>	1	8	27	64	125	216	343	512	729	1000

II. Sit numerus *A*, ex quo radix secunda extrahenda sit. 1. Sub ultima figura ad dexteram notetur punctum, deinde sub antepenultima, & sic deinceps, ut totus numerus distribuatur in membra (ut hic tria) quæ continebunt binas figuras, excepto ultimo ad sinistram, si numerus figurarum sit impar, quod unam habebit. Quot erunt membra, tot figuris radix quæsitæ constabit.

2. Quære ex tabula superiori radicem primi membri ad sinistram, nempe 18, hoc est radicem proxime minorem ex dictis num. 1. scilicet 4, quam pone dextrorsum post lineam, ut in *B*.

3. Duc radicem 4 in se ipsam, & quadratum 16 pone sub ipso membro 18, ex quo subtrahatur; tum residuo 2 (quod notatur infra lineam) adde sequentes duas figuras 66, quæ simul faciunt 266.

4. Radicem ipsam 4 duplica, fit 8, quem pone in *C* pro divisore numeri 26 (excluditur enim semper a divisione figura notata puncto) & quotum inventum 3 appone tum radici in *B*, tum divisori in *C*, unde fit 83.

5. Per radicem modo inventam 3 multiplica omnes nume-

numeros in *C* positos, & productum 249 subscribe numero 266; a quo facta subtractione, remanent 17.

6. Adde huic residuo sequentes duas figuras 24, fient 1724; eandemque operationem rursus institue: nimirum duplica totam radicem *B*, habebis 86, quem pone in *D* pro divisore numeri 172 (exclusa figura ultima) quotus erit 2, quem appone tum radici in *B*, tum divisori in *D*, & per ipsam radicem 2 multiplica numeros omnes in *D* 862. Deinde productum 1724 subscribe ipsi numero 1724, a quo debet subtrahi; cumque nihil remaneat, signum est, datum numerum esse vere quadratum.

$$\begin{array}{r}
 A \ 186624 \quad \left( \begin{array}{l} B \\ 432 \end{array} \right. \\
 \underline{16} \\
 C \ 83) \quad -266 \\
 \quad \quad 249 \\
 D \ 862) \quad -1724 \\
 \quad \quad \quad 1724 \\
 \quad \quad \quad \underline{\quad} \\
 \quad \quad \quad 0000
 \end{array}$$

*Sit aliud exemplum.* Extrahenda est radix quadrata ex dato numero *M* 6015625.

1. Dividatur in membra per puncta, incipiendo dextrorsum modo jam explicato. Sunt quatuor membra, quorum primum ad sinistram continet unam figuram, tantum 6. Hujus radix proxime minor est 2, quam pone in *N* dextrorsus, ejusque quadratum 4 subtrahere ex

H 2 pri-

primo membro 6, remanent 2, quibus adde duas figuras frequentis membri, nempe 01, fiunt 201.

2. Duplica radicem 2, & per ejus duplum 4, quod pone dextrorsum in *R*, divide 201 (relicta semper ultima figura notata puncto) quotus est 5, qui reponi deberet tum in *N*, tum in *R*, & per ipsum multiplicari numeri in *R*, nempe 45; sed quia  $45 \times 5$  producit 225, quod subtrahi nequit ex numero 201, ut patet, proinde quotus 5 minuitur unitate, & ponitur tam in *N*, quam in *R* quotus 4, qui ductus in 44, producit 176, quod subtractum ex 201 relinquit 25.

3. Adde huic residuo duas sequentes figuras 56, efficiunt 2556. Repetenda est eadem operatio toties, quot restant membra in dato numero. Nimirum duplicanda est radix 24, & per ejus duplum 48, quod ponitur dextrorsum in *Q*, dividenda sunt 255 (relicta ultima figura) quotus 5 est nova radicis figura, quæ ponitur in *N*, tum etiam in *Q*, & per ipsam multiplicando omnes figuras in *Q* existentes, habetur productum 2425 subtrahendum ex 2556, factaque subtractione, habetur residuum 131. Cui adde ultimas duas figuras 25, & operare ut supra, invenies ultimam radicis figuram 2, quam pone in *N* & *S*, ac cetera proseguere, ut sæpius dictum est.

Est igitur radix quæsitæ *N* 2452, & remanet 3321; adeoque numerus datus non est revera quadratus.

**COROLL.** Hinc patet, radicem inventam per divisionem, unitate esse minuendam, si productum, quod fit ex multiplicatione, majus sit numero, a quo subtrahi debet; ut in secunda figura radicis inventæ factum est: quod quidem notetur.

*M*



$$\begin{array}{r}
 M \ 6015625 \quad \left( \begin{array}{l} N \\ 2452 \end{array} \right. \\
 \underline{4} \\
 R \ 44) \quad \begin{array}{r} 201 \\ 176 \end{array} \\
 \hline
 Q \ 485) \quad \begin{array}{r} -2556 \\ 2425 \end{array} \\
 \hline
 S \ 4902) \quad \begin{array}{r} -13125 \\ 9804 \\ 3321 \end{array}
 \end{array}$$

SCHOL. I. Quando divisor non continetur in aliquo membro dividendo, apponitur in radice cyphra, seu zero, ut si extrahenda sit radix quadrata ex 3714. Quia sublato ex primo membro 37 quadrato 36 radice inventæ 6, remanet 1, cui si addatur sequens figura 1 fit 11. (nam figura puncto notata excluditur a dividendo ex diebus) qui numerus dividi nequit per duplum radice 6, nempe 12; in hoc casu ponitur in radice cyphra 0, eritque radix 60, & habetur residuum 114, cui adduntur statim (si sint) aliæ duæ figuræ dati numeri.

SCHOL. II. Si numerus datus non est quadratus, sed remanet residuum, ut in allato exemplo residuum 114; tunc fit ex residuo fractio, in qua residuum ipsum ponitur pro numeratore, pro denominatore autem duplum radice inventæ. Si vero residuum sit majus ipsa radice, tunc duplo radice inventæ additur unitas. Sic in eodem exemplo, quia residuum 114 majus est tota radice 60, addi-

addita unitate ad duplum ipsius radicis, erit fractio  $\frac{114}{111}$ , ac tota radix  $60 + \frac{114}{111}$ .

SCHOL. III. Nullus numerus erit quadratus, qui habeat ad dexteram figuram ultimam 2, vel 3, vel 7, vel 8, vel cyphram unam; sed necesse est, ut sit una ex his 1, 4, 5, 6, 9, 00, quibus constant numeri simplices quadrati.

SCHOL. IV. Extractio radicis quadrata non est aliud nisi quaedam divisionis species, ut ex ipsa operatione manifestum est; hoc tamen discrimine, quod in divisione communi divisor est numerus datus, in hac vero debet inquiri divisor, & quidem per plures partes, quae sunt ipsa radix. Proinde multiplicando radicem per se ipsam, v.g. in primo exemplo  $432 \times 432$ , restituitur numerus quadratus 186624, ut fieri solet in divisione communi, ducendo quotum per divisorem. Et hac ratione habetur examen, multiplicando scilicet per se ipsam radicem inventam.

Demonstr. pendet a Prop. 4. lib. 2. Eucl. Nam numerus quadratus 186624, qui producitur ex  $432 \times 432$ , continet primo quadrata partium 4, 3, 2. Secundo, bis rectangulum  $4 \times 3$ . Tertio, bis rectangulum ex  $43 \times 2$ , seu rectangulum ex duplo ipsius 43, nempe  $86 \times 2$ ; quod patet ad oculum, nempe:

$$\begin{array}{r}
 16 \quad . \quad . \quad . \quad . \\
 12 \quad . \quad . \quad . \quad . \\
 12, 9 \quad . \quad . \\
 \quad 86 \quad . \\
 \quad 86, 4 \\
 \hline
 186624
 \end{array}$$

Ex

Ex speciosa tamen id longe clarius apparet, si loco numerorum 4, 3, 2, sumantur literæ  $a + b + c$ ; ut in nostris *Instit. Analyt.* videre est.

## PROPOSITIO II.

*Radicem quadratam per approximationem inquirere.*

**E**Xtracta radice quadrata, si quid remanet, signum est, talem numerum non esse revera quadratum, neque habere radicem rationalem, quæ numeris exprimi possit. Quamvis autem vera radix sit impossibilis, potest tamen per fractiones decimales ad veram radicem magis magisque approximari, ita ut excessus, vel defectus a vera radice sit minimus. En praxis.

Adde numero, qui remanet post extractionem radicis, tot cyphrarum paria, quot volueris, nempe 00, seu 0000, vel 000000 &c. & ex numero residuo una cum prædictis cyphris extrahe radicem secundam, ut moris est. Aufer deinde ex radice tot figuras (a dextera incipiendo) quot fuerunt paria cyphrarum additarum. Reliquæ figuræ radicis exhibebunt radicem una cum minutia, cujus numerator erunt figuræ ablatae, denominator vero unitas cum tot cyphris, quot paria fuerunt addita.

*Sit exemplum.* Extrahenda est radix ex numero 12, patet radicem esse 3, & remanere 3. Adde ipsi 12 tria cyphrarum paria, erit 12000000. Extracta ex hoc numero secunda radix per *Prop. 1.* *hujus* invenitur 3464, ex qua ablatis ad dexteram tribus figuris, ob tria cyphra-

phrarum paria addita, erit radix  $3\frac{464}{1000}$  vera quidem minor, sed propinquior, & exactior, quam radix primo inventa.

SCHOL. I. Si numero, ex quo radix secunda extrahitur, minutia adhaereat, reducitur minutia in partes centesimas, & extrahitur radix. Extrahenda sit radix ex  $6\frac{1}{4}$ , reduc fractionem in centesimas per regulam proportionum (de qua inferius) dicendo, ut  $4.1 :: 100.25$ , erit igitur fractio  $\frac{25}{100}$ , cui adde 6, fit  $6\frac{25}{100}$ , cujus radix quadrata erit  $2\frac{5}{10}$ .

SCHOL. II. Quod si extrahenda sit radix ex meris fractionibus, extrahitur radix de more, sed seorsim ex numeratore, & seorsim ex denominatore. Sic radix quadrata fractionis  $\frac{4}{9}$  erit  $\frac{2}{3}$ . Similiter radix fractionis  $\frac{36}{100}$  erit  $\frac{6}{10}$ .

SCHOL. III. Via autem omnium expeditissima ad inveniendam radicem quadratam dati numeri maxime propinquam, habetur per Logarithmos.

### PROPOSITIO III.

*Ex dato numero radicem cubicam extrahere.*

1. **D**ivide numerum datum *A* in membra, incipiendo dextrorsum, ita ut singula membra contineant tres figuras, excepto primo membro, quod aliquando duas tantum continet. Quot erunt membra, tot erunt numeri radicis inveniendæ.

2. Quære radicem cubicam primi membri sinistrorsum, si sit numerus cubicus; sin minus, sume radicem cubi

cubi proxime minoris in tabella *Propof.* 1. *hujus*, quæ in hoc exemplo est 2, quam pone ad dexteram, ut in *B*.

2. Ex hac radice fiat cubus 8, quem subtrahe ex primo membro 12, & residuum 4 scribe infra lineam, ut in *C*.

3. Ad hunc residuum adde unam sequentis membri figuram, nempe 1, fit 41, quem divide per triplum quadrati radicis inventæ, nempe per 12, quotus 3 erit altera radicis figura, quam pone in *B*.

4. Ex radice 23 fac cubum 12167, qui subtrahi debet ex utroque membro numeri *A*. Cumque nihil remaneat, signum est, numerum datum esse revera cubum.

$$\begin{array}{r}
 A \ 12,167 \quad (B \\
 \underline{8} \quad \quad \quad 23 \\
 12) \quad C \ 41
 \end{array}$$

Hæc operatio toties repeti debet, quot sunt membra numeri dati, ut in sequenti exemplo erit manifestum.

*Sit aliud exemplum.* Est numerus *M* 11390625, cujus radix cubica quæritur.

1. Radix cubica primi membri 11 est 2, quam pone in *N*, ejusque cubum 8 subtrahe ex 11, remanet 3, quem scribe infra lineam in *R*.

2. Adde residuo *R* sequentem alterius membri figuram 3, fit 33, quem divide per triplum quadrati radicis inventæ 2, hoc est per 12, quotus 2 erit secunda figura radicis, quam pone in *N*.

3. Ex radice 22 fiat cubus 10648, qui auferatur ex numero *S* 11390, nempe ex duobus membris numeri dati *M*, remanent 742, ut in *T*.

I

4. Ad

4. Ad hoc residuum  $T$  addatur ex tertio membro numeri  $M$  figura 6, fiet 7426, qui divisus per triplum quadrati radice inventæ 22, hoc est per 1452, dat quatum 5, qui ponatur in  $N$ , eritque tertia radice figura.

5. Demum fiat cubus ex tota radice 225, nempe 11390625, qui ablatu ex numero  $M$  nihil relinquit, proinde numerus datus est cubus.

$$\begin{array}{r}
 M \ 11390625 \quad \left( \begin{array}{l} N \\ 225 \end{array} \right. \\
 \quad \quad \quad \underline{8} \\
 12) \quad R \ 33 \\
 \quad \quad \quad S \ 11390 \\
 \quad \quad \quad \quad \underline{10648} \\
 1452) \quad T \ -742,6
 \end{array}$$

Ratio autem pendet ab ipsa cuborum genesi. Nam in priori exemplo cubus 12167, qui oritur ex radice 23, continet primo cubos 8 & 27, partium 2 & 3. Secundo triplum quadrati radice 2 x 3. Tertio triplum quadrati radice 3 x 2, hoc est

$$\begin{array}{r}
 8 \dots \\
 36 \dots \\
 54 \dots \\
 27 \\
 \hline
 12167
 \end{array}$$

COROLL. Hæc praxis omnium facillima, traditur a Newtono in *Aritbmet. Univ.*, & tribus paucissimis continetur:  
 1. Ad residuum, quod oritur ex subtractione cubi ex unoquoque numeri dati mēbro, additur una tantum sequentis

tis membri figura. 2. Diviso illo residuo una cum figura adjecta per triplum quadrati inventæ radicis, quotus dat alterius membri radicem. 3. Ex numeris radicalibus (quotquot illi sint) fit cubus, qui subtrahitur ex totidem membris numeri dati, quot sunt ipsi numeri radicales inventi. Quæ quidem ex allatis exemplis satis patent.

SCHOL. I. Cum aliquid remanet, signum est, numerum datum non esse exacte cubicum, ac proinde radicem inventam non esse numeri dati, sed maximi cubi in eo contenti.

SCHOL. II. Si quis propinquiorem radicem, & quæ a vera insensibiliter differat, cupit, addat aliquot cyphrarum ternarios ad ipsum numerum datum, & persequatur radicis extractionem. Deinde ex radice inventa abjiciantur ad dexteram tot figuræ, quot cyphrarum ternarii fuerunt adjecti; reliquæ enim figuræ dabunt radicem integram cum fractione, cujus numerator erunt ipsæ figuræ rejectæ, denominator vero unitas cum tot cyphris, quot ternarii cyphrarum fuerunt additi, eo fere modo, quo de radice quadrata diximus.

SCHOL. III. Ceterum tam cubica, quam aliæ superiorum potestatum radices, longe facilius per Algebram expediuntur, maxime per formulas Newtonianas, quæ generales sunt, & ad omnem radicem extrahendam valde faciles, & expeditæ. Proinde hunc fontem adeant, qui rem funditus percipere cupiunt.

Examen habetur ter ducendo in semet radicem cubicam-inventam, & addendo illi residuum, si quod fuit. Restituitur enim cubus, seu numerus datus, si erratum non fuerit.

## CAPUT V.

*De Regulis Arithmeticis.*

**R**egulæ Arithmeticæ sunt quatuor. 1. Est regula Proportionum. 2. Societatis. 3. Alligationis. 4. Positionis, vel falsi. Prima est omnium præcipua, & a qua reliquæ omnes pendent. Quo melius ea intelligatur, nonnulla sunt, de numeris proportionalibus, eorumque proprietatibus præmittenda.

## DEFINITIONES.

**I.** **D**UÆ proportionēs dicuntur *similes*, *eædem*, vel *æquales* (quod idem est) cum antecedens unius toties continet suum consequentem, quoties antecedens alterius continet suum consequentem. Vel cum consequens unius toties continetur in suo antecedenti, quoties consequens alterius continetur in suo antecedenti. Sic  $12.4 :: 3.1$ . sunt proportionēs similes, vel eædem, vel æquales, quia 12 & 3 ter continent suos consequentes 4 & 1, vel quia 4 & 1 ter continentur in suis antecedentibus 12 & 3.

**II.** Comparatio unius proportionis similis cum alia simili, ut  $12.4 :: 3.1$ . dicitur *Proportionalitas*, illi autem quatuor termini dicuntur *Proportionales*. Qui dicuntur *continue proportionales* cum medii termini bis sumuntur. Semel enim eadem quantitas est consequens respectu præcedentis, & semel antecedens respectu con-



consequentis. Sic 2, 4, 8, 16 dicuntur continue proportionales, quia 4 & 8 bis sumuntur. Nam dicitur esse 2 ad 4, ut 4 ad 8. Item 4 ad 8, ut 8 ad 16. Si vero fuerit 10. 5 :: 2. 1. dicuntur termini *discretivum proportionales*.

## L E M M A I.

Si quatuor numeri proportionales fuerint, factum ex primo, & quarto, æquale est facto ex secundo, & tertio. Est *Propos. 19. l. 7. Eucl.*

Sint quatuor proportionales 5. 20 :: 4. 16

Sicuti  $5 \times 16$  dant  $= 80$

Ita etiam  $20 \times 4$  dant  $= 80$

## L E M M A II.

Si datis quatuor numeris, primus se habeat ad tertium, ut reciproce quartus ad secundum, factum ex primo, & secundo æquale erit facto ex tertio, & quarto.

Sint quatuor numeri dati 6, 4, 3, 8, quia inter primum 6, & tertium 3 est eadem proportio dupla, quæ est inter 8 & 4, erit  $6. 3 :: 8. 4$ ; ergo ex *lem. 1.*  $6 \times 4 = 3 \times 8 = 24$ , ergo factum ex primo, & secundo æquatur facto ex tertio, & quarto.

## L E M M A III.

Si factum dividatur per unum ex suis factoribus, prodibit in quo alter factorum.

Sit factum v. g. 24, quod ortum sit ex  $4 \times 6$ , si dividatur per 4, oritur 6; si dividatur per 6, oritur 4.

PRO-

## PROPOSITIO I.

*De Regula Proportionum.*

**R**egula *Proportionum*, quam ob præstantiam, & immensam utilitatem, *auream* vocant, docet modum inveniendi e tribus numeris cognitis quartum, ignotum proportionalem, qui nimirum habeat eandem proportionem ad tertium numerum datum, quam secundus habet ad primum, ideoque dicitur regula *Proportionum*, vel etiam regula *Trium*, quia ex tribus datis eruit quartum. En praxis.

I. Disponantur ordine tres numeri dati, ita ut is, qui quæstionem habet annexam, statuatur tertio loco; ille vero ex duobus aliis, qui cum hoc est homogeneus, hoc est qui eandem rem significat ac terminus tertio loco positus, primo loco ponatur.

II. Multiplica tertium per secundum, & productum divide per primum, quotus dabit quartum proportionalem quæsitum. Res tribus exemplis illustratur.

1. Ulnæ panni 3 stant scutis 9, quot scutis stabunt ulnæ 12 ejusdem panni? Terminus, qui habet annexam quæstionem, sunt ulnæ 12, hic statuatur loco tertio, loco autem primo terminus huic homogeneus, nempe ulnæ 3, scilicet

*Ulnæ 3. scut. 9 :: ulnæ 12. scut. ...*

Duc 12  $\times$  9, & productum 108, divide per 3, quotus 36 dat quartum proportionalem quæsitum. Nam, ut patet,

$$3 \cdot 9 :: 12 \cdot 36$$

2. Pro

2. Pro alendis 4 convictoribus expenduntur singulis mensibus aurei 48, quot aurei necessarii erunt ad alendos convictores 20? Disponantur termini modo explicato, nimirum

$$\text{Conv. 4. aur. 48} :: \text{Conv. 20. aur. . . .}$$

Duc 48 x 20, & productum 960 divide per 4, quotus 240 dat quartum proportionalem quæsitam, nempe:

$$4. 48 :: 20. 240$$

Nam sicuti 4 duodecies continetur in 48, ita 20 duodecies continetur in 240. Multiplicando enim 20 x 12, fit 240.

3. Rex Salomon in ædificando templo habuit operarios 180000. Ponamus cuilibet quotidie solvisse asses 10. Quot scuta Romana singulis diebus expendit?

$$\text{Si oper. 1. asses 10. quid oper. 180000?}$$

Multiplicatis 180000 x 10, habetur 1800000, & cum unitas non dividat, habentur pro quarto proportionali asses 1800000. Hos divide per 100 (resectis duabus cyphris) fiunt scuta Romana singulis diebus solvenda 18000.

SCHOL. I. Si quis terminus numeris heterogeneis constet, reduci debet ad homogeneum. Ut si quæstio sit, librae 5, atque unciae 3 alicujus mercis veneunt scutis 4, & assibus 50; quot scutis stabunt librae 12? Primo reducantur librae ad uncias tam in primo, quam in tertio termino, multiplicando illas per 12. Secundo scuta reducantur ad asses, multiplicando illa per 100. Proponenda ergo

ergo erit quaestio in terminis homogeneis sic: si uncia 63  
veniant assibus 450, quid uncia 144?

SCHOL. II. Cum integris adhaerent fracti, prius integri reducuntur ad fractos: integris autem, quibus nulla est fractio, supponitur unitas; deinde regula proportionum fit; ut dictum est. Si dicatur; hora  $1\frac{5}{4}$  fluunt ex aliquo canali librae 15 aquae, quot librae fluent horis  $5\frac{1}{2}$ ? Termini proportionales redacti erunt  $\frac{5}{4}$ ,  $\frac{15}{1}$ ,  $\frac{11}{2}$ . Tum operando juxta praecepta tradita in Propos. 10, & 11. Cap. 3., invenies aquae libras  $26\frac{3}{4}$ .

Demonstr. clare inferitur ex lemm. 1. & 3. Nam cum in regula proportionum supponantur dati tres numeri proportionales, & quartus, qui est ignotus, dari possit; factum ex secundo, & tertio æquale erit (per lem. 1.) factum ex primo, & quarto, qui est ignotus. Proinde si factum ex secundo, & tertio dividatur per primum, innotescet quartus terminus (per lem. 3.); ergo patet ratio, cur ex tradita regula multiplicari debeat tertius per secundum terminum, & factum dividi per primum.

Examen regulæ proportionum omnium expeditissimum habetur multiplicando primum terminum per quartum, & secundum per tertium. Nam si producta sint æqualia, res bene processit. Ratio patet ex lem. 1.



PRO-

## PROPOSITIO II.

*De Regula proportionum Composita.*

**R**egula proportionum *Composita* dicitur, cum præter tres terminos in *Propos. præc.* explicatos, alii quoque minus principales accedunt, qui significant tempus, lucrum, damnum &c. qui cum terminis principalibus per multiplicationem componuntur, ut fiant tres solum termini. Exempla rem declarabunt.

1. Juvenes 4. contubernales expenderunt diebus 10 aureos 50, quæritur quot aureos solvere debeant juvenes 12 diebus 30? Tres principales termini sunt juvenes 4, aurei 50, & juvenes 12. Ad juvenes 4 spectant dies 10, & ad juvenes 12 dies 30. Duc itaque  $4 \times 10$ , &  $12 \times 30$ , habentur duo termini compositi 40, & 360. Dic ergo.

*Si 40 dant aur. 50, quid 360?*

Multiplicando  $360 \times 50$ , & productum dividendo per 40, ut in *præc. Propos.* factum est, invenitur quartus proportionalis 450.

2. Libræ 200 alicujus mercis transvectæ Romam per milliarîa 300 poscunt scuta 40; quæritur expensæ pro transvehendis libris 400 ejusdem mercis per milliarîa 500? Tres termini principales sunt libræ 200, scuta 40, & libræ 400. Minus principales milliarîa 300, & 500: qui si multiplicentur per suos termi-

K

nos

nos principales, fient tres termini pro regula trium instituenda, nimirum

$$60000.40 :: 200000.133\frac{1}{3}$$

SCHOL. I. Regula proportionum composita est regula simplex proportionum repetita; unde etiam regula Dupli dicitur, quia duplicem quaestionem involuit. Proinde resolvi etiam potest in duas regulas simplices, in quarum altera ponuntur tres termini principales dati; & quaeritur quartus proportionalis; in altera vero ponuntur circumstantiae, seu termini minus principales, in quorum medio ponitur quartus proportionalis inventus. Sic in superiori exemplo dic, si librae 200 exigunt scuta 40, quid librae 400? Quartus proportionalis est 80, ut patet. Dic secundo sic milliarum 300 dant 80, quid milliarum 500? Invenitur quartus proportionalis, ut supra,  $133\frac{1}{3}$ .

SCHOL. Haec regula dicitur etiam del Cinque, quia terminos quinque notos supponit. Examen fit ut in praec. Propos.

### PROPOSITIO III.

#### De Regula proportionum Inversa.

**I**N regulis proportionum tum simplici, tum composita jam explicatis, ita se habet primus terminus ad secundum, sicuti tertius ad quartum, ut exempla allata satis monstrant; proinde ex Propos. 14. lib. 5. Eucl. si primus terminus major, vel minor est tertio, etiam

etiam secundus major, vel minor esse debet quarto, ut consideranti patet. Solet autem nonnunquam accidere ex ipsa natura quæstionis, ut quanto major, vel minor primus terminus est tertio, tanto major, vel minor reciproce esse debeat terminus quartus secundo. In hoc casu regula proportionum dicitur *inversa*, quia, scilicet terminorum ordo invertitur. Hærent hic tyrones primo non bene dignoscentes, utra regula sit adhibenda. Sed quæ sequuntur exempla, rem satis illustrant.

1. Messores 20 segetem aliquam metunt diebus 4, quæritur quot diebus illam metere possint messores 10? Patet majori tempore, adeo ut quanto major est terminus primus tertio, tanto major quoque debeat esse quartus incognitus secundo. Nam

*Mess. dies Mess. dies*

20 . 4 :: 10 . 8 .

2. In obsessa Urbe ali possunt milites 1500 mensibus 3, quæritur quot milites ali poterunt mensibus 6? Certe minorem numerum. Proinde quanto minor est primus terminus tertio, tanto minor quartus erit secundo, scilicet

*Mens. Mil. Mens. Mil.*

3 . 1500 :: 6 . 750 .

3. Ex panno, quod habet latitudinem palmorum 3, requiruntur mihi pro vestibus ulnæ 10, quæritur quot ulnæ requirantur ex alio panno, quod latitudinem habet palmorum 4. Certum est, pauciores requiri, adeo

K 2

que

que quanto minor est primus terminus tertio, tanto minor erit quartus secundo, nempe

*Lat. pal. uln. lat. pal. uln.*

3. 10 :: 4. 7  $\frac{1}{2}$

Ad inveniendum autem in regula Proportionum inversa quartum proportionalem, multiplicetur primus terminus per secundum, & productum dividatur per tertium. Sic in primo exemplo ductis  $20 \times 4$ , productum 80 dividatur per 10, habetur quartus proportionalis 8.

*Demonstr.* sequitur ex 2. & 3. *lemm.* Nam in regula proportionis inversa cum se habeat primus terminus ad tertium, ut reciproce quartus ad secundum, erit ex 1. *lemm.* productum ex primo & secundo æquale producto ex tertio & quarto. Producti autem, quod fit ex tertio & quarto, habetur unus ex factoribus datus, numerus scilicet tertio loco positus, ergo si per hunc dividatur productum æquale, quod fit ex primo & secundo, prodibit ex *lem.* 3. quartus proportionalis quaesitus.

*Examen* itaque regulæ inversæ fit brevissime, multiplicando primum terminum in secundum, & tertium in quartum. Nam si producta sint æqualia, res bene perfecta est.

SCHOL. I. *Arithmetici*, in quibus Tacquet, assignant dignoscendæ hujus regulæ indicium hujusmodi. Cum proponitur aliqua res diversa a quatuor terminis quaestionis, tunc proportio erit reciproca, seu inversa: Sic in primo exemplo proponitur seget metenda, quæ est res omnino diver-



*diversa a quatuor terminis proportionalibus. In secundo exemplo proponitur annona, quæ est res diversa a quatuor terminis ejusdem quæstionis. Similiter in tertio vestis conficienda, quæ proponitur, est quid diversum a terminis in quæstione datis. Hoc dictum sit in gratiam tyronum. Ceterum ex ipsa quæstionis natura facile judicari potest, utrum proportio directa sit, an inversa.*

*SCHOL. II. Si terminus, qui annexam habet quæstionem, ponatur primo loco, secundo autem loco terminus illi homogeneus, proportio inversa reducitur ad directam. Sic in primo exemplo messores 10 se habent ad messores 20, ut dies 4 ad dies 8, proinde ducendo  $20 \times 4$ , & dividendo productum 80 per primum terminum 10, habetur quartus proportionalis, ut in Propos. 1. hujus. Similiter in secundo exemplo menses 6 ad menses 3 ita se habent, ut milites 1500 ad milites 750, adeoque producto. ex  $3 \times 1500$  diviso per primum terminum 6, oritur quartus proportionalis 750, ut antea.*

*SCHOL. III. Regulam inversam compositam ultro omitimus, quod tyrones baud parum soleat confundere, & in rebus Geometricis, vel etiam in hominum commercio vix unquam occurrat.*

## PROPOSITIO IV.

*Explicantur nonnulla pro regulis proportionum compendia.*

- I. **C**UM in regula directa primus terminus præcise continet secundum, vel (quod idem est) præcise.

cise continetur in secundo, tunc reduci potest proportio ad minimos terminos per *Prop. 2. cap. 3.*, & regulæ praxis brevissima evadit. Sit exemplum, lib. 4. valent scuta 12, quid libræ 9? Reductis 4 & 12 ad minimos terminos 1 & 3, dic si 1 dat 3, quid 9? & ducendo  $3 \times 9$ , habetur quartus proportionalis 27, quia unitas non dividit.

Pro regula inversa in 1 exemplo *Prop. 3.* Si messorum 20 exigunt dies 4, quid messorum 10? Quia 20 ad 10 se habere debet reciproce, ut quartus terminus ad secundum 4, reductis 20 & 10 ad minimos terminos 2 & 1, dic si 2 dat 4, quid 1? ductisque  $2 \times 4$ , habetur quartus proportionalis 8.

II. Ad evitandum divisionis prolixioris tedium, dividatur tertius terminus per primum, & quotus ducatur in secundum: vel dividatur secundus per primum, & quotus ducatur in tertium; in utroque enim casu operatio fit brevior. Ut si leucæ 25 dant milliaria Italica 60, quid leucæ 100? Divisis 100 per 25, duc quotum  $4 \times 60$ , erit 240 quartus proportionalis quæsitus. Vel diviso 60 per 25, quotus  $2\frac{3}{5}$  ducatur in 100, productum  $\frac{2300}{5}$ , seu 240, erit quartus proportionalis quæsitus.

III. Regula proportionum confici potest per solam divisionem, nimirum dividendo primum terminum per secundum, & dividendo per hunc quotum terminum tertium. Sic ex. gr. 3 gradus circuli maximi terræ continent milliaria Italica 120, gradus 360 quot milliaria continebunt. Diviso primo termino per secundum, habetur  $\frac{2}{15}$ , hoc est  $\frac{1}{80}$ ; per hunc divide 360, quotus  $\frac{21600}{1}$  dat milliaria Italica quæsitæ.

IV. Si

IV. Si fractiones afficiant primum terminum tantum, ut si dicatur  $12\frac{1}{2}$  dant 4, quid 20? Multiplicata per denominatorem 2 tam primum, quam tertium terminum, fient tres termini proportionales sine fractionibus 25, 4, & 40. Similiter si fractiones ejusdem nominis afficiant primum & tertium terminum, ut si dicatur  $3\frac{2}{3}$  dant 20, quid 10  $\frac{2}{3}$ ? Multiplicatis iisdem duobus terminis per denominatorem 3, erit regula sine fractis, ac termini proportionales 17, 20, 53. Quibuscum regula de more peragitur. Horum ratio, perceptis fractionum regulis, satis patet.

SCHOL. *Hæc, atque similia compendia dicuntur Italica, vel quia ab Italis inventa, vel quia in Italia usum habeant frequentiore.*

## PROPOSITIO V.

### *De Regula Societatis.*

**R**egula, quæ docet modum dividendi numerum in data proportionem, vulgo dicitur *Regula Societatis*, quod apud homines mercaturæ societatem ineuntes frequenter adhiberi solet. Ecce exempla.

Mercatores *A, B, C*, societate inita, lucrati sunt aureos 800. *A* posuit in sortem communem aureos 100, *B* aureos 160, *C* vero 240: quæritur quantum quisque ex eo lucro debeat accipere. Collige in unam summam singulorum pecuniam, nempe aureos 500, Deinde instituatut toties regula proportionum, quot sunt singulorum pecuniæ, ita ut primus terminus semper

per statuatur summa pecuniæ collatæ, secundus lucrum aureor. 800, tertius vero uniuscujusque pecunia *A*, *B*, *C*.

Dic ergo si 500 dat 800, quid 100? 160

quid 160? 256.

quid 240? 384

---

800

Patet lucrum *A* fuisse aureorum 160, lucrum *B* 256, & *C* 384, quæ simul efficiunt summam lucri, adeoque statim habetur regulæ examen.

II. Si pecunia unius diutius fuerit in negotiatione, quam pecunia alterius, tunc uniuscujusque pecunia multiplicari debet per suum tempus. Cetera peragenda, ut supra.

*Sit exemplum.* *A* posuit in sortem communem aureos 50 annis 2, *B* aureos 100 annis 3, *C* vero aureos 200 anno 1. Lucrum fuit aureorum 500: quæritur singulorum lucrum. Duc 50 X 2, 100 X 3, & 200 X 1, producta dant summam 600, quæ erunt primus terminus regulæ proportionum: secundus lucrum comparatum aureorum 500; tertius vero pecunia singulorum per suum tempus multiplicata.

Dic ergo si 600 dant 500, quid 100?  $83\frac{1}{3}$

quid 300? 250

quid 200?  $166\frac{2}{3}$

---

500

Est

Est igitur lucrum ipsius *A* aureorum  $83\frac{1}{3}$ . Lucrum *B* aureorum 250, *C* vero aureorum  $166\frac{2}{3}$ , quæ addita faciunt aureorum summam 500.

III. Quod si singulorum pecunia æqualis fuit, tempus autem inæquale: nam *A* reliquit in societate pecuniam suam mensibus 7, *B* vero mensibus 6, *C* denique mensibus 12, lucrum autem extiterit aureorum 1000; collige in unam summam menses, faciunt 25, eritque hic primus regulæ terminus, secundus erit lucrum, tertius menses singulorum. Tum adhibe ter regulam auream, inuenies lucrum primi aureos 280, secundi 240, tertii 480.

*Si Menses aur. quid menses*

25. 1000 :: 7? 280

6? 240

12? 480

---

1000

COROLL. Hinc apparet modus dividendi pecuniam, v. g. aureos 1000 in proportionem data temporis, quo tres famuli domino suo servierunt, quorum primus serviverit annis 7, secundus annis 6, tertius annis 12. Aliæ similes quæstiones ex hac regula facile solvuntur, quæ non est, nisi regula proportionum sæpe repetita, ut patet. Quod de lucro dictum est, intelligi eodem modo debet de damno, si societati improspere cesserit, ac damnum in singulos sit dividendum, habita ratione pecuniarum, & temporis.

L

PRO-

## PROPOSITIO VI.

*De Regula Alligationis.*

**C**UM variæ res diversi pretii inter se alligantur, seu miscentur, ut varii liquores, merces, metalla &c. atque inde pretium partibus mixti respondens inquiritur: seu, cum pretio quodam medio proposito, quaeritur, quantum ex singulis mercibus, aut liquoribus misceri debeat, ut pretio illo arbitrario vendi possint; in utroque casu adhibetur regula, quam Arithmetici regulam *Alligationis* vocant, quæ per exempla satis superque innotescet.

I. Conflanda est statua argentea librarum 300. Artifex duo argenti genera posuit, alterum quod in singulas libras stat scutis 30, alterum vero scutis 25. Ex priori posuit libras 120, ex posteriori libras 180. Quæritur quot scutis stabit in singulas libras ejusmodi statua?

$$\begin{array}{r}
 \text{Duc libras } 120 \times 30 \text{ fit } 3600 \\
 \quad \quad 180 \times 25 \quad \quad 4500 \\
 \hline
 8100
 \end{array}$$

Tum divide totius argenti pretium 8100 per numerum librarum 300, quotus 27 indicat unius libræ pretium. Nam si lib. 300 valent scut. 8100, quid lib. 1. ? Ex regula aurea habetur 27.

II. Sunt duo olei, aut vini genera, mensura 1. primi generis stat juliis 24, secundi generis mensura 1. valet

valet juliis 35. Si quis non habeat nisi julios 33, & mensuram unam ex utroque vino mixtam petat, quaeritur ex utroque quantum debeat accipere.

1. Pone unum pretium statutum sub altero 24 & 35, & ad sinistram pretium arbitrium 33, medium inter pretia statuta 24 & 35; ad dexteram vero differentias inter hoc, & pretia illa, sed alternatim ita ut differentia pretii minoris 24 (hoc est 9) ponatur juxta pretium majus 35, & differentia pretii majoris 35, nempe 2, ponatur juxta pretium minus 24, ut in sequenti exemplo factum vides.

2. Colligantur differentiae in unam summam, ut hic 11, & instituitur regula trium toties, quot sunt differentiae, nempe bis in hoc exemplo; ita ut summa differentiarum 11 occupet primum locum, mensura vero 1 secundum locum, & una ex differentiis tertium. Tum dic, si 11 dat 1, quid 9? Rursus, si 11 dat 1, quid 2? Invenies ex potiori vino accipiendas esse  $\frac{2}{11}$  unius mensurae, ex secundo vero  $\frac{9}{11}$ , quae simul sumptae faciunt  $\frac{11}{11}$ , hoc est mensuram unam quaesitam.

*Pretia Differ.*

$$\begin{array}{rcl}
 33 \left\{ \begin{array}{l} 24 \\ 35 \end{array} \right. \left\{ \begin{array}{l} 2 \\ 9 \end{array} \right. & \text{Si 11 dat 1, quid 2?} & \frac{2}{11} \\
 & \text{quid 9?} & \frac{9}{11} \\
 \text{Summa 11} & & \frac{11}{11}
 \end{array}$$

III. Quando autem plurium, quam duarum rerum pretia statuta proponuntur, ita tamen ut saltem unum sit majus, alterum vero minus pretio arbitrario; tunc

L 2

plures

plures fieri debent alligationes, quod exemplo satis vulgari explicatur.

Libra 1 Garyophili valet juliis 3. Piperis libra, juliis 4. Cinnamomi, 6. Croci, 9: quæ brevitatis gratia sint *A*, *B*, *C*, *D*. Pretium vero medium sit *M*. Quæritur, quantum quis debeat ex singulis accipere, ut mixti libra 1 valeat juliis 7. Primo disponantur ordinatim pretia, ut in exemplo sequenti. Secundo alligentur inter se duo pretia *A* & *D*, hoc est comparentur ambo cum pretio *M*, ut inveniantur differentiæ excessus, & defectus, nempe 2 & 4, quæ ponantur alternatim juxta *A* & *D* modo superius explicato. Eodem modo alligentur duo pretia *B* & *D* (idem pretium alligari potest pluries) differentiæ excessus est 2, defectus autem est 3, quæ ponantur alternatim juxta *B* & *D*. Similiter alligentur *C*, & rursus *D*, differentiæ sunt 2 & 1, quæ pariter statuuntur alternatim juxta *C* & *D*.

3. Colligantur omnes illæ differentiæ in unam summam, quæ hic est 14. Deinde dic, si 14 dat libram 1, quid differentia 2? erit  $\frac{2}{14}$ , seu  $\frac{1}{7}$ ; quod toties itere-  
tur, quot sunt pretia data *A*, *B*, *C*, *D*, adeo ut tres differentiæ 4, 3, 1, quæ appositæ sunt ipsi *D*, addantur, & unicam differentiam 8 efficiant. En totius calculi ty-  
pus.

	Pretia	Differ.
<i>M</i> 7	<i>A</i> 3	2.
	<i>B</i> 4	2.
	<i>C</i> 6	2.
	<i>D</i> 9	4. 3. 1.
	Summa	14

Si



$$\begin{array}{r}
 \text{Si 14 dat lib. 1. quid 2? } \frac{3}{14} \\
 2? \quad \frac{3}{14} \\
 2? \quad \frac{3}{14} \\
 8? \quad \frac{8}{14} \\
 \hline
 \end{array}$$

$$\text{Summa } \frac{14}{14} = 1.$$

Si fractiones, aut partes mixti additæ adæquent totum, regulæ examen exhibent. Sic in exemplo  $\frac{14}{14} = 1$ .

*Demonſtr.* Summa differentiarum, quibus pretia ſtata differunt per exceſſum, & defectum a pretio medio, habet ad totum mixtum eandem rationem, quam habent ſingulæ differentiæ ſeorſim ſumptæ ad ſingulas partes mixti ſeorſim ſumptas, ut patet; proinde toties regula proportionum iteratur, quot ſunt differentiæ: quæ idcirco locum alternant, ut pretium deficiens unius compenſari valeat per exceſſum alterius pretii. Quod &c.

*COROLL. I.* Ex ſuperiori exemplo manifeſtum eſt; unumquodque pretium ſaltem ſemel alligari debere, idemque pretium poſſe pluries aſſumi, ut factum eſt cum pretio *D*.

*COROLL. II.* Alligationes huiusmodi fieri poſſunt variis modis, ſiquidem pretium medium ſemper comparetur cum duobus pretiis, altero majori, altero minori. Pro diverſa autem alligatione, diverſa erit unius, vel alterius mercis, aut liquoris quantitas in mixto poſita, ut patet.

PRO-

## PROPOSITIO VII.

*De regula simplicis Positionis, seu falsi.*

**E**A regula *falsi* dicitur, quæ ex positione numeri plerunque falsi docet verum numerum invenire, qui quæstioni satisfaciat. Dicitur *simplicis Positionis*, si simplex ponatur numerus, ut in hac Propos. fiet; duplicis vero, si duo numeri assumantur, ut in *Prop. seq.*

Regula simplicis Positionis in tribus consistit, nempe

1. Ponitur numerus, qui videtur aptus ad solvendam quæstionem, qui dicitur *Positio*.

2. Examinatur ille numerus, an talis sit, qualis exquiritur.

3. Instituitur regula proportionum ad verum numerum inveniendum. Res exemplis fit evidens.

I. Sempronius testamento mandavit, aureos centum distribui in tres fratris sui filios *A*, *B*, *C* hac lege, ut *A* habeat partem duplam *B*, & *B* partem triplam ipsius *C*. Quæritur quantum singuli debeant accipere.

Pone *A* habere aureos 6, habebit *B* aureos 3, *C* vero 1. Examina, an tres illæ partes 6, 3, 1 simul efficiant 100 (nam si 100 efficerent, problema esset absolutum) sed illæ efficiunt tantum 10. Adhibe jam regulam proportionum, in qua ponatur primo loco numerus, qui ex falsa positione provenit, ut hic 10: secundo loco statuitur numerus primo assumptus, seu Positio, ut hic 6; tertio loco numerus datus in quæstione, hoc est 100, invenies 60. Itaque *A* habebit 60 aureos, *B* 30, *C* vero 10, quorum summa est 100, scilicet

$$10 . 6 :: 100 . 60. \quad \text{II.}$$

II. Cajus interrogatus, quot aureos haberet, respondit, aureorum meorum  $\frac{1}{3} + \frac{1}{4} + \frac{1}{5}$  faciunt summam 470. Quæritur ea summa? Patet hic quæri numerum, cujus partes  $\frac{1}{3}$ ,  $\frac{1}{4}$ ,  $\frac{1}{5}$  simul sumptæ efficiant 470. Ad evitandas fractiones assume numerum, qui contineat partes in quæstione expressas. Esto hic 60, cujus  $\frac{1}{3} = 20$ ,  $\frac{1}{4} = 15$ ,  $\frac{1}{5} = 12$ , quæ partes additæ faciunt 47. Debebant autem efficere 470. Institue regulam proportionum, dispositis terminis modo superius explicato, nimirum

$$47 \cdot 60 :: 470 \cdot 600$$

Habebat ergo Cajus aureos 600, quorum  $\frac{1}{3} = 200$ ,  $\frac{1}{4} = 150$ ,  $\frac{1}{5} = 120$ , quæ partes simul additæ efficiunt 470.

III. Sunt quatuor molæ, quarum prima singulis horis molit tritici modios 7, secunda 6, tertia 4, quarta 3. Quæritur tempus, quo molentur tritici modii 360, omnibus illis molis simul adhibitis.

Pone requiri horas 5, hoc tempore prima mola conficit modios 35, secunda 30, tertia 20, quarta 15, qui omnes sunt modii 100, debebant autem esse 360. Instituat ergo regula proportionis: si modii 100 possunt horas 5, quid modii 360? Invenies horas 18. Nam

$$100 \cdot 5 :: 360 \cdot 18$$

Quo tempore prima mola conficiet modios 126, secunda 108, tertia 72, quarta 54, qui simul additi efficiunt modios 360.

*Demonstr.* Ut se habet (in primo exemplo) 10 ad 6 + 3 + 1 simul sumptos in falsa positione, ita se habet  
in

in vera positione 100 ad  $60 + 30 + 10$  simul sumptos. Proinde regula stat in hoc, ut numerus falsus 10, productus per numerum falsum 6, ita se habeat per regulam auream ad ipsum numerum falsum 6, sicuti verus numerus 100 ad verum numerum 60.

## PROPOSITIO VIII.

### *De Regula duplicis Positionis.*

**R**egula *duplicis Positionis* non unum, sed duos supponit numeros, ut in *Propos. præc.* dictum est, solvitque plures quæstiones, quæ per unam positionem resolvi nequeunt. Omnes tamen quæstiones, quæ per unam positionem solvuntur, etiam per duas solvi possunt. Quando autem duplici positione opus sit, indicabitur inferius in *Schol. 1.* En regulæ ordo.

1. Pone pro numero quæsito quemcunque numerum, qui dicitur *Positio*, & cum eo procede juxta tenorem quæstionis; cui si non satisfaciat, errorem (hoc est excessum, vel defectum, quo positio aberrat a numero quæsito) subscribe eidem positioni, cum signo +, vel —, quorum unum plus, sive excessum, alterum minus, seu defectum denotat.

2. Ponatur alius numerus priori major, vel minor, cum quo similiter examinetur quæstio proposita, cui si non satisfaciat, errorem pariter ei positioni subscribe cum signis +, vel —. Cum ambo errores sunt per excessum, vel ambo per defectum, dicuntur *similes*. Cum autem unus est per excessum, alter per defectum, hoc est cum signis diversis + & —, dicuntur errores *dissimiles*.

3. Si

3. Si errores sunt similes, ducatur prima positio in errorem positionis secundæ, & vicissim positio secundæ in errorem primæ positionis. Tum horum productorum differentia dividatur per differentiam errorum, quotus erit numerus quæsitus.

4. Si errores sunt dissimiles, productorum summa dividitur per summam errorum, quotus dat quæsitum.

I. Tres juvenes *A*, *B*, *C* lucrati sunt aureos 47. *B* obtinuit aureos 5 plus quam *A*, *C* tantundem quantum *B*, & insuper 10, quæritur lucrum singulorum.

Pone lucrum *A* fuisse 4, lucrum *B* erit 9, *C* vero 19. Adde simul 4, 9, 19, sunt 32, debebant esse 47, est ergo error, seu defectus in 15.

Rursus pone lucrum *A* fuisse 7, erit lucrum *B* 12, *C* vero 22, qui simul faciunt 41, quæ summa deficit a vera 47 per defectum 6.

Cum itaque duo errores similes sint (nempe ambo per defectum) duc positionem 4 in errorem secundæ positionis, hoc est in 6; & positionem 7 in errorem 15, sunt duo producta 24, & 105, quorum differentia est 81, quem divide per differentiam unius erroris ab alio, idest per 9, (subtrahendo errorem 6 ex alio errore 15) quotus 9 dat numerum quæsitum. Itaque lucrum *A* fuit aureorum 9, *B* vero 14, & *C* 24, quorum summa est 47.

$$\left. \begin{array}{l} \text{Posit. } 4, \text{ Err.} - 15 \\ \text{Posit. } 7, \text{ Err.} - 6 \end{array} \right\} 9 \text{ diff.}$$

$$\text{Prod. } 4 \times 6 = 24$$

$$7 \times 15 = 105$$

$$\text{Differ. } 81$$

M

II.

II. Si utraque positio sit excedens, praxis est omnino eadem. Ponamus enim lucrum *A* fuisse 12, erit lucrum *B* 17, & lucrum *C* 27, quorum summa est 56, excedens numerum datum 47 per errorem 9.

Pone iterum 11 pro lucro *A*, erit lucrum *B* 16, & lucrum *C* 26, quorum summa 53 adhuc peccat per excessum 6. Cum igitur errores similes sint (nempe per excessum) duc positionem 12 in errorem 6 alterius positionis, & positionem 11 in errorem 9. Tum subtrahe productum minus 72 ex majori producto 99, & residuum 27 divide per differentiam errorum 9 & 6, hoc est per 3, quotus 9 dat numerum quæsitum, ut prius.

$$\begin{array}{l} \text{Posit. } 12, \text{ Err. } + 9 \\ \text{Posit. } 11, \text{ Err. } + 6 \end{array} \left. \vphantom{\begin{array}{l} \text{Posit. } 12, \text{ Err. } + 9 \\ \text{Posit. } 11, \text{ Err. } + 6 \end{array}} \right\} 3 \text{ differ.}$$

$$\text{Prod. } 6 \times 12 = 72$$

$$9 \times 11 = 99$$

$$\text{Differ. } \underline{27}$$

III. Quod si una positio sit excedens, altera deficiens, summa productorum dividitur per summam errorum, ut dictum est supra num. 4. Sit idem exemplum claritatis gratia.

Pone lucrum *A* fuisse 5, lucrum *B* erit 10, & lucrum *C* 20, quorum summa 35 deficit a summa data 47 per defectum 12; sumendus est igitur numerus major.

Pone lucrum *A* 11, *B* vero 16, & *C* 26, summa omnium 53 excedit veram summam 47 in 6. Ducatur jam positio prima 5 in errorem 6, & vicissim positio 11 in errorem 12. Deinde quia errores sunt dissimiles, addantur

dantur duo producta 30 & 132, eorumque summa 162 dividatur per summam errorum 18, quotus 9 dat rursus numerum quæsitum, ut antea.

$$\begin{array}{l} \text{Posit. } 5, \text{ Err. } - 12 \\ \text{Posit. } 11, \text{ Err. } + 6 \end{array} \left. \vphantom{\begin{array}{l} \text{Posit. } 5, \text{ Err. } - 12 \\ \text{Posit. } 11, \text{ Err. } + 6 \end{array}} \right\} 18 \text{ Summa}$$

$$\text{Prod. } 5 \times 6 = 30$$

$$11 \times 12 = 132$$

$$\text{Summa } 162$$

*Sit aliud exemplum.* Interrogatus Pythagoras de numero suorum discipulorum, respondit, eorum dimidium dare operam Geometriæ, quartam partem Philosophiæ, septimam partem servare silentium; insuper tres alios se habere instituendos. Quæritur eorum discipulorum numerus.

Ponatur discipulos habuisse 56, dimidium erit 28, quarta pars 14, septima pars 8, quorum summa est 50: his addantur illi 3, fiunt 53, deberent esse 56; est ergo error per defectum 3, quem nota juxta ipsam positionem 56.

Rursus ponatur discipulorum numerus 112, dimidium erit 56, quarta pars 28, septima 16, quæ simul efficiunt 100, additisque 3, fiunt discipuli 103. Est ergo iterum error per defectum 9, quem nota ad positionem 112.

Jam duc positionem primam 56 in errorem secundæ positionis, hoc est in 9, & vicissim positionem secundam 112 in alterius positionis errorem 3, proveniunt 504 & 336. Cumque errores similes sint, eorum productorum differentiam 168 divide per differentiam erro-

M 2

rum

rum 6; quotus 28 dat numerum quæsitum discipulorum. Nam ejus dimidium est 14, quarta pars 7, septima 4, quæ simul faciunt 25, additisque 3, habetur numerus 28.

$$\begin{array}{l} \text{Posit. } 56, \text{ Err. } - 3 \\ \text{Posit. } 112, \text{ Err. } - 9 \end{array} \left. \vphantom{\begin{array}{l} \text{Posit. } 56, \text{ Err. } - 3 \\ \text{Posit. } 112, \text{ Err. } - 9 \end{array}} \right\} 6 \text{ differ.}$$

$$\text{Prod. } 56 \times 9 = 504$$

$$112 \times 3 = 336$$

$$\text{Differ. } 168$$

Postremo sunt tres numeri ignoti  $a, b, c$ , qui sumpti bini dant summam, ut sequitur

$$a + b = 50$$

$$b + c = 70$$

$$a + c = 60$$

Quæritur singulorum valor. Pone  $a = 16$ , erit  $b = 34$ , ergo  $c = 36$ , proinde  $a + c = 16 + 36$ , hoc est 52. Sed esse debebat 60; ergo positio prima 16 peccat per defectum 8.

Pone itaque  $a = 18$ , erit  $b = 32$ , ergo  $c = 38$ , adæque  $a + c = 18 + 38$ , hoc est 56, sed debebat esse 60; est ergo rursus error per defectum 4. Pro inveniendō vero numero, fiant cetera, ut supra; reperietur  $a = 20$ , proinde  $b = 30$ ,  $c = 40$ , unde  $a + c = 20 + 40$ , seu 60, quod quærebatur.

SCHOL. Indicium quando quæstio proposita solvi non possit per unam positionem, sed duplicem omnino requirat, est cum quæstioni aliquis determinatus numerus additus est, qui una cum numero ad libitum posito debet assumi.



*sumi. Sic in primo exemplo numeri illi determinati 5, & 10, qui adduntur numero ad libitum posito, indicio sunt duplici positione opus esse. Item in secundo exemplo determinatus ille numerus discipulorum 3 indicat, questionem non per unam, sed per duplicem positionem esse solvendam, & sic de ceteris.*

## P R O P O S I T I O IX.

*Aurificis furtum in corona Hieronis regis detegere.*

**V**itruvius lib. 9. Cap. 3. refert, ab Archimede deprehensam fuisse fraudem, quam artifex auream Hieronis regis coronam, admixta argenti portione, adulteraverat; sed quo præcise artificio id egerit, non satis constat. Duas tamen massas fecisse dicitur, alteram ex auro puro ejusdem ponderis cum corona, alteram ex argento item puro ponderis ejusdem: tum hæc tria in vas aqua plenum seorsim immittens, aquam inde effluentem sedulo exploravit, atque hinc quantum argenti in ea corona fuerit admixtum, invenit.

Fingamus igitur coronæ pondus fuisse lib. 12, item auri, & argenti massas; & dum corona in vas aqua plenum demitteretur, effluxisse aquæ libras  $7\frac{4}{7}$ , dum autem immergeretur auri massa, effluxisse aquæ libras  $7\frac{1}{7}$ , immersa demum argenti massa, effluxisse aquæ libras  $10\frac{4}{7}$ . Jam ex regula duplicis positionis ponatur, in ea corona fuisse auri lib. 9, erant ergo argenti lib. 3. Itaque per regulam proportionum dic, si puri auri lib. 12

dant

dant aquæ libras  $7\frac{1}{7}$ , quid lib. 9? invenies lib.  $5\frac{2}{7}$ . Item, si puri argenti lib. 12 dant aquæ lib.  $10\frac{4}{7}$ , quid lib. 3? proveniunt lib.  $2\frac{7}{10}$ . Adde simul libras  $5\frac{2}{7}$ , &  $2\frac{7}{10}$ , habentur aquæ lib.  $8\frac{1}{10}$ , debebant autem, esse lib.  $7\frac{4}{7}$ ; est ergo error per excessum  $\frac{3}{10}$ , qui notetur cum signo + una cum positione assumpta 9.

Ponatur secundo in eadem corona fuisse auri lib. 8, ergo ex argento erant lib. 4. Dic igitur per regulam auream, si auri puri lib. 12 dant aquæ lib.  $7\frac{1}{7}$ , quid lib. 8? inveniuntur lib.  $4\frac{4}{7}$ . Similiter, si argenti puri lib. 12 dant aquæ lib.  $10\frac{4}{7}$ , quid lib. 4? proveniunt per regulam proportionum aquæ lib.  $3\frac{3}{7}$ . Adde simul libras  $4\frac{4}{7}$ , &  $3\frac{3}{7}$ , fit summa librarum aquæ  $8\frac{2}{7}$ , debebant autem esse lib.  $7\frac{4}{7}$ . Peccatum est igitur rursus per excessum  $\frac{3}{7}$ , seu  $\frac{6}{10}$ , qui notetur cum + juxta positionem 8, ut sequitur

$$\left. \begin{array}{l} \text{Posit. } 9, \text{ Err. } + \frac{3}{10} \\ \text{Posit. } 8, \text{ Err. } + \frac{6}{10} \end{array} \right\} \frac{3}{10} \text{ differ.}$$

$$\begin{array}{rcl} \text{Prod. } 9 \times \frac{6}{10} & = & \frac{54}{10} \\ 8 \times \frac{3}{10} & = & \frac{24}{10} \end{array}$$

$$\text{Differ. } \frac{30}{10} = 3$$

Ductis jam  $9 \times \frac{6}{10}$ , &  $8 \times \frac{3}{10}$  habentur  $\frac{54}{10}$  &  $\frac{24}{10}$ ; quorum differentiam  $\frac{30}{10}$ , seu 3, divide per differentiam errorum, hoc est per  $\frac{3}{10}$ , quotus  $\frac{30}{3}$ , seu 10, dat auri libras quasitas. Erant ergo immixtæ 2 argenti libræ.

Ut fiat examen dic, si auri lib. 12 dant aquæ lib.  $7\frac{1}{7}$ , quid lib. 10? invenies lib. 6. Item, si argenti lib. 12 dant aquæ lib.  $10\frac{4}{7}$ , quid lib. 2? invenies lib.  $1\frac{4}{7}$ . Adde

de igitur 6, &  $1\frac{4}{7}$ , summa librarum  $7\frac{4}{7}$  dat tantum aquæ, quantum, dum corona immergeretur, effluxit.

SCHOL. I. *Sed nota, non opus fuisse Archimedi, aut cuicumque alteri, qui experimentum huiusmodi facere velit, conficere auri, vel argenti massas ejusdem ponderis cum corona; sed satis esse aliquam auri, & argenti portionem noti ponderis assumere; ut habeatur inter auri, ac argenti pondus, & aquæ effluentis quantitatem proportio.*

SCHOL. II. *Per regulam duplicis positionis aliæ plures quæstiones pulcherrimæ solvi possunt, quæ tamen longe facilius, & universali modo per Algebram expediuntur: a qua pariter peti debet Propositionis hujus simplex, ac genuina demonstratio; ut videre est apud Bernardum Lamy in Elementis Mathematicis an. 1704. edit. Paris. pag. 358. Demonstrationes autem aliunde petitiæ prolixæ sunt admodum, & implicatæ, quas proinde nos prætermittimus.*

## PROPOSITIO X.

*Datis duobus numeris tertium proportionalem invenire.*

**D**Uc secundum in seipsum, & productum divide per primum, quotus erit tertius proportionalis quæsitus. Dati sint 2 & 8, quibus tertius proportionalis inquiritur. Ducatur  $8 \times 8$ , & productum 64 dividatur per 2, quotus 32 est numerus quæsitus. Sic 2, 8, 32, sunt in eadem proportionem subquadrupla. Ratio patet ex 1. *lemm.*

SCHOL.

SCHOL. Si numeri dati sint inter se primi, hoc est unus non sit alterius multiplex, tertius proportionalis non erit numerus integer, sed fractus. Sic datis 2 & 5 invenitur per hanc Proposit. tertius proportionalis  $\frac{25}{2}$ , hoc est  $12\frac{1}{2}$ .

## PROPOSITIO XI.

*Inter duos numeros datos medium proportionalem invenire.*

**M**edius proportionalis inter duos numeros datos dicitur numerus, qui ita se habet ad alterum, datum, sicut alter datorum ad ipsum; ita ut numeri dati sint extremi, & ipse medius; qui bis sumitur, semel ut consequens respectu primi, & semel ut antecedens respectu alterius.

Dati sint numeri 4 & 16, inter quos medius proportionalis quaeritur. Duc illos inter se, & ex producto extrahe radicem quadratam, radix erit medius proportionalis. Sic  $4 \times 16 = 64$ , cujus radix quadrata est 8 per Prop. 1. Cap. 3. Sunt igitur 4, 8, 16 continuo proportionales, nam  $4 : 8 :: 8 : 16$ . Ratio patet ex 1. lem.

SCHOL. I. Si productum ex numeris datis non sit quadratum, ita ut radix quadrata ab eo erui non possit sine residuo; tunc medius proportionalis inveniri nullo modo potest. Nam dati numeri sint u. g. 2 & 5, radix quadrata per Prop. cit., & Schol. 3. erit  $3\frac{1}{2}$ . Adeoque erunt in continua proportionem 2,  $3\frac{1}{2}$ , 5, quod est falsum, nam si reducantur ad idem nomen, erunt  $\frac{12}{6}$ ,  $\frac{19}{6}$ ,  $\frac{30}{6}$ ; seu

*seu 12, 19, 30, qui nullo modo sunt proportionales, ut patet.*

SCHOL. II. Cum omne quadratum intelligi possit multiplicatum esse per unitatem, hinc omnis radix quadrata erit media proportionalis inter unitatem, & ipsum quadratum. Sic 25, radix quadrata numeri 625, est media proportionalis inter 1 & 625, proinde 1, 25, 625 sunt in eadem ratione continua. Nam  $1.25::25.625$ .

## PROPOSITIO XII.

*Inter duos numeros datos duos medios proportionales invenire.*

**Q**uadratum unius extremi ducatur in alterius extremum, & ex producto extrahatur radix cubica per Prop. 3. Cap. 4., quæ erit duorum mediorum proportionalium prior. Deinde quadratum alterius extremi ducatur in alterum extremum, & ex producto pariter extrahatur radix cubica, quæ erit duorum mediorum proportionalium posterior.

Dati sint numeri 2 & 16, quos inter invenire oporteat duos medios proportionales. Quadra minorem numerum 2, ejusque quadratum 4 duc in 16, fiunt 64, cujus radix cubica 4 erit prior duorum proportionalium. Similiter quadratum alterius numeri 16, nempe 256, duc in 2, fiunt 512, cujus radix cubica 8 erit duorum proportionalium posterior; proinde 2, 4, 8, 16 sunt in continua proportionem, ut patet, cum sit 2 ad 4, ut 4 ad 8, & 4 ad 8, ut 8 ad 16.

N

SCHOL.

SCHOL. Si ad numerum datum, & primum medium proportionalem inventum, quærat<sup>r</sup> tertius proportionalis per Propos. 10. hujus; vel si inter medium proportionalem inventum, & alterum numerum datum inveniat<sup>r</sup> medius proportionalis per Propos. 11. hujus; in utroque casu obtinebitur secundus duorum mediorum proportionalium quæsitus. Ceterum si numeri dati sint tales, ut inde radix cubica obtineri non possit sine fractionibus, tunc medii proportionales inveniri nequeunt, ut de uno medio proportionali dictum est in Schol. Propos. præc.

### PROPOSITIO XIII.

*Quæstiones aliquot practicæ expediuntur.*

**E**T si quæstiones, quas hic proponimus, ex regulis proportionum jam explicatis facile resolvi valeant; quia tamen eas ordinare, atque expedire tyronibus negotium facessit, adeoque Arithmetici practici peculiare de his tractatus instituerunt, proinde nos præcipuas breviter indicabimus, ita tamen ut ex ipsa praxi operandi etiam methodus innotescat.

1. Lucilius vendidit aureis 9072 fundum, quem emerat aureis 8400; quærit quantum ex singulis 100 lucratus sit.

Dic per regulam proportionum si 8400 sunt 9072, quid 100? Invenies 108. Fuit ergo ex singulis 100 lucrum aureorum 8.

Vel sic, subtrahæ 8400 ex 9072, differentia, seu lucrum est aureorum 672. Dic ergo, si 8400 dat 672, quid 100? invenies 8, ut antea.

*Exa-*

*Examen* fit si dicas, 100 fiunt 108, quid 8400? invenies 9072.

2. Fingamus ab eodem Lucilio solvendam esse pensionem scutorum 500 annis quinque, hoc est scuta 100 singulis annis; quam ille emit parata pecunia, solutis statim scutis 400. Quæritur, quantum lucri ex singulis 100 percipiat.

Dic per regulam auream, si scuta 400 fiunt 500, seu *per Prop. 4. hujus*, si 4 fiunt 5, quid 100? invenies 125; adeoque ex singulis 100 habet lucrum scutorum 25.

*Examen* erit, si dicas 100 fiunt 125, quid 400? fiunt 500.

SCHOL. *Quæstiones hujus generis pertinent ad regulas lucri, seu simplicis meriti, ut vocant.*

3. Fabius debet Sempronio aureos 660 annis tribus solvendo, hoc est singulis annis aureos 220. Paratus tamen est statim aureos 660 creditori solvere, siquidem 10 ex singulis 100 sibi relaxet. Quæritur, quot aureos solvere debeat.

Adde lucrum 10 ad 100 fiunt 110. Tum per regulam auream ter repetendam (quot scilicet anni sunt) dic si 110 fiunt 100, vel (*per Prop. 4. hujus*) si 11 fiunt 10, quid 220? fiunt 200. Rursus dic, si 11 fiunt 10, quid 200? invenies  $181\frac{2}{11}$ . Demum, si 11 dant 10, quid  $181\frac{2}{11}$ ? proveniunt  $165\frac{3}{11}$ . Addantur simul 200,  $181\frac{2}{11}$ ,  $165\frac{3}{11}$ . Erit summa  $547\frac{13}{11}$ . Accipiet ergo Sempronius tantum aureos  $547\frac{13}{11}$ .

4. Eadem ratione si quis ad tres annos domum conduxerit cum annua pensione scutorum 300; domino autem ejus domus omnem statim summam in antecessum,

solvat ea conditione, ut sibi scuta 5 pro singulis 100 compenſet: dices, ſi 105 ſiunt 100, ſeu (dividendo 105, & 100 per 5) ſi 21 ſiunt 20, quid 300? invenies  $285\frac{5}{7}$ . Rurſus, ſi 21 ſiunt 20, quid  $285\frac{5}{7}$ ? ſiunt  $272\frac{1}{47}$ . Demum ſi 21 dant 20, quid  $272\frac{1}{47}$ ? proveniunt  $32\frac{12}{87}$ . Horum ſumma  $590\frac{2}{100}$  (reductis fractionibus in partes centeſimas) in antecellum domus illius domino ſolvenda eſt.

Quod ſi aurei illi 660 a Fabio triennio poſt ſolvendi ſint; tunc additis, ut ſupra 10, ad 100, dic ſi 110 ſiunt 100, ſeu, *per Prop. 4. huius*, ſi 11 ſiunt 10, quid 660? erunt 600. Rurſus, ſi 11 ſiunt 10, quid 600? invenies  $545\frac{5}{11}$ . Demum, ſi 11 ſiunt 10, quid  $545\frac{5}{11}$ ? ſiunt  $495\frac{10}{11}$ ; & hi ſolum Sempronio ſolvendi ſunt.

Vel brevius, duc  $660 \times 10 \times 10 \times 10 = 1000$ , & productum 660000, divide per  $11 \times 11 \times 11 = 1331$ , quotus dat  $495\frac{10}{11}$ , ut antea.

SCHOL. *Hæc praxis vulgo dicitur*, ſcontare a capo d'anno.

5. Accepit Cajus aureos 500 cum uſura aureorum 10 ex ſingulis 100 in annum ea lege, ut niſi ſolvat ſingulis annis, fiat ex ſœnore auctio ſortis. Nihil fuit a Cajo ſolutum toto triennio. Quæritur, quantum ipſe pro ſorte, atque uſuræ uſura ſœneratori debeat.

Adde 10 ad 100 ſiunt 110; deinde per regulam auream dic, ſi aurei 100 ſiunt 110, ſeu ſi 10 ſiunt 11, quid 500? invenies 550, hoc eſt 500 pro ſorte, pro uſura vero primi anni 50. Rurſus pro ſecundo anno dic, ſi 10 ſiunt 11, quid 550? ſiunt 605. Demum ſi 10 dant 11, quid 605? Invenies ſummam a Cajo ſolvendam, aureos  $665\frac{1}{2}$ .

Vel brevius, duc 500 in 1331, hoc eſt in  $11 \times 11 \times 11 = 1331$ ,



$= 1331$ , & productum  $665500$ , divide per  $1000$ , nimirum per  $10 \times 10 \times 10 = 1000$ , quotus dat  $665 \frac{1}{2}$ , ut antea.

COROLL. Hinc liquet, sortem datam, nempe aureos  $500$ , & summas deinde inventas per regulam proportionum  $550$ ,  $605$ , &  $665 \frac{1}{2}$  esse terminos continue proportionales, cum omnes sint in eadem proportionem, quam habet  $10$  ad  $11$ ; proinde inter sortem datam, & ultimi termini summam tot intercedunt medii proportionales, quot ejus fœnoris fuerunt anni. Hoc ipsum de præcedenti quæstione debet intelligi.

SCHOL. Praxis hujusmodi, quæ apud Latinos anatocismus, sive usura usuræ, & a nonnullis usura Judaica dicitur, est a lege vetita. Ab Italis vocari solet meritum meriti, seu meritare a capo d'anno. Hac vero regula atimur, ubi fundus ex annuis fructibus continuo augeri, ac multiplicari debet.

6. Terentius debet Gellio pro usura primi anni summam sortis, & fœnoris simul scuta  $4608$ , pro quarto autem anno scuta  $6561$ ; quæritur, quanta fuerit fors, quantumque fœnus:

Quærantur inter  $4608$ , &  $6561$  duæ mediæ proportionales, per Prop. 12. hujus: duc scilicet minorem  $4608$  in se; fit quadratum  $21233664$ ; quo ducto in majorem  $6561$ , producitur  $139314069504$ . Hinc autem extrahatur radix cubica, per Prop. 3. Cap. 4. prodibit  $5184$ , quæ erit duarum proportionalium minor, per Propos. 12. cit. Solvet igitur secundo anno pro sorte, ac fœnore scuta  $5184$ : atque hinc deducitur sortis quæsitæ quantitas. Nam ex præc. Coroll. sortis summa, & reliquæ omnes, sunt

sunt inter se in proportionē continua; proinde secundi anni summa 5184 se habet ad summam 4608 primi anni, sicuti hæc ad sortem quæsitam. Datis itaque duobus terminis 5184, & 4608, quæraturs tertius proportionalis per *Propos. 10. hujus*, erit fors quæsitā 4096.

Hanc subtrahere ex summa data sortis, & fœnoris primi anni, nempe ex 4608, innotescet ejusdem sortis usura, scutorum scilicet 512, seu  $12\frac{1}{2}$  ex singulis 100. Nam dic, si scuta 4096 sunt 4608, quid 100? invenies  $112\frac{1}{2}$ , hoc est  $12\frac{1}{2}$  ex singulis centenīs.

## C A P U T VI.

### *De Progressionibus Arithmeticis, & Geometricis, earumque regulis.*

**P**rogressio est plurium terminorum eadem continua proportionē procedentium. Quia vero proportionalitas alia est Arithmetica, in qua termini æquali excessu, vel defectu se superant, ut 1, 3, 5, 7, 9, 11, qui binario numero crescunt, vel 15, 12, 9, 6, 3, qui ternario decrescunt; alia est proportionalitas Geometrica, in qua termini simili ratione crescunt, vel decrescunt, quatenus primus toties secundum continet, quoties secundus tertium, & sic deinceps, ut in *præc. Cap.* fuse explicavimus: proinde progressio duplex est, alia Arithmetica, alia Geometrica. In prima termini servant proportionem Arithmeticam, in secun-

secunda Geometricam. Regulæ autem Progressionum; de quibus in præsentia agimus, consistunt in hoc, ut talium progressionum termini in unam summam sine prolixæ calculationis tædio compendiose, ac facile colligantur. Nos de utraque hic breviter tractabimus.

Præter Arithmeticam, & Geometricam proportionalitatem, datur quoque proportionalitas Harmonica, seu Musica, in qua tres numeri ita ordinantur, ut eadem sit proportio maximi ad minimum, quam habet differentia maximi & medii ad differentiam medii & minimi. Tales sunt numeri 3, 4, 6; nam inter 6 & 3 est proportio dupla; sicuti dupla est proportio differentiarum inter 6 & 4, nempe 2, ad differentiam inter 4 & 3, nempe 1.

### LEMMA.

**I.** IN progressionem Arithmetica terminorum quorumcunque, summa duorum extremorum æquatur summæ duorum terminorum, qui ab extremis æqualiter distant. Sint

$$1, 3, 5, 7, 9, 11.$$

Erit  $1 + 11 = 3 + 9$ . Item  $1 + 11 = 5 + 7$ .

**II.** In progressionem Arithmetica terminorum imparium summa extremorum, vel duorum terminorum æqualiter distantium, dupla est termini medii.

$$1, 3, 5, 7, 9, 11, 13.$$

In hac progressionem septem terminorum summa  $1 + 13 = 7 + 7$ , seu 14. Item  $3 + 11 = 14$ , pariter  $5 + 9 = 14$ .

**III.** In

III. In omni progressionē Arithmetica quilibet terminus continet primum, hoc est minimum terminum, & toties excessum, seu differentiam una minus, quot sunt termini post primum usque ad ipsum inclusive. Sint

1, 3, 5, 7, 9, 11.

Terminus quartus progressionis 7 continet, ut patet, minimum terminum 1, & ter differentiam 2. Pariter 9, terminus quintus progressionis, continet 1, & quater differentiam ipsam 2. Ita quoque 11, terminus progressionis sextus, continet 1, & quinquies differentiam 2 ut patet.

COROLL. Hinc habetur maximus progressionis terminus, si differentia ducatur in numerum terminorum unitate minutum, & producto addatur minimus terminus. Sic in præc. progressionē, si differentia 2 ducatur in 5 (numerum terminorum unitate minutum) & producto addatur minimus terminus 1, habetur maximus terminus 11.

## PROPOSITIO I.

*Datis minimo ac maximo progressionis Arithmetice terminis, & terminorum numero, invenire summam.*

**R**egula hæc est: summa minimi ac maximi termini multiplicetur per dimidium numerum terminorum, productum dabit summam totius progressionis.  
Sic

*Sit exemplum.* Quæritur summa omnium campanæ pulsuum alicujus horologii Italici ab 1 hora, usque ad 24 inclusive. Minimus terminus est 1, & maximus 24; horum summa 25 ducatur in 12, dimidium terminorum, productum 300 dat omnes campanæ horariæ pulsus unius diei.

Ratio deducitur ex *lemm.* 1. Nam cum summa extremorum æqualis sit duobus quibusque terminis æqualiter distantibus, rectangulum factum ex summa primi, & ultimi in numerum dimidium terminorum, necessario æquale erit summae totius progressionis. Multiplicatio enim est idem ac compendiosa additio ex dictis *Prop.* 5. *Cap.* 1.

COROLL. Hinc inferitur, summam progressionis Arithmeticæ pariter haberi, 1. Si dimidium summae minimi, ac maximi termini ducatur in numerum terminorum. 2. Si summa minimi, & maximi ducatur in numerum terminorum, & productum per 2 dividatur. 3. Quia vero in progressionem terminorum imparium numerus medius æquatur dimidio summae minimi ac maximi ex *lem.* 2, hinc sequitur, haberi progressionis summam, si numerus medius ducatur in numerum terminorum imparium.



## PROPOSITIO II.

*Datis terminis maximo, & minimo, necnon & numero terminorum, differentiam invenire.*

**A** Maximo termino aufer minimum, & residuum divide per numerum terminorum unitate minutum, quotus dabit differentiam quæsitam.

In præc. exemplo campanæ horariæ a maximo termino 24 aufer minimum 1, & residuum 23 divide per numerum terminorum unitate minutum, nempe 23, quotus 1 dat differentiam quæsitam.

Ratio desumitur ex *lemm. 3.* Nam 24 continet minimum terminum 1, & præterea toties continet differentiam, quot sunt post terminum 1 usque ad ipsum inclusive 24 termini, qui nimirum sunt 23: proinde, ablato minimo termino, residuum continet toties differentiam, quot sunt progressionis termini minus uno; adeoque diviso residuo per numerum terminorum unitate minutum habetur differentia.

## PROPOSITIO III.

*Minimo termino, differentia, & numero terminorum datis, invenire maximum.*

**D**UC differentiam in numerum terminorum unitate minutum, & producto adde minimum terminum, summa dabit maximum. *Sit*

*Sit exemplum.* Dux exercitus distribuere vult prædam in expugnatione Urbis collectam inter 40 strenuos milites, qui primi arcem occuparunt, hoc pacto, ut ultimo, qui mœnia superavit, dentur aurei 100, penultimo 130, antepenultimo 160, & sic deinceps: quæritur, quantum retulerit pecuniæ primus. Patet minimum terminum esse 100, differentiam 30, & numerum terminorum 40. Duc proinde 30 in 39, & producto 1170 adde minimum terminum 100, habebis maximum 1270, præmium scilicet primi militis. Ratio patet ex lemm. 3, ejusque Coroll.

# PROPOSITIO IV.

*Minimo & maximo, nequeon & differentia datis, numerum terminorum invenire.*

**A** Maximo aufer minimum, & residuum divide per differentiam, quotus unitate auctus dat numerum terminorum.

*Sit exemplum.* Empta est multitudo librorum hac conventionem, ut minimus liber stet juliis 2, secundus juliis 4, tertius 6 &c., ultimi vero libri pretium fuit juliorum 400, quæritur librorum numerus. Aufer minimum 2 à maximo 400, & residuum 398 divide per differentiam 2, quotus 199 unitate auctus, hoc est 200, est numerus terminorum, seu librorum, qui quæritur.

Similiter artifex de opere perficiendo convenit hoc pacto, ut primo die solvantur sibi asses 20, secundo die asses 25, tertio asses 30, & sic deinceps. Ultimo die,

die, quo opus absolvit, accepit asses 165, quæritur quot dies operi insumpserit. Aufer terminum minimum 20 à maximo 165, & residuum 145 divide per differentiam 5, quotus est 29, qui unitate auctus dat dies 30.

Ratio propositionis desumitur ex *lemm. 3*, ut manifestum est.

## De Progressionibus Geometricis

### LEMMA IV.

**I**N omni progressionem Geometricam si terminus quilibet in se ducatur, & productum dividatur per terminum primum progressionis, quotus distabit à primo termino locis duplo pluribus, quam ipse terminus.

In progressionem *A* terminus 8 tertio loco positus, qui duobus locis distat à primo, ducatur in se, & productum 64 dividatur per primum terminum 2, quotus 32 distabit à primo termino locis duplo pluribus, seu quatuor. Nam terminus 32 est tertius proportionalis ad duos terminos 2, & 8, per *Propos. 9. Cap. 5.* proinde 32 toties continet 8 (hoc est bis terminum intermedium 16) quoties 8 continet primum 2, nempe bis terminum intermedium 4; adeoque cum 32 tantundem distet ab ipso 8, quantum 8 a termino primo 2 (duobus scilicet locis) distabit ipse 32 à primo termino locis duplo pluribus, nempe quatuor.

*A* 2, 4, 8, 16, 32, &c.

0. 1. 2. 3. 4.

Co-



**COROLL.** Hinc sequitur, quod si cuilibet progressioni Geometricæ subscribantur numeri ordine naturali ab unitate, facto tamen initio à cyphra; quilibet progressionis terminus, qui producitur per alium in se ductum, & divisum à primo, habeat sub se notam duplo majorem, quam terminus à quo producitur. Sic in superiori exemplo terminus 32, habet sub se notam 4, duplam ejus quam habet 8, ex cujus ductu producitur. Tales enim numeri, qui *exponentes*, vel *indices* progressionis dicuntur, indicant quantum quisque terminus distet à primo. Locum autem, seu numerum terminorum progressionis indicant unitate minorem. Sic 32, cujus index est 4, est quintus in progressionem terminus. Quod notetur.

## L E M M A V.

**I**N omni progressionem geometrica si duo quilibet termini in se ducantur, & productum dividatur per primum terminum progressionis, quotus dabit terminum tot locis distantem a primo, quot unitates habent indices duorum illorum terminorum simul additi.

In Progressione Geometrica B subscribantur numeri ordine naturali ab unitate, ut dictum est in *præc. Coroll.* & duo quilibet termini 10 & 40, quorum indices simul additi dant 4, ducantur inter se, eorumque productum 400 dividatur per primum 5, quotus est 80, cujus index pariter est 4, adeoque quatuor locis distat a primo termino per *Coroll. cit.*

B 5, 10, 20, 40, 80, 160 &c.

O. 1. 2. 3. 4. 5.

Co-

COROLL. Hinc ad inveniendum quemlibet progressionis datæ terminum, v. g. sextum, multiplicari debent inter se duo termini, eorumque productum dividi per primum, ita ut eorum indices additi contineant tot unitates una minus, quot habet terminus quæsitus. Sic ad inveniendum sextum progressionis *B* terminum, ductis inter se 20 & 40 (quorum indices additi dant 5) & producto diviso per 5, quotus 160 erit sextus progressionis terminus, ut patet.

## PROPOSITIO V.

*Datis minimo & maximo progressionis Geometricæ terminis, ac denominatore, summam terminorum invenire.*

**A** Maximo termino aufer minimum, & residuum divide per denominatorem proportionis unitate minutum, additoque quotienti ultimo termino, habebis omnium terminorum summam.

*Sit exemplum.* Venditur equus eximie pulchritudinis hoc pacto, ut juxta clavorum numerum, qui in soleis ferreis figendis adhiberi solent, solvatur pro primo clavo 1 assis, pro secundo clavo asses 2, pro tertio 4, & sic deinceps in proportionem dupla. Clavus ultimus importat asses 2147483648. Quæritur assium omnium solvendorum summa.

Aufer minimum terminum 1 ab ultimo, & residuum divide per denominatorem 2 unitate multatum, nempe per

per 1; & quia unitas non dividit, remanet quotus idem ac residuum 2147483647, cui adde ultimum terminum, fiet totius progressionis summa 4294967295: qui asses si dividantur per 100, erit pretium illius equi scutorum 42949672, & asses 95, per *Schol. Prop. 5. Cap. 3.*

Ratio deducitur ex *Prop. 34. lib. 9. Euch.* Nam in omni finita progressionem Geometrica, ut denominator unitate multatus est ad unitatem, ita maximi & minimi differentia (seu maximus terminus, dempto minimo) est ad totam progressionis summam, minus ipsomet maximo termino; ut si fuerit progressio Geometrica in proportionem tripla 3, 9, 27, 81, 243, erit denominator 3 unitate multatus; seu 2 ad 1, sicuti 243 — 3, seu 240, ad totam progressionis summam, dempto maximo termino, hoc est ad  $3 + 9 + 27 + 81 = 120$ ; proinde diviso 240 per 2, habetur 120, cui additur ultimus terminus 243, ut habeatur totius progressionis summa 363.

*SCHOL. I. Progressionis duplae ab unitate incipientis brevius habetur summa, si duplicetur terminus ultimus, & a duplo auferatur unitas. Sic in priori exemplo duplica ultimum terminum 2147483648, ac deme unitatem, residuum dabit summam totius progressionis 4294967295, ut antea. Ratio per se manifesta est, quia denominator unitate multatus est unitas, quae non dividit; & addere quoto ultimum terminum in hoc casu idem est, ac illum bis sumere, seu duplicare.*

*SCHOL. II. Ex progressionem dupla ab 1 incipiente 1, 2, 4, 8, 16 &c. habentur numeri, qui dicuntur Perfecti, qui scilicet omnibus suis partibus aliquoties aequales sunt, ut 6,*

ut 6, 28, 496 &c. hoc pacto: adduntur ordinatim progres-  
sionis duplæ termini, donec eorum summa sit numerus pri-  
mus, ut  $1 + 2 = 3$ ,  $1 + 2 + 4 = 7$ ,  $1 + 2 + 4 + 8 + 16 = 31$ .  
Tum numerus primus 3, vel 7, vel 31 ducitur in nume-  
rum ultimo additum, ex producto oritur numerus perfe-  
ctus. Sic  $3 \times 2 = 6$ ,  $7 \times 4 = 28$ ,  $31 \times 16 = 496$ . Et  
sic de aliis.

## PROPOSITIO VI.

*Datis aliquot progressionis Geometricæ terminis,  
quemcunque alium, etiam mediis  
non cognitis, invenire.*

**D**ati sint aliqui termini Geometricæ progressionis  
A, & inveniendus sit ejusdem terminus v. g. vi-  
gelimus. Hujus index erit 19, nimirum unitate minor  
numero termini quæsit, per *Coroll. lemm. 4*. Subscribe  
terminis datis numeros naturales ab unitate, facto ini-  
tio a cyphra, per *Coroll. cit.*, & duc 80, qui in pro-  
gressionem quintum locum occupat, & distat a primo lo-  
cis 4, in se ipsum, ejusque productum 6400 divide per  
primum terminum 5, quotus 1280 distabit a primo ter-  
mino locis duplo pluribus, quam ipse 80, hoc est lo-  
cis 8 per *lemm. 4*.

Eadem ratione duc 1280 in se ipsum, & productum  
divide per 5, quotus 327680, distabit a primo termi-  
no locis duplo pluribus, hoc est 16 per *lemm. cit.* Cum  
autem index 16 ab indice termini quæsit 19 differat per  
defe-

defectum 3, duc 327680 per terminum, cujus index sit 3, hoc est per 40, & productum divide per 5, quotus 2621440 erit terminus vigesimus quaesitus.

Nam cum ex constructione terminus 2621440 sit productus ex duobus terminis 327680, & 40, quorum indices sunt 16 & 3, seu 19, & divisus sit per primum terminum 5, distabit tot locis a primo termino, quot unitates habent duorum illorum terminorum indices 16, & 3 *per lemm. 5*, hoc est locis 19; adeoque ejus index erit 19, proinde terminus in progressionem vigesimus *per Coroll. lemm. 4*. Quod erat &c.

COROLL. Patet idem esse querere datam progressionis terminum 20, ac terminum exponentis, seu indicis 19, unitate minoris termino quaesito.

## PROPOSITIO VII.

*Afferuntur nonnullae Progressionis Geometricae quaestiones.*

1. **Q**Uæritur, quantum frumenti ex uno tritici grano haberi possit annis 10, si supponatur ab uno grano produci posse singulis annis grana 100, licet revera multo plura produci soleant.

Illa ergo 100 grana secundo anno producent centies centum grana, nempe 10,000, & sic deinceps in proportionem centupla. Inveniatur hujus progressionis decimus, seu ultimus terminus, qui *per Propos. præc.* erit 10000,0000,0000,0000, hoc est unitas cum cyphris 20. A quo si auferatur minimus terminus 100,

P

&amp;

& residuum dividatur per denominatorem proportionis unitate minutum, hoc est per 99, & addatur quoto ultimus terminus supra inventus, erit omnium granorum summa *per Propos. 5.*

1000000000011111111000.

Quam nec totius Europæ horrea caperent. Ponamus enim ad unam Romanæ libræ unciam requiri grana 600; ad libram unciarum 12 requiruntur grana 7200. Cum autem Romanum (ut vocant) Rubium sit pondo librarum 640, requiruntur ad rubium unum grana 4608000; dividatur per hunc progressionis summa, dabit quotus rubiorum numerum.

2. Rex, cui ex annuo reddito proveniunt ter decies centena millia nummorum argenteorum, statuit ejusmodi redditus alicui ministro locare hoc pacto, ut singulis annis per unum mensem solvat sibi primo die asses 1, secundo die asses 2, tertio vero 4; in proportionem dupla diebus 30, quæritur summa solvenda regi.

Inveniatur progressionis duplæ ab 1 incipientis terminus 30 *per Propos. præc.* erit 536870912, qui duplicetur, & a duplo auferatur unitas; erit assium summa 1073741823, *per Schol. 1. Propos. 5.* Ex qua resectis ad dexteram duabus notis, habetur nummorum argenteorum summa.


3. Scheramus Indiæ rex proposuit Sessâ Dahir Indo, qui latrunculorum ludum a se inventum illi exposuerat, ut in præmium peteret quantum vellet. Ille vero nihil aliud petiit, quam ut tritici granum prima areola positum continue duplicaretur, donec ad ultimam 64 perven-

perventum fuisset. Levissima regi primum visa res est : sed facto computo ab Arithmeticis, inventum est, neque in ejus regno, neque in toto terrarum Orbe reperiri eam tantam tritici copiam, nempe 18446744073709551615. Hoc patet ex dictis per Prop. 5. & 6. hujus.

SCHOL. I. *Hanc doctrinam qui noverit, haud mirabitur id, quod sacra historia narrat de multitudine filiorum Israel, qui egressi sunt de Aegypto. Cum enim eo profecti essent non plures, quam 70, ita multiplicati sunt, ut post annos 120, inde exierint ad sexies centena millia bellatorum hominum, præter pueros, senes, ac mulieres.*

SCHOL. II. *Admiranda Geometrica progressionis duplicæ ab 1 incipientis usque ad terminos 124 inclusive incrementa, quot scilicet scalarum gradibus Romæ ad templum Aracælitæ ascenditur, prosecutus est integro libro Romæ edito an. 1652. Fr. Ludovicus Paris de Monte Fano Min. Observ., in quo tot, ac tam lepida congerit, ut nescias, utrum magis Geometrica progressionis incrementa, an hominis ingentium, vel otium mireris.*

SCHOL. III. *De progressionē Geometrica infinita per infinitos terminos descendētis non loquimur, quod hæc tyronis Arithmetici studium transcendat, & per Analysin ea longe facilius explicetur.*



## P R O P O S I T I O VIII.

*Ex dato rerum numero combinationes omnes  
invenire.*

**C**ombinatio rerum fieri dicitur, cum dato certo rerum numero, v. gr. octo alphabeti literis, quaeritur quoties illæ bis, ter, vel quater inter se valeant combinari; hoc est quot binarii, quot ternarii, aut quaternarii ex illis fieri possint.

1. Datae sint igitur octo res, seu literæ *a, b, c, d, e, f, g, h*, scire volo omnes binorum combinationes. Instituantur duæ progressionēs Arithmeticae naturales descendentes, subducta unitate a numeris 8 & 2, tot scilicet terminorum, quot numerus minor 2 (qui denominator combinationis binariae dicitur) continet unitates, ut in *A* & *B* factum est. Ducantur deinde inter se 8 & 7, & productum 56  $\frac{A}{2} \left| \frac{B}{8} \right.$  dividatur per productum 2 x 1, hoc est  $\frac{1}{2} \left| \frac{7}{56} \right.$  per 2, quotus 28 dat quaesitam binorum multitudinem. (28)

Hoc patet ex sequenti 8 literarum combinatione.

<i>ab</i>	<i>ac</i>	<i>ad</i>	<i>ae</i>	<i>af</i>	<i>ag</i>	<i>ah</i>
<i>bc</i>	<i>bd</i>	<i>be</i>	<i>bf</i>	<i>bg</i>	<i>bh</i>	
<i>cd</i>	<i>ce</i>	<i>cf</i>	<i>cg</i>	<i>ch</i>		
<i>de</i>	<i>df</i>	<i>dg</i>	<i>dh</i>			
<i>ef</i>	<i>eg</i>	<i>eh</i>				
<i>fg</i>	<i>fh</i>					
<i>gb</i>						

II. Sci-



II. Scire volo quot ternorum combinationes ex iisdem 8 literis haberi possint. Instituantur, ut supra factum est, duæ progressionēs Arithmeticae descendentes  $C$  &  $D$ , & productum 336 dividatur per productum 6, quotus 56 dat numerorum ternorum, qui petitur.

$C$	$D$
3	8
2	7
1	6
6	336 (56

- COROLL. Eadem methodo inveniuntur omnes quaternarii, quinary, senarii &c. ex dato numero. Proinde in ludo Romano, qui vulgo *Lotto* dicitur, in quo puellarum 90 nomina in urnulam mittuntur, ut inde quinque tantum sortito extrahantur, binarii *per hanc Propos.* inventi erunt 4005, ternarii 117480, quaternarii 2555190, quinary 43949268; unde difficillima in huiusmodi ludis divinandi ratio satis apparet.

## P R O P O S I T I O IX.

*Ex dato rerum numero permutationes omnes  
possibiles invenire.*

**P**ermutationes, quas datus rerum numerus subire potest, inveniuntur hoc pacto.

Sumantur tot numeri in serie naturali 1, 2, 3, 4 &c. quot sunt res datæ, v.g. quinque literæ  $a, b, c, d, e$ , productum ex terminis seriei naturalis invicem multiplicatis erit numerus permutationum quæsitus, ut in  $A$  &  $B$  patet. Nam si dentur duæ tantum literæ  $a, b$ , possunt bis permutari, si quælibet semel primum locum, vel secundum occupet, ut  $ab, ba$ . Si dentur tres

tres  $a, b, c$  permutari possunt sexies. Quilibet enim occupare potest semel unum locum, & reliquæ duæ, ut modo dictum est, bis permutari. Nam cum  $c$  tenet ultimum locum, possunt duæ reliquæ  $a, b$ , mutari bis, ac proinde habentur duo diversi ordines  $abc$ ,  $bac$ . Rursus  $b$  occupante ultimum locum, 120 permutari possunt bis duæ  $a, c$ ; & sic duo novi exurgunt ordines  $acb$ ,  $cab$ . Denique si  $a$  teneat ultimum locum, reliquæ duæ  $c, b$  bis permutari valent, unde rursus alii duo habentur ordines  $bca$ ,  $cba$ . En simul omnes trium literarum  $a, b, c$  permutationes.

A	B
1	$a$
2	$b$
3	$c$
4	$d$
5	$e$

$abc, acb, bca,$   
 $bac, cab, cba.$

Eodem discursu ostenditur literas quatuor  $a, b, c, d$ , permutationes 24 admittere; literas quinque  $a, b, c, d, e$ , permutationes 120 &c.

COROLL. I. Hinc patet celebre illud carmen in honorem B. M. V.

*Tot tibi sunt Virgo dotes, quot sydera Cælo.*

octo verbis constans, subire posse permutationes 40320.

COROLL. II. Hinc quoque habentur omnia dati nominis Anagrammata, seu quot modis, variato ordine, disponi possint alicujus vocabuli literæ, ut *Roma*; cujus anagrammata sunt *Amor, Mora, Maro, Ramo, Armo* &c.

SCHOL. Quod si in dato vocabulo duæ sint literæ eadem, ut in voce *Paulus*, in qua bis reperitur *u*; permutationum numerus, ut supra, inventus dividatur per numerum

*merum permutationum, quas subire possunt literæ, seu res similes, quotus dabit numerum permutationum quæsitam. Sic ejusdem vocis literæ, seu Paulus, subirent permutationes 720: duæ sunt literæ similes, quæ admittunt permutationes 2; dividatur itaque 720 per 2, quotus 360 dat permutationum numerum.*

## PROPOSITIO X.

*Proponuntur aliqua Permutationum problemata.*

I. **S**unt Convictores 12, qui communi mensa utuntur, & quotidie singuli accumbendi locum varient, quæritur, quot annis absolvetur isthæc locorum permutatio.

Ductis invicem 12 progressionis naturalis Arithmeticæ numeris 1, 2, 3 &c. inveniatur per *Prop. præc.* permutationes 479, 001, 600, quas si divides per dies 365 habebis annorum summam.

2. Facta literarum 24 alphabeti permutatione, quæritur, quot annorum millia necessaria erunt ad omnes ejusmodi permutationes scribendas, etiamsi mille scriptores existant, qui quotidie paginas 40 scribant.

Inveniatur per *Propos. præc.* permutationum summa ex literis 24, quæ ex Tacquet est 620, 448, 401, 733, 239, 439, 360, 000. Duc 40 in 1000, productum 40, 000 dat numerum paginarum singulis diebus scribendum. Duc deinde 40, 000 in dies 365, & per productum 14, 600, 000 divide prædictam permutationum summam, quotus dabit numerum annorum quæsitum.

3. Ex

3. Ex doctrina B. Alberti Magni de Angelorum numero, Angelorum ordines, seu chori sunt 9: quilibet chorus continet 6666. legiones, & legio quælibet Angelos 6666, proinde omnium Angelorum numerus est 399,920,004; quæritur quot fieri possint Angelorum permutationes, seu quot modis ordinem inter se variare valeant. In hoc tam infinitæ multitudinis numero percipiendò, imbecilla mens hominum deficit.

## PROPOSITIO XI.

*Datis tribus numeris Arithmetice proportionalibus, tres numeros Harmonice proportionales invenire.*

1. **D**ucatur primus Arithmetice proportionalis datus in secundum, productum erit primus proportionalis Harmonice.

2. Ducatur idem primus Arithmetice proportionalis in tertium, proveniet secundus Harmonicus.

3. Denique secundus Arithmeticus in tertium ductus tertium Harmonicum producet.

*Sit exemplum.* Proportio Arithmetica 2, 3, 4, efficit Harmonicam 6, 8, 12.

Similiter proportio Arithmetica 3, 7, 11, efficit Harmonicam 21, 33, 77.



PRO-

## PROPOSITIO XII.

*Datis duobus numeris tertium Harmonice  
proportionalem invenire.*

**D**UC primum numerum datum in secundum, & productum divide per duplum primi minutum, secundo, hoc est per differentiam dupli primi a secundo, quotus erit tertius harmonice proportionalis.

Dati sint 3 & 4, quæritur tertius in eadem ratione harmonica. Duc 3 x 4, & productum 12 divide per 6 — 4, hoc est per 2, quotus 6 dat numerum quæsitum. Similiter dati sint 6 & 8, quæritur tertius harmonicus. Duc 6 x 8, & productum 48 divide per 12 — 8, seu 4, quotus 12 est tertius harmonice proportionalis, ut patet ex dictis.

## PROPOSITIO XIII.

*Si numerus datus dividatur per numeros Arithmetice  
proportionales, quotientes erunt in Harmonica  
proportionione.*

**D**atus sit numerus ex. gr. 60, qui dividatur per numeros Arithmetice proportionales 1, 2, 3, 4, 5, 6, erunt quoti. 60, 30, 20, 15, 12, 10: quos esse in proportionione harmonica manifestum est. Nam

$$\begin{array}{l} 60 \cdot 20 :: 60 - 30 \cdot 30 - 20. \\ 30 \cdot 15 :: 30 - 20 \cdot 20 - 15. \\ 20 \cdot 12 :: 20 - 15 \cdot 15 - 12. \\ 15 \cdot 10 :: 15 - 12 \cdot 12 - 10. \end{array}$$

Q

Hinc

Hinc patet haberi progressionem terminorum harmonice proportionalium.

SCHOL. I. *Harum trium propositionum demonstrationes ad Analysin speciosam remittimus, unde facillime eruuntur, quæ alioquin per viam syntheticam sunt operosa.*

SCHOL. II. *Ratio autem cur tales numeri proportionem harmonicam, seu Musicam constituere dicantur, est nimirum quia consonantias Musicas constituunt. Sic in numeris harmonice proportionalibus 3, 4, 6 inter 6 & 4 est proportio sesquialtera, constituens consonantiam, quæ Diapente, seu Quinta dicitur. Item inter 4 & 3 est proportio sesquitercia, constituens consonantiam, quam Diatesseron, seu Quartam vocant. Denique inter extremos 6 & 3 habetur proportio dupla, quæ Diapason, seu Octavam consonantiam efficit.*

SCHOL. III. *Datur etiam proportio Contr-harmonica, quæ habetur, cum datis tribus terminis, differentia primi, & secundi est ad differentiam secundi, & tertii, ut tertius terminus ad primum. Sic 3, 5, 6 sunt numeri contrharmonice proportionales: nam 2, differentia primi, & secundi termini, est ad 1, differentiam secundi, & tertii, ut 6 ad 3. Item 12, 10, 6 sunt contrharmonice proportionales; nam 2. 4 :: 6. 12. Hæc dicta sint in gratiam eorum, qui Musicam amant, aut instrumentis Musicis student, ut hinc numerorum scientiam sibi maxime necessariam intelligant.*

## A P P E N D I X

*De Logarithmis, eorumque natura,  
atque usu.*

**C**UM triangulorum resolutio, quæ per sinus, tangentes, & secantes habetur, absolvi debeat per regulam Proportionum, in qua multiplicatio, & divisio, ob numeros septem, vel octo characteribus constantes, multum laboris, & tædii importare solet; hinc est, quod Joannes Neperus Scotus, vir numquam satis laudandus, alios numeros pro sinibus, tangentibus, & secantibus excogitavit, & anno 1620 promulgavit, quorum ope sola additio præstat omne, id, quod præstare solebat multiplicatio, & subtractio idem efficit, quod divisio. Tales numeri vocantur *Logarithmi*, quorum naturam, proprietates, & usum hic brevissime explicamus.

## L E M M A T A.

**I.** IN progressionem Arithmetica quatuor terminorum summa duorum extremorum æquatur mediolorum summa. Sint quatuor termini dati 1, 2, 3, 4; erit  $4 + 1 = 2 + 3$ .

COROLL. I. Hinc ut habeatur quartus Arithmetice proportionalis, ex summa secundi, & tertii termini aufertur terminus primus, residuum dat quartum Arithmetice proportionalem quæsitum.

Q<sup>a</sup>

II. In

II. In progressionē Arithmetica trium terminorum, summa duorum extremorum æquatur duplo termini medii. Dati sint 2, 5, 8, erit  $2 + 8 = 10$ .

COROLL. I. Hinc datis duobus terminis Arithmetice proportionalibus, ut habeatur tertius, ex duplo secundi aufertur primus. Sic  $10 - 2 = 8$ .

COROLL. II. Inter duos datos numeros medius Arithmetice proportionalis habetur, si accipiatur eorum summæ semissis. Sint dati 2 & 8, eorum summæ semissis 5 est medius Arithmetice proportionalis, ut patet.

## PROPOSITIO I.

*De natura Log-morum, eorumque inventionē.*

**L**og-mi sunt numeri Arithmetice proportionales ad-juncti, seu respondentēs numeris Geometricæ proportionalibus: vel sunt numeri, qui Arithmeticam, ubi ii, quorum isti sunt Log-mi, Geometricam servant proportionem. Ut si concipiatur series quæcunque numerorum Geometricæ proportionalium, ut in *A*, cui respondeat alia series numerorum Arithmetice proportionalium *B*, vel *C*, vel *D*, qui crescant ut in *B*, & *C*, vel decrescant, ut in *D*; omnes hi numeri *B*, *C*, *D* dicuntur Log-mi numerorum in *A* existentium.





A	B	C	D	M	N
1	1	3	100	1	0.0000000
2	2	5	90	10	1.0000000
4	3	7	80	100	2.0000000
8	4	9	70	1000	3.0000000
16	5	11	60	10000	4.0000000
32	6	13	50	100000	5.0000000
64	7	15	40	1000000	6.0000000
128	8	17	30	10000000	7.0000000
256	9	19	20	100000000	8.0000000
512	10	21	10	1000000000	9.0000000
1024	11	23	0	10000000000	10.0000000

Quamvis autem Log-morum species possit assumi ad libitum, ut diximus, præstantissima tamen, & commodissima est illa, quæ cyphram, seu 0 ponit pro Log-mo unitatis, & unitatem cum aliquibus cyphris, nempe octo, vel septem pro Log-mo numeri denarii, ut vides in *M* & *N*. Adduntur numeris in progressionem Arithmetica præcedentibus, seu Log-mis illæ cyphræ, ut Log-mi magis exacti habeantur, ut dicitur in Trigonometria de sinu toto respectu sinuum, tangentium, & secantium, utque calculus facilius evadat.

COROLL. I. Ex eo quod Log-mus unitatis sit 0, sequitur Log-mum numeri, qui sit minor unitate, ut sunt fractiones, minorem esse quam 0, qui proinde dicitur Log-mus *defectivus*, & designatur nota —

COROLL. II. Omnes Log-mi numerorum ab 1 ad 10 exclusive habent 0 pro prima nota: qui sunt inter 10, & 100 habent pro primo numero 1; qui vero sunt in-

ter

ter

ter 100, & 1000 habent pro primo termino numerum 2, qui inter 1000, & 10000 habent 3 pro primo termino, & sic deinceps. Hi numeri initiales 1, 2, 3, 4, 5 &c. dicuntur *characteristici*, sive *indicativi*: nam indicant quot figuris constat numerus absolutus, cujus est Log-mus, & puncto ab aliis separantur.

COROLL. III. Characteristica semper unitate minor est numero figurarum numeri absoluti. Hinc dato quovis numero absoluto v. g. 82050 quinque figurarum, statim intelligitur ejus Log-mo deberi 4 pro characteristica, & sic de aliis.

## PROPOSITIO II.

*Si Log-mus unitatis sit 0, erit Log-mus facti æqualis aggregato ex Log-mis factorum.*

**S**It factum 24, cujus factores sunt 4 & 6, erunt quatuor termini Geometrice proportionales, ex *Defin. multiplicat.*, 1. 4. :: 6. 24, eorumque Log-mi erunt in proportionem Arithmetica, ex *Propos. 1.* Sed Log-mi extremorum 1, 24, æquantur Log-mis 4, 6, *per lem. 1.* Log-mus autem unitatis ex hypothese est 0; ergo si Log-mus unitatis sit 0, Log-mus facti æquatur summæ ex Log-mis efficientium 4, & 6. Quod erat &c.

COROLL. I. Hinc sequitur, Log-mum numeri compositi plani, seu solidi æqualem esse aggregato ex Log-mis laterum tale planum, vel solidum efficientium. Sic Log-mus 72 æquatur summæ Log-morum 3 & 24, aut 6 & 12, aut 8 & 9, vel 3, 4 & 6, vel etiam 2, 3 & 12, ex quibus omnibus confurgit numerus 72. Co-

COROLL. II. Sequitur etiam, Log-mum numeri quadrati duplum esse Log-mi ejus radice, & Log-mum cubi triplum Log-mi suæ radice: nam factores quadrati, & cubi sunt idem numerus bis, vel ter sumptus.

COROLL. III. Si Log-mum dignitatis cujuscunque  $x^2, x^3, x^4$  &c. dividas per exponentem talis dignitatis, nempe per 2, vel 3, vel 4 &c. habebis Log-mum radice ejusdem dignitatis. Contra si Log-mum datæ radice multiplices per exponentem alicujus dignitatis habebis Log-mum ejusdem dignitatis. Sit  $x^3 = 8$ , ejusque Log-mus ex tabulis 0.9030900: divide per exponentem 3 hunc Log-mum, quotus 0.3010300 erit Log-mus respondens radice 2; si vero Log-mum 0.3010300 multiplices per exponentem 3, habebis 0.9030900 Log-mum dignitatis  $x^3$ , seu cubi 8.

### PROPOSITIO III.

*Si Log-mus unitatis est 0, differentia Log-morum duorum numerorum æquatur Log-mo quoti earundem numerorum.*

**S**int duo numeri 24 & 6, & differentia eorum Log-morum sit 0.6020600, dico hanc esse Log-mum quoti eorundem, nempe 4. Nam cum sit divisor ad dividendum, ex *Defn. divis.*, ut unitas ad quotum, erunt quatuor termini Geometrice proportionales 6.24 :: 1.4 eorumque Log-mi in proportionem Arithmetica; ergo, per *lemm. 1. hujus*, Log-mi numerorum 24, & 1 æquantur

tur Log-mis extremorum 4 & 6; sed ex hypothesi Log-mus unitatis est 0, ergo si ex Log-mo numeri 24 auferatur Log-mus divisoris 6, Log-mus residuus, seu differentia Log-morum 24 & 6, erit æqualis Log-mo quoti, nempe 0.6020600, qui respondet numero 4, nempe quoto. Quod &c.

COROLL. Hinc habetur, summam Log-morum divisoris, & quoti æqualem esse Log-mo dividendi.

## PROPOSITIO IV.

*Numeri cujuscunque Log-mum invenire.*

**I**Nveniendus sit Log-mus numeri 7. Statuatur progressio Geometrica 1, 10, 100, 1000 &c. & assignantur Log-mi his terminis respondentes 0.0000000, 1.0000000, 2.0000000, 3.0000000 &c. eo modo, quo dictum est in *Propos. 1. hujus*. Deinde unitatem *A*, & denarium *B* auge tot cyphris, quot placuerit, ut 7, 8, 9 &c. (hic cyphræ 6 adduntur) & inter *A* & *B* inveniatur medius proportionalis Geometricus *C*, per *Prop. 11. Cap. 5. Arithm.* erit hic minor numero septenario, qui etiam intelligi debet auctus tot cyphris, quot aucta fuit unitas, nempe sex. Inveniatur ergo inter *C* mi-

A	1.000000	0.0000000
C	3.162278	0.5000000
B	10.000000	1.0000000
C	3.162278	0.5000000
D	5.623413	0.7500000
B	10.000000	1.0000000
D	5.623413	0.7500000
E	7.498942	0.8750000
B	10.000000	1.0000000

norem

norem, & *B* majorem alius Geometricæ proportionalis *D*, per Propof. cit., qui pariter cum sit minor, quam 7.000000, poterit inter ipsum *D* minorem, & *B* majorem inveniri medius Geometricæ proportionalis *E*, nempe 7.498942, qui major est ipso 7.000000; ideoque inter ipsum *E*, & proxime minorem *D* invenitur medius Geometricæ proportionalis *F*, qui minor est ipso *E*; proinde inter *F* & *E* inveniri potest medius *G*, qui adhuc minor est ipso *E*. Atque eadem ratione inquirendo inter proxime majorem, & proxime minorem, inveniuntur medii Geometricæ proportionales *H*, *I*, *K*, *L*, *M*, *N* &c. donec tandem occurrat medius proportionalis *Z* = 7.000000, qui nullo penitus excessu, vel defectu differt ab ipso numero septenario.

Deinde sicuti inter *A* & *B*

D	5.623413	0.7500000
F	6.493816	0.8125000
E	7.498942	0.8750000
F	6.493816	0.8125000
G	6.978306	0.8437500
E	7.498942	0.8750000
G	6.978306	0.8437500
H	7.233942	0.8593750
E	7.498942	0.8750000
G	6.978306	0.8437500
I	7.104974	0.8515625
H	7.233942	0.8593750
G	6.978306	0.8437500
K	7.041355	0.8476562
I	7.104974	0.8515625
G	6.978306	0.8437500
L	7.009760	0.8457031
K	7.041355	0.8476562
G	6.978306	0.8437500
M	6.994015	0.8447266
L	7.009760	0.8457031
M	6.994015	0.8447266
N	7.001883	0.8452148
L	7.009760	0.8457031
M	6.994015	0.8447266
O	6.997936	0.8449707
N	7.001883	0.8452148

R

in-

inventus fuit medius Geometricæ proportionalis C, sic inter eorum Log-mos inveniaturs medius Arithmetice proportionalis, *per Coroll. 2. lemm. 2.*, nempe 0.5000000. Erit hic Log-us ipsius numeri C. Eodem modo reperiri debent omnes alii Log-mi mediis Geometricæ proportionalibus D, E, F, G &c. respondentes: quo facto habebis Log-mum numeri dati 7, nimirum 0.8450980.

COROLL. Hac methodo inveniuntur Log-mi numerorum primorum 2, 3, 5, 7, 11, 13, 17, 19 &c. Suppetunt tamen modi, quibus tantus labor imminuitur. Nam invento Log-mo numeri v.g. 9, si hunc divides, semisistis dat Log-mum numeri 3, *per Coroll. 2 & 3. Propos. 2. hujus*. Item invento Log-o numeri 6, habetur Log-us numeri 2, nam si divides 6 per 3, quotus est 2; subtrahito igitur Log-o numeri 3

O	6.997936	0.8449707
P	6.999915	0.8450928
N	7.001883	0.8452148
P	6.999915	0.8450928
Q	7.000899	0.8451538
N	7.001883	0.8452148
P	6.999915	0.8450928
R	7.000407	0.8451233
Q	7.000899	0.8451538
P	6.999915	0.8450928
S	7.000161	0.8451080
R	7.000407	0.8451233
P	6.999915	0.8450928
T	7.000038	0.8451004
S	7.000161	0.8451080
P	6.999915	0.8450928
V	6.999977	0.8450966
T	7.000038	0.8451004
V	6.999977	0.8450966
X	7.000007	0.8450985
T	7.000038	0.8451004
V	6.999977	0.8450966
Y	6.999992	0.8450975
X	7.000007	0.8450985
Y	6.999992	0.8450975
Z	7.000000	0.8450980
X	7.000007	0.8450985

a Log-o

a Log-o numeri 6, residuum dat Log-um quoti 2, *per Prop. 3. hujus*. Paritèr subtrahendo Log-um numeri 2 modo inventum a Log-o numeri 10, habetur Log-us quoti 5, *per Prop. 3. cit.*, & sic proportionaliter de aliis.

COROLL. Inventis Log-mis numerorum primorum, facile habentur Log-mi numerorum compositorum. Nam si Log-um binarii duplex, triples, quadruples &c. habebis Log-mos totius seriei 2, 4, 8, 16, 32 &c. si idem facias cum Log-mo ternarii, habebis seriem Log-morum pro numeris 3, 9, 27, 81, 243 &c. Immo cum omnis numerus compositus oriatur ex multiplicatione numerorum primorum, quorum Log-mi supponuntur jam cogniti, si addas eorum Log-mos, habebis Log-os omnium numerorum compositorum, *per Prop. 2. hujus*. Hinc omnes numeri in ratione decupla eundem habent Log-um, præter characteristicam, ut vides in A & B.

A		B	
1	0.0000000	3	0.4771212
10	1.0000000	30	1.4771212
100	2.0000000	300	2.4771212
1000	3.0000000	3000	3.4771212

SCHOL. Canonem Log-morum pro numeris naturalibus, seu absolutis ab 1 usque ad 20000, & a 90000 usque ad 100000 primus construxit Henricus Briggsius Anglus in Academia Oxoniensi ex consilio Jo: Neperi primi horum inventoris. Lacunam inter 20000, & 90000 mox implevit Adrianus Ulaeq. In tabellis tamen vulgaribus habetur tantum canon Log-morum pro numeris ab 1 usque ad 10000.

## P R O P O S I T I O . V .

*Multiplicare duos numeros, qui minores sint  
quam 10000.*

**S**int multiplicandi inter se duo numeri 144, & 64,  
quorum Log-i ex tabulis 2.1583625, & 1.8061800,  
quæritur factum. Adde simul duos Log-os inventos, sum-  
ma dabit Log-mum 3.9645425, cui in tabulis respondet  
numerus 9216 pro facto duorum numerorum 144, & 64.

*Demonstr. patet ex Prop. 2. hujus.*

**SCHOL.** Si summa duorum Logarithmerum superet  
4.0000000, qui est maximus communium tabularum,  
Log-mus, operandum erit, ut inferius docebimus.

## P R O P O S I T I O . VI.

*Numerum integrum minorem, quam 10000  
per alium dividere.*

**S**IT numerus dividendus 9216, cujus Log-mus ex  
tabulis est 3.9645425. Divisor sit 64, cujus Log-  
mus est 1.8061800, quæritur quotus. E Log-mo divi-  
dendi subtrahere Log-mum divisoris, Log-mus residuus,  
nempe 2.1583625, in tabulis quæsitus dat quotum 144.

*Demonstr. patet ex Prop. 3. hujus.*

**SCHOL.** Cum Log-mus ille residuus non invenitur in  
tabulis præcise, signum est, quoto minutiam aliquam  
adherere, quæ quanta sit, reperietur, ut mox doce-  
bimus.

PRO-



## PROPOSITIO VII.

*Datis tribus numeris quartum proportionalem invenire.*

**S**int dati tres numeri 4, 68, & 3, quæritur quartus proportionalis. Log-mus secundi addatur Log-mo tertii, & a summa subtrahatur Log-mus primi. Log-us residuus dat in tabulis numerum quæsitum.

*Demonstr. patet ex lemm. 1.*

## PROPOSITIO VIII.

*Invenire Log-mum pro numeris majoribus, quam in canone continentur, sed numerum 10,000,000 non excedentibus.*

**S**IT numerus datus 923754, cujus Log-mus quæritur.

1. Quære ex tabulis Log-mum quatuor primarum figurarum 9237, & ex residuis figuris fiat fractio, cujus denominator erit 1, cum tot cyphris, quot sunt ipsa figura residua, nempe  $\frac{54}{10000}$ .

2. Log-mus jam inventus subtrahatur a Log-mo proxime sequenti, nempe a Log-mo numeri 9238

*Num. 9238, Log. 3.9655779*

*Num. 9237, Log. 3.9655309*

*Diff. Log. — 470*

3. Dic

3. Dic jam per regulam Proportionum, ut fractionis denominator 100 ad numeratorem 54, ita differentia Log-morum 470 ad quartum proportionalem 253  $\frac{80}{100}$ .

4. Adde 253 ( fractio negligi potest ) Log-mo primum invento, fiet Log-mus 3.9655562.

5. Tandem characteristica tot unitatibus augeatur, quot sunt cyphræ in divisore ( ut hic 2 ) erit Log-mus quæsitus 5.9655562.

*Demonstr.* Certum est, quod si numerus 9237 crederet integra unitate, ejus Log-mus augeri deberet partibus 470, qualis est differentia duorum Log-orum se integra unitate superantium: sed crescit tantum  $\frac{14}{100}$ , nam divisus per 100, quotus est 9237  $\frac{14}{100}$ ; ergo per regulam proportionum inquirendum est, quantum augeri debeat Log-mus ejusdem numeri 9237 ratione earum partium  $\frac{14}{100}$ , quæ quidem minus sunt, quam integra unitas, seu  $\frac{100}{100}$ . Instituta itaque regula proportionum, invenitur Logarithmum primo inventum, nempe 3.9655309, augendum esse partibus 253, fitque Log-mus 3.9655562 pro numero 9237  $\frac{14}{100}$ .

Demum characteristica 3 augeri debet tot unitatibus, quot cyphræ fuerunt in divisore ( ut hic 2 ) ob divisorem 100. Nam numerus datus cum divisus sit per 100, est numerus quotus: sed *per Coroll. Prop. 3. hujus*, summa Log-morum divisoris, & quoti æqualis est Log-mo dividendi; ergo ut habeatur Log-us dividendi 923754, addi debet Log-o quoti 3.9655562 Log-us divisoris 100, nempe 2.0000000, quod, ut compendiosius fiat, satis est augere characteristicam duabus unitatibus, ut patet.

COROLL. Si daretur numerus major, quam 10,000,000 (quod

(quod in praxi vix contingit) hæc regula non sufficeret. Nam crescentibus numeris absolutis, differentiæ Log-morum decreſcunt, ita ut tandem evaneſcant, & fiant omnino æquales ipſi Log-mi. Sic numeri 2656385774, & 2656385775, qui unitate differunt, habent eundem omnino Log-mum 9.4242911, ut ex tabulis majoribus Brigii apparet. Ideoque inſtitui non poſſet regula proportionum, cum deſit differentia Log-morum.

COROLL. Si numeri maximi non valde differunt, eorum Log mi ſupputati ad denarii Log-mum 1.0000000, ut in tabulis communibus factum eſt, ſunt inter ſe æquales. Quapropter ſi daretur numerus quindecim, aut viginti figurarum, vel amplius, ſufficeret pro ejus Log-mo ſumere Log-um primarum decem figurarum, quod notaſſe valde utile erit.

SCHOL. Si numerus datus dividi poteſt per quosunque numeros, ita ut nihil remaneat, & fiat minor quam 10000, ſumma Log-morum diviſoris, & quoti dat Log-mum numeri dati. Sit numerus datus 12456, divide per 3, fit 4152, adde ſimul Log-mos numeri 3, nempe 0.4771212, & Log-mum numeri 4152, nempe 3.6182573, ſumma 4.0953785 dat Log-mum dati numeri.

Similiter fit numerus datus 98796, divide per 2 fit 49398, & hunc iterum per 2 fit 24699, & hunc per 3 fit 8233, qui minor eſt quam 10000; adde ſimul Log-os omnium diviſorum 2, 2, 3, ſeu (idem enim eſt) per Coroll. 1. Propoſ. 2. hujus, ſumme Log-mum numeri ſolidi compoſiti ex 2, 2, 3, ideſt 12, qui eſt 1.0791812, cui adde Log-mum ultimi quoti, nempe 8233, qui eſt 3.9155581: ſumma 4.9947393 eſt Log-mus dati numeri 98796.

PRO-

## PROPOSITIO IX.

*Data fractionis Log-mum invenire.*

1. **S**ubtrahe Log-um numeratoris e Log-mo denominatoris, & residuo Log-mo præpone signum subtractionis. Sit inveniendus Log-mus fractionis  $\frac{2}{3}$ .

$$\text{Log. } 5. = 0.6989700$$

$$\text{Log. } 2. = 0.3010300$$

---


$$\text{Log. } \frac{2}{3} = -0.3979400$$

2. Si fractionis datæ numerator sit major denominatore, ut  $\frac{9}{5}$  subtrahe Log-mum denominatoris a Log-mo numeratoris; residuum dat Log-mum quæsitum.

$$\text{Log. } 9. = 0.9542425$$

$$\text{Log. } 5. = 0.6989700$$

---


$$\text{Log. } \frac{9}{5} = 0.2552725$$

3. Si vero fractio data integris adhæreat, integra reducantur in unam fractionem, & eodem modo habebitur Log-mus, ut  $3\frac{2}{7}$  fiant.  $\frac{23}{7}$  erit.

$$\text{Log. } 23 = 1.3617278$$

$$\text{Log. } 7 = 0.8450980$$

---


$$\text{Log. } 3\frac{2}{7} = 0.5166298$$

Simi-

Similiter quæritur Log-mus numeri  $354\frac{1}{4}$ , reduc numerum datum ad fractionem, erit  $\frac{1419}{4}$ ; & aufer Log-mum numeri 4 ex Log-mo numeri 1419, proveniet Log-mus quæsitus.

$$\text{Log. } 1419 = 3.1519824$$

$$\text{Log. } 4 = 0.6020600$$

$$\text{Log. } \frac{1419}{4} = 2.5499224$$

Ratio regulæ est, quia cum fractio sit quotus proveniens ex divisione numeratoris per denominatorem, Log-mus talis quoti est æqualis, *per Propos. 3. hujus*. differentia Log-morum divisoris, & dividendi, idest numeratoris, & denominatoris; ideoque ubi numerator minor est denominatore, ac proinde per eum dividi non potest, Log-mus major e minori subtrahendus est: quo in casu differentia evadit negativa, & præponitur Log-mis signum negativum —. Quod &c.

Log-mus integri cum fracto potest etiam haberi sic. Sit numerus datus  $3560\frac{1}{4}$ , sume differentiam Log-morum numeri 3560, & numeri 3561 proxime sequentis, cujus prioris numeri Log-mus est 3.5514500; secundi numeri est 3.5515720, differentia erit 1220. Dico jam per regulam proportionum, ut 4 ad 3, ita 1220 ad 915. Adde 915 Log-mo numeri 3560, nempe 3.5514500, habebis Log-mum integri cum fractione, sc. 3.5515415. Quod &c.



S

PRO-

## PROPOSITIO X.

*Dato Log-mo, qui in tabulis accurate non existit, invenire numerum ei respondentem.*

**S**I characteristica dati Log-mi sit 0, 1, vel 2, mutetur in 3, & quaratur inter 1000, & 10000 Log-us, qui sit proxime minor Log-mo dato, habebitur numerus quaesitus, tot fractiones decimales adjunctas habens, quot unitates characteristicae accesserunt.

Sit datus Log-us 1.9201662, qui non reperitur exacte in tabulis, characteristica 1 fiat 3, erit 3.9201662. Quare hunc inter 1000, & 10000, invenies numerum 8320 respondentem Log-mo 3.9201233, qui est proxime minor Log-mo dato, ut patet. Numerus ergo quaesitus erit  $83 \frac{40}{1000}$ , ob duas videlicet unitates, quibus aucta fuit characteristica.

Si Log-mus datus habeat characteristicam 3, & non reperiat in tabulis, ut Log-us 3.5163954, erit haec regula.

1. Sume numerum 3283 respondentem Log-mo 3.5162709, qui est proxime minor Log-mo dato.

2. Subtrahe hunc Logarithmum a proxime sequenti 3.5164031, & fiet differentia prima 1322.

3. Idem Log-mus proxime minor Log-mo dato auferatur ab ipsomet Log-mo dato, erit secunda differentia 1245.

4. Fiat ut prima differentia 1322 ad secundam 1245, ita denominator futurae fractionis ad libitum assumptus 100,

100, 1000 &c. ad quartum proportionalem, qui erit numerator fractionis, nempe 94, erit ergo numerus quæsitus Log-mi dati  $3283 \frac{94}{100}$ .

*Demonstr.* Eodem fere modo, quo *Prop. 8. hujus*. Nam differentia Log-morum prima est differentia unitatis, quæ ita se habet ad differentiam secundam, Log-mi scilicet dati, & proxime minoris, ut 100 ad quartum proportionalem 94. Sed nota, quod ideo inquiritur Log-mus datus inter 1000, & 10000, quia, ut diximus, ibi Log-morum differentia sunt minores, ac proinde, quæ capienda est pars proportionalis, ibi exactior habetur.

*SCHOL.* Ubi tamen in minimis scrupulosi non sumus, ad proximum satis est sumere numerum respondentem Log-mo proxime minori, & fractiones ejusmodi negligere.

## PROPOSITIO XI.

*Dato Log-mo defectivo, numerum ei respondentem invenire.*

**S**IT datus Log-mus defectivus — 0.2218488, quæritur, quæ fractio ei respondeat,

1. Sume quemlibet denominatorem 100, vel 1000, vel 10000, e cujus Log-mo 2.0000000, vel 3.0000000, vel 4.0000000 subtrahe datum Log-mum defectivum.

2. Quære in tabulis numerum respondentem Log-mo residuo 2.7781512, qui dat 600 pro numeratore quæsitæ fractionis; habes ergo  $\frac{600}{1000}$ , seu  $\frac{3}{5}$ .

S 2

Log.

$$\text{Log. num. } 1000 = 3.0000000$$

$$\text{Log. def.} = -0.2218488$$

$$\text{Log. res.} = 2.7781512, \text{ qui dat } 600.$$

$$\text{Est ergo } \frac{600}{1000}, \text{ seu } \frac{3}{5}.$$

Similiter sit Log-mus defectivus  $-0.3679767$ , quem subtrahe ex  $4.0000000$ , residuum  $3.6320233$  in tabulis quaesitum dat  $4825$  pro numeratore fractionis. Habes ergo  $\frac{4825}{10000}$ .

$$\text{Log. num. } 10000 = 4.0000000$$

$$\text{Log. def.} = -0.3679767$$

$$\text{Log. resid.} = 3.6320233, \text{ qui dat } 4825 \text{ proxime}$$

$$\text{Est ergo } \frac{4825}{10000} = \frac{857}{2000}.$$

*Demonstr. ut Propos. 9.*

## PROPOSITIO XII.

*Dato Log-mo excedente Log-mum  $4.0000000$  numerum ei congruum invenire.*

1. **A** Dato Log-mo auferatur Log-mus numeri  $10$ , vel  $100$ , vel  $1000$  &c. ut scilicet residuum sit proxime minus Log-mo  $4.0000000$ , qui est tabularum maximus.

2. Quaeratur ex tabulis numerus conveniens huic residuo.

3. Numerus inventus multiplicetur per  $10$ , vel  $100$ , vel  $1000$ , per eum nempe numerum, cujus Log-mus abla-



ablatus fuit a Log-mo dato, factum est numerus quæsitus.

Sit inveniendus numerus dati Log-mi 7.8372413 ex hoc aufer Log-mum numeri 10000, hoc est 4.0000000, relinquetur Log-mus 3.8372413, cui ex tabulis respondet numerus 6874 cum fractione  $\frac{5032}{10000}$ , per Propos. 10. Hunc multiplica per 10000, fit numerus quæsitus 68745032.

Log. 7.8372413

Log. 4.0000000

Log. 3.8372413, qui dat 6874  $\frac{5032}{10000}$

Duc in 10000, fit 68745032.

Similiter sit datus Log-mus 8.2718416, ex quo aufer Log-mum 4.0000000; remanet 4.2718416, qui adhuc major est, quam 4.0000000. E residuo igitur Log-mo 4.2718416 rursus aufer 1.0000000, remanet 3.2718416, cui ex tabulis respondet numerus 1870, quem multiplica per 10000, & ulterius per 10, factum 187000000 erit numerus quæsitus.

*Demonstr.* Subducere Log-mum numeri 10, 100, 1000 &c. a Log-mo dato, est idem ac numerum quæsitum dividere per 10, vel 100, vel 1000 &c. erit ergo divisor 10, vel 100 &c. ad dividendum, quem voco Z, ut unitas ad quotum; ergo per Prop. 3. hujus, differentia Log-morum divisoris, & dividendi, (hoc est in secundo exemplo Log-mus 3.2718416) æquatur Log-mo quoti, cui ex tabulis respondet numerus 1870. Cum igitur sint proportionalia 100000 ad Z, ita 1 ad 1870; duo extrema ad invicem multiplicata æqualia sunt mediis

mediis per *Prop. 16. lib. 6. Eucl.*, idest  $Z = 187000000$ .  
Quod erat &c.

*SCHOL.* Cum residuum ex divisione superat dimidium  
divisoris, additur quoto unitas. Sic in priori exemplo  
pro quoto 5031, sumitur 5032. Nam divisus 3180000  
per 632 remanet 408. Quod pro hujusmodi calculis nota.  
Quae sequuntur, Trigonometriæ doctrinam supponunt.

### PROPOSITIO XIII.

*Dati cujuscunque Sinus Log-mum invenire.*

**U**T Log-mi Sinuum accuratiores inveniantur, sup-  
ponitur Sinus constructos fuisse ad radium saltem  
1000000000, & tribus deinde ultimis notis multatos,  
quales sunt communiter in tabulis Ulacq, & aliorum.  
Sic Sinus ex. gr. grad. 5 supputatus ad Sinum totum  
1000000000 est 871557427, qui in tabulis multatus  
reperitur tantum 871557. Cum autem Sinus quilibet  
considerari debeat tanquam numerus aliquis absolutus,  
& vulgaris, Log-mi Sinuum quorumcunque habentur  
per *Prop. 8. hujus*. Sed ut facilius, & accuratior quo-  
que sit eorum inventio, necesse erit ad manum habere  
majorem Log-morum canonem, in quo numeri natu-  
rales ad plures, quam fieri potest, notas ascendant.

Log-mi autem Sinuum respicere debent Sinus ipsos  
prout primo fuerunt inventi, nimirum tribus figuris  
longiores, quam in tabulis habeantur, respectu scili-  
cet ad sinum totum 1000000000. Sinus itaque ex gr.  
grad. 5 qui in tabulis Ulacq est 871557, habet pro suo  
Log-mo 8.9402960. Pari-

Pariter grad. 61. 50 Sinus est 8815782, Log-mus vero 9.9452609. Ex characteristica enim, quæ semper unitate minor esse debet numero figurarum ipsius sinus primo inventi, facile apparet, quot notas habuerit sinus antequam multaretur.

Sit inveniendus Log-mus dati Sinus grad. 23, qui supputatus ad Sinum totum 10000000000 est 3907311284. Inveniatur ex tabulis majoribus Log-morum, numerus qui respondeat quinque notis ad sinistram, cujus Log-mus est 4.5918768. Deinde, ut docuimus in Prop. 8., inventa differentia Log-morum numeri 39073, & 39074 proxime sequentis, quæ est 111; dic ut 100000 ad 111, ita notæ residuæ dati Sinus 11284 ad quartum proportionalem, nempe 12, qui si addatur Log-mo jam invento 4.5918768, prodit Log-us quæsitus, hoc est 9.5918780, mutata characteristica 4 in 9 ob decem figuras dati Sinus, atque ita reperiuntur reliqui Sinus.

COROLL. Logarithmus Sinus totius vulgo ponitur 10.0000000, ex quo si Log-mus aliquis auferatur, residuum dicitur *complementum Arithmeticum*, ut si ex ipso Sinu toto 10.0000000 auferatur Log-mus Sinus grad. 23, nempe 9.5918780, residuum 0.4081220 dicitur complementum Arithmeticum ejusdem Sinus.

## PROPOSITIO XIV.

*Invenire Log-mum Tangentium, & Secantium  
dati arcus.*

**T**angentium, & Secantium Log-mi inveniri possunt eodem modo, quo Log-mi Sinuum, sed compendiosius habentur sic: Su-

Sume Log-mum Sinus dati arcus, quem adde Log-mo Sinus totius. A summa aufer Log-mum complementi ejusdem Sinus, qui habetur *per Prop. præc.*, residuus erit Log-mus Tangentis quæsitus. Inveniendus sit Log-mus Tangentis grad. 23.

$$\text{Adde Log. sin. } 23 = 9.5918780$$

$$\text{Log. sin. tot.} = 10.0000000$$

---


$$\text{Summa } 19.5918780$$

$$\text{Log. complem. } 9.9640261$$

---


$$\text{Tangen. Log. } 9.6278519$$

*Demonstr.* patet ex *Prob. 6.* Trigonometriæ Tacquet, in qua ostensum fuit, ita se habere Sinum complementi arcus dati ad Sinum ejusdem arcus, ut Sinus totus ad Tangentem quæsitam: quæ ut inveniatur, additur secundus, & tertius terminus, & a summa subtrahitur primus *per Prop. 7. hujus.*

At pro inveniendis Secantibus dati arcus, dupla Log-mum Sinus totius, & ex duplo aufer Sinum complementi ejusdem arcus, residuum dat Log-mum Secantis quæsitæ. Quæritur Log-mus Secantis pro arcu grad. 23.

$$\text{Log. sin. tot.} = 10.0000000$$

2

---


$$\text{Ejus duplum} = 20.0000000$$

$$\text{Log. sin. compl.} = 9.9640261$$

---


$$\text{Secan. Log.} = 10.0359739$$

De

*Demonſtr. ex Prob. 6. cit. deducitur.* Nam ſunt tres termini proportionales, Sinus complementi arcus dati grad. 23, Sinus totus, & Secans quæſita, ut ibi oſtenditur. Ut ergo habeatur tertius Arithmetice proportionalis, illis reſpondens, hoc eſt Log-mus Secantis, ex duplo ſecundi termini aufertur primus, *per Cor. 1. lemm. 2.*

COROLL. I. Si in Tab. non reperitur exacte Log-mus alicujus Sinus, Tangentis, vel Secantis, ſignum eſt, illud præter minuta prima, continere etiam ſecunda, quæ ſi quis indagare voluerit, operabitur eo modo, quo docuimus in *Prop. 10.* pro inveniendis fractionibus. Quod ſi ea diligentia opus non ſit, ſatis erit ſumere gradus cum minutis primis, quæ Log-o proxime minori reſpondent.

COROLL. II. In Tab. Ulacq. Log-mi Sinuum non habent Characteriſticam majorem, quam 9. Proinde ſi, calculo abſoluto, ex Log-morum additione reſultet Characteriſtica major 9, ex. gr. 10, 12, 25 &c. tunc figura prima a ſiniſtris abjicitur, ſitque Characteriſtica 0, 2, 5 &c.

COROLL. III. Idem ſit pro Log-morum Tangentibus, quæ gr. 45 minores ſunt. A gradibus vero 45 uſque ad 90 Log-morum Tangentes non habent Characteriſticam majorem 13. Idcirco ſi, poſt additionem factam, Characteriſtica duabus conſtet figuris, tunc vel ſecunda, figura excedit 3, & in hoc caſu abjicitur prima, ſive ſit unitas, ſive binarius, ut in *A*; vel non excedit, & tunc retinetur unica unitas in figura prima, ut in *B* patet.

<i>A</i>		<i>B</i>	
<i>Tang. Log.</i> 24. 6040812		<i>Tang. Log.</i> 21. 2162581	
<i>fit</i> 4. 6040812		<i>fit</i> 11. 2162581	
<i>T</i>		<i>SCHOL.</i>	

SCHOL. I. Regula Trium etiam per solam Log-morum additionem potest absolvi, si sumatur prioris termini complementum Arithmeticum, per Cor. Prop. 13, & ad duas reliquos addatur. Dati sint tres numeri proportionales 4, 60, 25, queritur quartus. Prioris numeri 4 complementum Arithmeticum est 9.3979400, addatur ad Log-os duorum numerorum 60 & 25, summa dabit Log-um quæsitum.

Num. 4 Compl. Arithm. 9.3979400

Num. 60 Log. 1.7781512

Num. 25 Log. 1.3979400

Summa 12.5740312

Fit (per Car. 2.) 2.5740312, dat in Tab. 375.

SCHOL. II. Si Sinus totus sit primus, vel unus ex terminis regulæ Trium, potest omitti: nam in primo casu est 0; & in secundo addit unitatem mox delendam.

SCHOL. III. Log-mi Sinuum vocantur absolute Log-mi, sed Log-mi Tangentium peculiari nomine Mesologarithmi, & Log-mi Secantium Tomologarithmi. In tabulis inventi non solent Tomolog-mi, vel quia facile ex Log-mis Sinuum erui possunt, ut vidimus, vel quia sine ipsis calculus bene potest institui. Similiter Sinus complementi alicujus arcus dicitur etiam Sinus secundus, & ab aliis Cofinus. Tangens, & Secans complementi dicantur Tangens, & Secans secunda, vel Cotangens, & Cosecans: quæ nomina si ignorentur, auctores Trigonometrici difficile intelliguntur.

SCHOL. IV. Log-morum usus patet in omnem fere Mathematicam. Nos pauca hic Problemata delibabimus. Plura videri possunt apud Ulacq, Cavalerium, & alios.

PROBL.

## P R O B L. I.

*Dati numeri quadratum, vel cubum per Log-mos  
invenire.*

1. **D**atus sit numerus v. g. 18, cujus quadratum  
quæritur. Duplica numeri dati Log-mum,  
summa dabit Log-mum quadrati quæsitum.

*Num. 18, Log. 1. 2552725*

*1. 2552725*

*Summa 2. 5105450, dat in Tab. quadr. 324*

2. Pro inveniendò ejusdem numeri 18 cubo, sume  
ter, seu multiplica per 3 Log-mum ipsius numeri, pro-  
ductum dabit Log-mum cubi quæsitum.

*Num. 18, Log. 1. 2552725*

*3*

*3. 7658175, dat in Tab. cubum 5832*

**COROLL.** Hinc apparet ratio, cur ad extrahendam  
ex quocunque dato numero radicem quadratam, vel  
cubicam, accipiatur ex Log-mo numeri dati dimidium  
pro radice quadrata, aut tertia pars pro radice cubica;  
cum quadratum ex Log-mo bis sumpto, cubus vero ex  
Log-mo ter sumpto prodeat. Item quarta, quinta &c.  
pars Log-mi dat Log-mum pro altioribus radicibus in-  
veniendis.

**T 2 . . . PROBL.**

## PROBL. II.

*Inter duos numeros datos invenire quotcunque  
medios proportionales.*

1. **I**nveniendus sit medius proportionalis inter 20, & 320. Adde eorum Log-os, dimidiæ summæ Log-mus dat medium proportionalem quæsitum 80.

*Num. 20, Log. 1.3010300*

*Num. 320, Log. 2.5051500*

*Summæ Log. 3.8061800*

*Dimidium Log. 1.9030900, dat in Tab. 80.*

*Est autem  $\div$  20, 80, 320.*

2. Inveniendi sint inter duos numeros datos duo, vel tres, vel quatuor, aut plures medii proportionales, regula generalis est: aufer Log-mum numeri minoris ex Log-mo numeri majoris, & hujus residui tertiam partem, si duo medii quærantur; vel quartam, si tres; vel quintam, si quatuor, adde Log-mo numeri minoris, summæ Log-mus dabit in Tab. medium proportionalem, qui proxime consequitur numerum datum minorem.

3. Ut habeantur medii proportionales reliqui, adde summæ præcedenti eandem tertiam, vel quartam, vel quintam Log-mi partem, summa dabit in Tab. reliquos medios proportionales quæsitos, ut exempla, quæ sequuntur, rem satis illustrant. Signa + & — additionem, & subtractionem indicant. *Q* vero Log-mum, quoti addendum. 2. In-



2. Inveniri oporteat duos medios proportionales inter numeros datos 15 & 120.

Num. 120, Log. 2.0791812

Num. 15, Log. — 1.1760913

Resid. 0.9030899

Divid. per 3, dat Q. 0.3010299

Num. 15, Log. + 1.1760913

Summa Log. 1.4771212, dat in Tab. 30.

Q. Log. + 0.3010299

Summa Log. 1.7781511, dat in Tab. 60.

Sunt ergo  $\div$  15, 30, 60, 120, ut patet.

3. Quærentur inter numeros 20, & 1620 tres medii proportionales.

Num. 1620, Log. 3.2095150

Num. 20, Log. — 1.3010300

Resid. 1.9084850

Divid. per 4, dat Q. 0.4771212

Adde num. 20 Log. + 1.3010300

Summa Log. 1.7781512, dat in Tab. 60.

Q. Log. + 0.4771212

Summa Log. 2.2552724, dat in Tab. 180.

Q. Log. + 0.4771212

Summa Log. 2.7323936, dat in Tab. 540.

Sunt ergo in continua proportione  $\div$  20, 60, 180, 540, 1620.

SCHOL.

SCHOL. *Hæc sane pulcherrima Log-morum præxis ob sui facilitatem, & brevitatem mihi tantè esse videtur, ut, propter banc unam, Log-morum doctrinam addiscendam esse putem. Unum aliquem ejus usum ex innumeris, qui afferri possent, indicabimus in sequenti Propos. num. 5.*

### PROBL. III.

*Quæstiones aliquot Arithmetice per Log-mos expediuntur.*

1. **D**Antur fœnori scuta 500, & ex singulis 100 lucrum est scutorum 5, quæritur quot annis ea fors duplicabitur.

Ex Log-o numeri 100 subtrahe Log-mum numeri 5, Log-mus residuus in Tab. dat annos quæsitos.

Num. 100, Log. 2.0000000

Num. 5, Log. 0.6989700

Log. resid. 1.3010300, dat in Tab. 20.

Quod quidem manifestum est: nam si scuta 100 anno 1 dant 5, scuta 500 annis 20 dant 500 per regulam proportionum compositam ex *Prop. 2. Cap. 5. Arithm.*

COROLL. Si tempus, quo fors illa duplicatur, ut supra inventum, divides per 2, per 4, vel 5 &c. habebis tempus, quo sortis ejusdem dimidium, seu quarta, vel quinta pars obtinetur, Sic dividendo annos 20 per 5, quotus 4 dat tempus, quod requiritur ad lu-  
cran-

crandam ejusdem sortis quartam partem scuta 125, ut patet.

2. Accepit Cajus aureos 500 cum usura aureorum 10 ex singulis 100 in annum ea lege, ut nisi solvat singulis annis fiat ex fœnore auctio sortis. Nihil fuit solutum toto triennio. Quæritur quantum debeat, ut propositum fuit in *Prop. 13. Arithm. n. 5.*

Cum hic 100 fiat 110, erit proportio sortis ad sortem una cum fœnore  $\frac{11}{100}$ , seu  $\frac{11}{10}$ . Auferatur numeri 10 Log-mus 1.0000000 ex numeri 11 Log-mo 1.0413927, residuum, seu Log-mus 0.0413927 erit ratio sortis ad sortem una cum fœnore unius anni. Sumatur ergo hujus residui Log-mus toties, quot sunt anni (ut hic ter) eique addatur sortis 500 Log-mus 2.6989700; summæ Log-mus 2.8231481 in Tab. quæsitus dabit pro sorte, & usura ejus triennii aureos 665 cum dimidio circiter ut in *Propos. cit.* fuit inventum.

Num.  $\frac{11}{10}$  Log. 1.0413927

Log. 1.0000000

Resid. Log. 0.0413927

Anni 3 3

Log. 0.1241781

Sortis 500 Log. 2.6989700

Summa Log. 2.8231481, dat 665  $\frac{3265}{10000}$ .

3. Pupilli alicujus bona, quæ æstimata fuerunt scutorum 1600, accepit Hortensius pacto augendi quotannis sortem ex fructibus ad rationem scutorum 5 in singu-

singula centena. Retinuit illa annis 6, mensibus 5, & diebus 10, quæritur, quantum pupillo debeat.

Cum scuta 100 fiant 105, erit proportio fortis ad sortem una cum fœnore  $\frac{105}{100}$ , seu, (dividendo per 5)  $\frac{21}{20}$ . Auferatur denominatoris 20 Log-mus 1.3010300 ex numeratoris 21 Log-mo 1.3222193, residuum 0.0211893 erit ratio fortis ad sortem una cum fœnore unius anni, qui Log-mus propter annos 6 sumi debet sexies, seu duci in 6, fitque 0.1271358.

Ut habeantur menses, ac dies, dividatur Log-mus ille residuus 0.0211893 per 12, quotus 0.0017657 dat Log-mum, quinquies sumendum pro 5 mensibus datis, nempe 0.0088285. Hic deinde divisus per  $30\frac{1}{2}$  dat Log-mum 0.000579, qui sumendus est decies pro diebus 10, fitque 0.0005790. Addatur his Log-us 3.2041200 pro sorte scutorum 1600, habetur ex horum summa, Log-mus 3.3406633, qui in Tab. quæsitus dat numerum, seu scuta 2191 pupillo ipsi ab Hortensio debita.

*Pro annis 6 Log. 0.1271358*

*Pro mens. 5 Log. 0.0088285*

*Pro diebus 10 Log. 0.0005790*

*Pro sorte 1600 Log. 3.2041200*

---

*Summa 3.3406633, dat 2191.*

4. Fingamus eundem Hortensium debere alteri summam illam scut. 1600 solvendam post annos 6, menses 5, dies 10: quam illi parata pecunia offert, siquidem scuta 5 ex singulis 100 a creditore sibi relaxentur. Quæritur quantum debeat solvere.

Hæc

Hæc quæstio eadem ratione solvitur, dummodo ex Log-mo 3.2041200 sortis 1600 auferatur summa Log-morum pro annis 6, mensibus 5, & diebus 10, ut supra inventa, nempe 0.1365433. Nam residuus Log-mus 3.0675767 in Tab. quæsitus dat summam solvendam scut. 1168.

*Pro annis 6 Log.* 0.1271358

*Pro mens. 5 Log.* 0.0088285

*Pro diebus 10 Log.* 0.0005790

---

*Summa* 0.1365433

*Scut. 1600 Log.* — 3.2041200

---

*Resid.* 3.0675767 *dat in Tab.* 1168.

5. Scuta 1000, quæ foenori data fuerant, restituuntur post annos sex una cum annuis usurarum usuris, quæ simul cum sorte conficiunt summam scut. 1340; quæritur singulorum annorum usura cum ipsa sorte, & quanta fuerit ex singulis 100 usura.

Inveniantur inter duos numeros 1000, & 1340 tot medii proportionales minus uno, quot fuerunt anni (ut hic quinque) *per Probl. 2.* Dabunt illi summas quæsitæ, hoc est sortem una cum uniuscunque anni usura. En totius operationis typus.

*Scuta 1340 Log.* 3.1271048

*Scuta 1000 Log.* — 3.0000000

---

*Resid.* 0.1271048

*Divide per 6, dat* 2. 0.0211841

V

Log-mus

Log-mus sextæ partis, quem voco  $\mathcal{Q}$ , addatur primum Log-mo sortis 1000, summa dabit Log-mum pro sorte, & usura primi anni  $A$ . Adde deinde huic summæ Log-mum ipsum  $\mathcal{Q}$ , nova summa dabit Log-mum pro sorte, & usura secundi anni  $B$ ; & sic deinceps addendo præcedenti summæ Log-mum eundem  $\mathcal{Q}$ , aggregatum dat Log-um pro sorte, & lucro annorum  $C, D, E$  &c.

$$\begin{array}{rcl} \text{Log.} & 3.0000000 & \\ \mathcal{Q}. \text{ Log.} + & \underline{0.0211841} & A \\ \text{Log.} & 3.0211841 & \text{dat sc. 1050} \end{array}$$

$$\begin{array}{rcl} \mathcal{Q}. \text{ Log.} + & \underline{0.0211841} & B \\ \text{Log.} & 3.0423682 & \text{dat sc. 1102} \end{array}$$

$$\begin{array}{rcl} \mathcal{Q}. \text{ Log.} + & \underline{0.0211841} & C \\ \text{Log.} & 3.0635523 & \text{dat sc. 1157} \end{array}$$

$$\begin{array}{rcl} \mathcal{Q}. \text{ Log.} + & \underline{0.0211841} & D \\ \text{Log.} & 3.0847364 & \text{dat sc. 1215} \end{array}$$

$$\begin{array}{rcl} \mathcal{Q}. \text{ Log.} + & \underline{0.0211841} & E \\ \text{Log.} & 3.1059205 & \text{dat sc. 1276} \end{array}$$

$$\begin{array}{rcl} \mathcal{Q}. \text{ Log.} + & \underline{0.0211841} & F \\ \text{Log.} & 3.1271046 & \text{dat sc. 1340} \end{array}$$

Inventa autem usura primi anni  $A$  una cum sorte, scutis scilicet 1050, statim innotescit quanta fuerit ex singulis

lis 100 usura. Nam si 1000 fiunt 1050, scuta 100 per regulam proportionum fiunt 105; adeoque usura fuit scut. 5 ex singulis 100, ut patet.

Ratio primæ partis deducitur ex Coroll. 13. Cap. 5. Arithm., & ex præc. Probl.

## P R O B L. IV.

*Data tormenti bellici elevatione, distantiam ictus invenire, & e converso.*

1. **E**Xperientia constat, maximum tormenti bellici ictum fieri ad elevationem anguli semirecti, seu gr. 45, reliquos vero ictus ab angulb semirecto æqualiter distantes, ut 30 & 60, 40 & 50 &c. æquales esse. Sit igitur experimento cognitum, ab eo tormento, dum ad gradus 45 elevaretur, explosum fuisse globum ad distantiam passuum 4000; quæritur, quanta futura sit distantia (eadem pyrii pulveris quantitate ac vi servata) ad datam elevationem gr. 30.

Cum angulus 45 duplicatus fiat 90, erit ut sinus totus ad sinum anguli 30 duplicati, seu 60, ita passus 4000 ad quartum proportionalem; adeoque per Schol. 1. & 2. Prop. 14.

Gr. 60, Log. 9.9375306

Pass. 4000, Log. 3.6020600

---

Summa 13. 3395906

Fit (Cor. 2. Prop. 14) 3. 5395906, dat pass. 3464.

V 2

2. Quod

2. Quod si e converso data scopi distantia, ex. gr. passuum 1500, ad quem ictus est dirigendus, quaratur in ipsomet tormento elevationis angulus; fiat ut distantia maximi ictus, ex. gr. passus 4000, ad elevationem gr. 45, ita distantia data passuum 1500 ad angulum elevationis quæsitæ. Itaque duplicato angulo 45, ut in primo casu factum est, erit per *Schol. 1. & 2. Prop. 14.*

*Pass. 4000 Compl. Arithm. 6. 3979400*

*Pass. 1500 Log. 3. 1760913*

*Summa 9. 5740313, dat gr. 22. 1.*

SCHOL. Quam singulari facilitate per Log-mos confici possint Tabulæ, quibus omnes tormenti bellici ictus ex uno dato determinari possint, quæque ad utranque hujus problematis partem maxime inserviant, facile est intelligere.

## PROBL. V.

*Altitudinem Poli tempore æquinoctiorum invenire.*

**S**Tatue in plano aliquo horizontali stylum, qui *Gnomon* dicitur, perpendicularem ad ipsum planum, qui divisus intelligatur in partes æquales 100. Tum in meridie ejus diei, in quo Sol Arietis, vel Libræ initium ingreditur (quod facile per Kalendaria innotescit) metire umbram, quam projicit stylus; sitque Romæ ex. gr. inventa umbræ longitudo partium 89, quarum stylus continet 100. Erit per *Probl. 5. Tacquet Trigonomet.*, ut longitudo umbræ 89 ad styli longitudinem

100,



100, ita longitudo ipsius umbræ, prout est Sinus totus, ad longitudinem styli, prout est Tangens anguli altitudinis Solis, seu Aequatoris, quæ dat in Tab. gr. 48. 20, nempe per Schol. 1. & 2. Prop. 14.

Long. 89. Compl. Arithm. 8.0506100

Long. 100 Log. 2.0000000

Tangens 10.0506100, dat gr. 48. 19.

Horum complementum ad gr. 90, nimirum gr. 41. 40, est altitudo Poli Urbis Romæ quæsitæ, ut ex doctrinæ Sphæricæ elementis patet. Quæ tamen per accuratorem recentiorum calculum deinde inventa est gr. 41. 54, seu gr. 42 proxime. Proinde Aequatoris altitudo Romæ est gr. 48.

SCHOL. I. Ceterum plures sunt modi, quibus nunc recentiores Mathematici quolibet die, vel etiam nocte per stellas, elevationem Poli inveniunt, cum hoc problema ad Geographiæ doctrinam sit maxime necessarium, & Astronomiæ universæ sit veluti basis, ac fundamentum.

SCHOL. II. Ut habeantur altitudines meridiana signorum Zodiaci Borealiū, adduntur ad altitudinem Aequatoris tuæ regionis declinationes Solis, quæ in Tab. Astronomicis passim occurrunt. Sic declinatio Solis in principio signorum Borealiū  $\gamma$  &  $\epsilon$  est gr. 11. 30. Hos adde ad Aequatoris altitudinem, quæ Romæ, ut dictum, est gr. 48, erit altitudo meridiana Solis  $\gamma$  &  $\epsilon$  initium ingressi gr. 59. 30. Quod si altitudinem meridianam Solis quæras pro initio signorum Australium  $\lambda$  &  $\mu$ , subtrahere ab Aequatoris altitudine, nempe ex gr. 48, eorum

corum declinationem, quæ est gr. 20. 12; residuum dat gr. 27. 48 pro altitudine meridiana quæ sita.

## PROBL. VI.

*In linea meridiana Zodiaci signa describere.*

**D**Ucta in aliquo plano horizontali linea meridiana, prout in elementis Sphæricis docetur, quam singulis diebus Sol per foramen exiguum transiens, in ipso meridiei momento tangat, describenda sint in illa Zodiaci signa, nempe  $\gamma$ ,  $\vartheta$ ,  $\text{II}$  &c. Aries, Taurus, Gemini &c. ad dignoscendum tempus, quo Sol ea signa ingreditur, atque percurrit.

Metire altitudinem gnomonis, seu muri usque ad foramen illud, per quod Sol transit, ut nota fiat in pedibus, vel unciiis, aut aliâ qualibet mensura. Tum inventis altitudinibus meridianis signorum Cœlestium, per *Schol. 2. Probl. 5*, habebis earum complementa, & complementorum ipsorum Mesolog-mos, seu Tangentes. Fiat igitur ut muri altitudo, prout est Sinus totus, ad Tangentem complementi altitudinis meridianæ talis signi, seu paralleli, ita eadem altitudo in pedibus, vel unciiis nota ad quartum proportionale, quod dabit in Tabulis pedes, vel uncias, quibus distabit ab initio lineæ meridianæ signi cœlestis locus in ipsamet linea meridiana designandus.

*Sit exemplum* Gnomon celeberrimus Romæ in Thermis Diocletiani jussu Clem. XI. Pont. Max. a Cl. Viro Francisco Blanchino ejusdem Pontificis Prælato domestico

stico constructus anno 1702; in quo quidem altitudo muri usque ad foramen, per quod transit radius Solaris, est unciarum 750 pedis regii Parisiensis, linea vero meridiana in ænea lamina pavimento inserta est. Fingamus huic Zodiaci signa  $\ddagger$  &  $\text{---}$  (nam bina simul describuntur) esse à nobis inscribenda, seu quærendum esse punctum, quod Sol tangit, ubi signa illa Zodiaci ingreditur. Altitudo meridiana eorundem signorum est gr. 27. 48, *per Schol. 2. Probl. 5.*, eorumque complementum gr. 61. 12. Hujus autem complementi Tangens ex Tab. 10. 2598311. Fiat ergo ut altitudo muri, prout est Sinus totus, ad altitudinis meridiane complementi Tangentem 10.2598311, ita eadem muri altitudo, prout est unciarum 750 Log-mus ad Log-nium pro unciis quæsitis. Erit *per Schol. 1. & 2. Prop. 14.*

Complem. Tang. 10. 2598311

Unc. 750 Log. 2. 8750613

Summa 13. 1348924

Fit (Cor. 2. Prop. 14.) 3. 1348924, dat unc. 1364.

Distabunt igitur signa  $\ddagger$  &  $\text{---}$  a principio lineæ meridiane unciis 1364 pedis ejusdem Parisiensis. Eademque ratione ceterorum Zodiaci signorum in ipsa lineæ meridiana locus designabitur.

F I N I S.







